

**GONGSIN S. MARAK**  
**(M.B.E.)-NI**  
**JANGGI TANGANI**

**SURENDRA S. MARAK**

**TURA**

**1986**



**Gongsin S. Marak (M.B.E.) ni**

**Janggi Tangani**

**SURENDRA S. MARAK**

**TURA**

**1986**

## GNIGIPA EDITION-O AGANCHENGANI

Ia ki'tapko skanggipa chapa ka'anio adita katta mellgijarang aro spelling (Banan) gualanirang dongaha. Ia chango anga ua gualanirangko am-a dipet namatna juton ka'aha.

Ia chango ia ki tapko chapa ka atna didigipa Pa. K. M. Momin, Joint Director of Public Instruction, Arts and Culture, Meghalaya-ko anga Mitelchengna ska. Bini ia ki'tapko 'Award Winning Library Book' dake brekujaode halda anga ia ki tapko chapa ka'taikujawachim.

Ia ki'tapo, ia changoba, banoba gualanirang ba katta sronggijanirang dongode ka'sapae kema ka'pachina aro namdapatna cholrangko mesoke on'pachina iachl pilak poraigiparangko mol'mola.

*S. S. Marak,*  
**SURENDRA S. MARAK**  
*Ettyapa*  
*Bonepa-A tila Tura.*  
*18-8-1986.*



## AGANDAPANI

Dingtang<sup>⁴</sup> dingtang chasongrango rokom rokom janggi tangani bewalrango janggi tange chasongtangni kri mingsing-minggama man'gipa A chik ma'gitcham pagitchamrang bang'en gnaung chim indiba uamangko nikrikkiparang ba uamangni gimin aganna man'giparang dongang jajok. Jemangko nikrik uirikachim uamangni giminba sandirikkite see rakkirikna gisik nang-giparangba dongja. Shri Surendra S. Marak, adita bilsirangonin lani bidingo gisik nangbeen<sup>⁵</sup>achim aro uandaken ua Bong Laskerni gimin seani ja'mano Bongni su'gipa Gongsin S. Marakni giminba ua seaha. Una agreba ua Jaran Peel aro Jobang D. Marakni giminba seaha indiba uarangko chapa ka'atna chol ong'kujaenga.

Gongsin S.<sup>⁶</sup>Marak A'chikni itihaso biapko man'na kragipa A'ch kni depante saksa ong'a. Janggin Sangma, Laskerni ja'mano Gongsin Marak, M. B. E. (Member of the British Empire) upadhiko 1920 bilsio man'naha. Uandake A'chikrangni gisepo uamang sakgnisaan ua upadhiko man'giparang ong'achim. A'gilsak gimiko bilakbatsranggipa British sorkarini nikanio ua upadhiko man'na kragipa mande ong'aniara dalbegipa katta ong'achim. Indakgipa A'chik depanterang jatko de'doa aro mingsing-minggamata. lan au'chingna nanggipa skiani ong'a.

Gongsin Marakni janggi tangani minggipin skianirang gnangpiti. A'chikrang a'bako o'e game

sue, mangimin bosturangko Zamindarrangko anti kulie ong'ipa antirango pale nanga bosturangko breskae janggi tanggiparang ong'achim. Indiba Gongsin dingtange janggi tange nokrik nokdikachim. Uri A'chik rangoni skanggipa bading chiwale nokcha nokdangko rikgipa ong'achim. Lekka pora dongjaoba ua Sylhet aro Calcuttani dal'dalgipa bading chiwalgiparang baksa meligrice bading chiwalnachanggipa mande ong'skaachim. Uri indake dal'dalgipa bading chiwalanirango dake cholligipa ong'ani gimin A'chikrangna agreba Susung-Durgapur aro Sherpuri Zamindarrangba uko mande ra'achim. Uandake ua antaungi bading chiwalani bidingo changa sapanichi sa'tangna, ma'drang baksa-rangna aro a'songna rasongkoba ra'baachim. Iaba an'chingna mangipa skie ra'ani ong'a.

Iana agreba, Gongsin Marak mandesan ong'e bilmiting aro cha'miting safrango skatang janggi tangaha aro Mondolini niam aro getanirangna nachil songjaha, indiba uni janggi tangani bon'kamgipa safrango ua nipilate uarangna duk ong'aha aro glisik pil'e Isolni aro mandeni mikkango parake kema bi'aha. Iana mandeni dakna neng'begipa indiba nambegipa kam ong'a. Ianoba skie ra'rikani gnang.

Is ki'tap Gongsin Marakni janggi tangani gimin ong'gongchimoba, ua chasongrango A'chik a'songui obostarangni gimin Calcutta songjinmani obostani gimin aro ce'a doanirangni bewalrangni gimin aro A'chikrangni dakbewal dong-

be waliangni giminba adita talatani gnanang. Ia-  
rangba ar'chingna gamca gipa ula ramikani  
ong'a.

Shri Surendra S Ma' aartangan Gongsinni  
gritang sokchi ong'e A' ni bewal gita mama-  
tangni dakchakaniko man'e Calcuttao paraigipa  
ong'a. Poraimanoba ua mamatang Gongsinni  
noko dong' ani janggi tangani'ko mikrontangchi  
mrik mikri'ke a scaniko statana p'rimam kakket-  
gipa scan' ong'a in agant mad'gan.

Ia scan' c' l' ong' gnan'ang donggachim-  
oba ran A'chi skia mad'p'itangko, talatani  
ong'ge int' naga ka'donga.

Shillong  
August, 1962.

Dr. Milton S. Sangma

## *AGANCHENGANI*

Ia ki'tap A'chik pagitchamrangni saksani janggi tangani kattarangko segimin ong'a, jeni ma'giticham pagitchamrang Englishrangni sason ka'na skangan, A'khing goreko songdong a'chae donggiparang ong'achim. Ua biapara A'chik songni gisepo dal'batgipa Simsang chibimani rikamo Silkam a'brini kurio, A'chik songni Salgipeng Salamramchibarao donga. Ukon Siju Songmong minga.

Ua chibimani rikam jolgimikan A'chik jat ong'oba, A'chik ku'sikko aganna man'jachim Uamang'kon ATTONG KITCHU ine minga. Uamang A'chikrangni gisepo ka'grak, jetojabat, gipa ong'a ine agana. Mandeni bimangrangba-me'asaba ba me chikrangba ong'chong, dal'-dala aro changrobatgiparang ong'a.

Englishrangni sason ka'na a'bachengaoni skanggipao, Lasker siani bak tapan, je'mandeni janggi tangani kattako ia ki'tapo seahachim, ua mandeni atchutang nanga, Bong Am'pang Sangma Lasker minga. Ia Lasker Englishrangni songchenggipa bimung Binu Lasker minga. uni ja'chong man'rikgipa ong'a ua Bong Laskerni su'gipakon Gongsin S. Marak, minga.

Atchutang Bongni mokdango bi'sa angde dongja, Gongsin S. Marakni ma'a paako nok-

tangni chawari demechik dake jakkalachim,  
aro uamangni depante demechikrangkosa nokni  
depante demechik gita jakkalkamaiachim.

Uni atchutang Bongni janggl tangani kattako  
dingtang krtapo seaha. Aro da'o la kl'tapo  
Gongsin Marakni kattako seaha. Uan Brltish  
Sorkarini somoio, *Member of British Empire*  
titleko (M.B E ) man'achim. Uni gimin ma'sina  
sikgiparang uamangni gimin segimin kattako  
poraiode rongtale ma'sina mangen ine janapat-  
enga. Iamang atchusaon A'chikrangni gisepo  
SALARAMNI MATGRIKRANG ine mingna  
kragenkon.

Gongsin S. Marak skia porala bang'e dong-  
paja, Indiba chengo Bengali oikorchil segipa  
"Sisusika" ingipa baksa ba bakgniko poraiakon.  
Una agre mamung Lower Primary ba  
Skulrangan dongkujachim.

Uni janggl tangani kattarangko see rakio  
donaba dongja. Ma'drangni darangba chukale  
skulo poraiaba skia ba dongpajachim. Uamangni  
janggl tangani kattarangko da'ororoni chasongni  
skia man giparang, indake A'chik pagitcham-  
rangni kattako amrikigiparang angkoba uamang-  
ni gimin sechina didiachim. Uni gimin anga  
chanchie nion adita neng'nikachim, maina sal  
ba somoirang, tarik aro bilsirang tik ong'jaode,  
gamchatani pal andas tol'mikgipa ong'genkon  
ine chanchiachim. A'selde see raklaniba ango  
dongja. Je ong'a obostaranko sing'grike tik  
ka'na gitaba haida bilsil sotehet ba sotsnina agre  
komijawahakon.

Anga ia ki'tapko segipa Pa. Gongsin S. Marakni gritang ong'a. Angni mamatang angni bilsni ba chet ong'antalan an'tangni nokona rimange, uni depante Rameswar Sangma baksa rochina apsan tuate, poraiata aro cha'aba unon cha'atachim

Songni Lower aro Upper Primary Skulrangko matchotman'oba Turaona rimange Pa Jobang D. Marak aro Jaran M. Marak, Ponepamang ni noko chinga sakgniko tik ka'e donange, chongmotan angko aro depante Rameswarkode cha'e poraiatachim. Indake bilsni 1913 aro 1941 bilsni-gniba Tura Mission M.E. Schoolko matchote poraiataha.

Tura M.E. Schoolko matchotman'ani jamanoba angko apsan depante baksan Calcuttachi rimange, 224, Lower Circular Road-o donggipa Bishops' Collegiate Schoolo poraiataha. Indake uni siani bilsni 1920 bilsiona kingking anga uni dakchakaniko man'e poraiachim. Uni gimin anga Pa Gongsin Marakni janggi tangani bilsirangkode an'tangan re'chape nirikgipa gita ong'pile uie anga aganna man'gen

Ia ki'tapo uni janggi tangani kattako seon, je obosta a'sel aro kamrang kakket aro bebe ong'a ine anga raken aganna man'gen. Indiba tarikrangna anga, angni segiminrangan gualani dongja ine ka'dongchakna aro kange ra'na man'jawa. Indiba sal aro somoirangkode anga

an'angan re'chapani gimin tikan ong'na kraa  
ine anga gisik ra'e seaha.

Garo Graduates' Union-ni meeringo anga  
uamangni mande ra'e okamako man'e dong-  
paaha. Ua meetingoba, uamang angko Bong  
aro Gongsin ma'ang atchusani gimin sechina  
didiataha. Una agre gipin Garo Literature  
Socentyba anga member ong'pae ua Societyba  
angko didiataha.

Indake bang'a skia man'gipa aro gisik-  
nanggipa ripengrangni ska gita, ua gitcam  
pagitchamrangni janggi tangani kattarang dong-  
guasrangna bate, adita kattarangko aro obos-  
tarangko Janape bimungko tange rakkiani ong'-  
naba dongakon ine chaachie anga ia kitapko  
seaha.

Angni seanio bang'a kattarang aro somoi  
tarikrangko saoba gualako nike nambatatna  
donggenode anga mitelanbaksa kusi ong'begen-  
chim.

Ia townni ning'o angna bate bribatgipa  
ripengrangoniko ba sorkarini recordrangonko,  
ong'jaoba songadamni me'aparangoniko sing-  
roke sena anga chol ong'chongmotjatelaha.  
Ong'jaode, kakket aro gualgija rongtalbate  
mesokna man'genchim ine da'oba mol'mole  
anapatpaenga.

*SURENDRA S. MARAK*

Ettypa.

Bonepa A'tilla, Tura.

14. 4 1986.





# JA'PANG KATTARANG

			Page
Agandapani			i — iii
Aganchengani			i — iv
Bak	I	— Gongsinni Ma'gitcham Pagitchamrang.	1
Bak	II	— Gongsinni atchia.	11
Bak	III	— Atchutang aro Ma'a Paarang Sijuoni Baghma- raona Sengko Jitanga.	13
Bak	IV	— Gongsin Marak atchutang aro aro mamatangrang baksa nogipa Ringsaina segipa sandina re'anga.	20
Bak	V	— Singdon Jikgipako rime ma'drangchi re'anga.	26
Bak	VI	— Masingpani noko Mon- dolini Kamna tom'a.	34
Bak	VII	— Bilsi 1897 June Jao Gong- sinni Atchutangni Noko dal'a a'sel ong'a.	38
Bak	VIII	— Gongsin atchutangni nekona Kangjim S. Marakko deragata.	45
Bak	IX	— Agor aro uui toko blkote badingna a'bachenga.	50
Bak	X	— Gongsin Agorko apale badinga.	55
Bak	XI	— Gongsin Mahajon Agor aro attar Toko Calcut- tachi ra'ange palea.	60

Bak XII	—	Calcuttao dongsogipa Peal aro Aaron Sangmako gronga.	63
Bak XIII	—	Sylhetni Mahajon baksa Calcutta Kachario Mok- ordoma Ka'a.	65
Bak XIV	—	Recruit Rim'ani Bilsi	71
Bak XV	—	Emangirl Reserveko Deforest Ka'a.	78
Bak XVI	—	M.B.E. Upadhiko Ra'na Turachi Re'anga.	81
Bak XVII	—	M.B.E ni Medalko Patna Meeting Ka'e Matcho- tata.	98
Bak XVIII	—	Turaoni Baghmara Songona re'angpila.	109
Bak XIX	—	Grorangko Chotpilna Joton Ka'a. ... ..	120
Bak XX	—	Gongsin Marakni Noko Mondolini Bi'ani Gil- jako Ka'a. ... ..	128
Bak XXI	—	Siju Songmongko aro Ma'drangko Grongna reanga	131
Bak XXII	—	Mitelpilani Bi'aniko dak- na Mondolini Mande- rangko okama. ...	142
Bak XXIII	—	Uni Janggi Tangani Sal- rangko nipiltale Simsake Jakkalaha ine Mesokani.	150

## BAK I

### GONGSINNI MA'GITCHAM PAGITCHAM RANG.

*Skanggipa chasong:*

Nokgachi, segipako Januka Sangma minga. Ua Gineng Dawa maharini ong'a. Nokmechik, uni jikgiparang sakgni gnangchim. A'chikni bewalo chrarang jikmongma, jikgitedake abisako do'sie on'aha. Uamang abisaan Sin'tang Gambari Mahari ong'a.

1. Jikmamongko Rikmal Sin tang Marak, jikgiteko Tere Sin'tang Marak ine uamangko mingachim. Uamangni dedrang:—

Jikmongmaoni: (1) Jaopai Marak (2) Geni Marak, sakgnian demechikrara. Depanterang, (1) Tokang Marak (2) Nisa Marak (3) Tojo Marak. Jikgiteni dedrang dongja.

Januka Sangma an'tangni demechikrang sakgnian an'tangni jonga gri kam'dakkon, Rangam Dawa Sangmako ra'e cha'e, abisakon jikmongma jikgite dake do'sie on'enba, chrarang nokkromna minge nokna salgutaha.

Rangam Sangmani o'bite Januka Sangma, Akhingniba Nokma, aro man'e dange cha'anigimin uko chrarang A'chikni bewalo Ganna Pe'e nokma songe uko Kamalchi kotip gitcak, jaksil pate on'achim. Uandaken Rangam Sangma koba Akhingniba nokma aro man'e dange cha'anigimin Ganna Pe'e Nokma songachim.

Rangam Sangma an'tangoi bilmitingo Am, pang Mahariko ma'nok chanachim. Indake wak matchu doke songna nokna song'e chane on'e, chu, mi ale an'tangko Ampang Maharini depante ine parakatachim.

Uni ma'nok cha'gipa gachitanga, Chambu-gong Wa'ge Mahari ong'achim. Nokmechikara Am'pang Mangsang Mahari ong'achim. Indake segipako Changding Wa'ge Marak minga. Jik-gipako Dangai Am pang Sangma ine mingachim.

A'jikse :- Changding Marak aro Dangai Sangma lamang jikseni nokdangan, Januka Sangma aro Rikmai Marak jikseni a'kHINGO apsan nokkap nichenge, jamdap rikchenge, a.kHINGO sima ari kangchenggipa ong'achim ine agana. Indakesa ja'mano nokchame kae angdari nange paping deping ong'aha. Indake ekna galna ma'grikjae, a'kHINGKoba a jikse kangdimna ga'akaha ine aganachim.

Changding Marak, Dangai Sangmani jikse ni nokdangba tba ja jeja; apsan man'e dange cha'a, uamangkoba A'chikni bewal glta Ganna pe'e, Nokma songe mingsinga minggamachim. Songsul noksulrangba pangchake dan'dane dongachim.

### GNIGIPA CHASONG

Rangam Dawa Sangmani jikmongma Jaopai Marakni . demechikrang sakgoi gnanachim

(1) Ramjini Marak, (2) Jingral Marak ine uamangko mingachim. Jikgiteni Geni Marakni demechikde ba'rongdokachim, ukon Pansai Marak minga.

Chengoni A'chikni ma'a paarangde demechikrang dongode, mikka wajaode wachi ong'ahaode, chame ani mikcha ka'dang-mitingon, chawari nokkrom sandie on'rongachim. Indake Rangam Sangma an'tangni demechik skanggipa, Ramjini S. Marakna an'tangni ma'noktangni depante, jong gri kam'dak nangakon Sadal Dawa Sangmako ra'e cha'aha. Uni nogipa Jingal S. Maraknaba apsan chatchionikon Jose Dawa Sangmako ra'e cha'aha. Iamang chawari sakgnian a'gate cha'dilaha.

Rangam Sangma an'tang chrarangko okame salsao aganaha, "Na'simang angul ohra angde, angni namnika gita na'simangni namchiktang sakgnian "Da'oba na'simang ba'chotkujagipa ko dangchote galchina mol'molengachim apadrang" ine aganaha.

Unon chratang dal'batgipa, "Nang'ni ma'a nok gachiranga bang'a na'a jaksl ote, bimung minge on'jaode, darangan bipang bibal dongpaa uadee; ong'ama ong'ja apa?" ine aganchengjok, Unon jong gri nanggiparaagba, "Chong'mot. na asa nang'ni miksongako bimung minge, jaksl ote mesokchenggensai," ine aganaha. Unon chratangrangni saksa, "Gitonan ma'sikuja, ka-bakan sosikuja; indake agunoba, an'tangtangna

baltia gita, ma'ko nokoba." Indake ma'drangko boke ringana, gae cha'ana gachitang man e cha'giparangkode.

Unon Rangam jikgipako, derabite, "Ram-jini ma gipa" "wai," debimungchi derahite jikgipako song'ramoniko okamataha. Uaon jikgipa re'bae segipao, "maina okama" ine sing-aha. Rangam Sangma aganaha, "Na'a knapajamade, maiko nang ni chratangrang jachaenga, gitokan ma'sikujana, ka bakan sosikujanade". Jikgipa Jaopai Marak, 'Esal silkalako nienba dee on'nara, na'ara jak dongjamade," ine Attong ku-sikchi. (Raichak tiekalkabao chaiemu, paie hunai na'a chik niwama?) ine agane, jikgipa an tangan nokdringchi napange, gura dal'batako de'ongkatbae on'enba, chikoba basingoniko gapako nie de'e on'ba'aha.

Uni ja'mano Rangam Sangma kattako a'bachengtaina am'on chratangrang gisik nange knatimaha.

Rangam Sangma indine a'bachengaha. "Etalaba bebeba angade, nokoba bi'saba nogipani bi'saba Pansai Marak-sanjok, na'simangbanikaenga. Uni gimin angade indake agangenchim, Gineng Dawaba angni ma'a noan, sako galna sako jena. Indaken ang jong anggrl Gineng Dawaonikon ra'e chajok, ma'ko nokoba sandijok Ma'noktangni depanteba. angnide jong-grlan ga'aka, ong'ama ong'ja? "Unon chratangrang" ong'a" ine aganchakaha. Rangam Sangma da'o

parake indine aganaba, "Da'o angni ma'noh cha'gipa, Dangaini, Changdingni depanterangoni Balman Am'pang Sangmako singe nina, na'-simangni Namchiktang Pansai Marakko dile done nibana Inesa, na'simangko re dilchina aganengas chim' na'simang jetoode."

Chratangrangoni dal'batgipa Tokang Marak, — "Mainasa jetojawa da'ora. Unon jongdrangba darangan, "Namdugapilgen, uade, gong ja, re' pajawakon inesa".

Chratangrangoni saksa nokgilchi su'buna re' ango 'Nagrako dokatsrangaha. Rangam Sangma, "Ha da'ode a'bote ra'srangjok" Jikgipako okame, "Oh ma'gipa bi'sarangko chi kochina, watate, haowa noksamo rogiarangkoba okamat".

## RANGAM SANGMA MA·NOKTANGCHI NOKKROMNA RE·ANGDILA:

Songgimikol manderang re'bae ringmil cha' milani ja'mano saksa me'apa — Changdingni Dangaini dedranga basik sak donga, aro badia depantena da'o dilangna mangsonggipara?" Rangam Sangma aganaha. "Reoba re'jaoba ma'a paa watode" Balman Sangma Am'pangko miksongachim." Unon Am'pang gachirangoni saksa, "Sawa gipin Inesa watjagen ukoara; an'tang depante ba'an, an'tang chratang nikanba uara."

Uni ja'mano ehratangrang salko jeko tih

dake donmano chu song'china, merong mechu tari sachichina ma'drangko agane, ringe cha'e noktangchi re'angtokaha.

Sal somoi tik' ka'ani gita, antigni mangni ja'mano chrarang re'batoke singrokeaha. Unon Rangam Sangma-maang jikse salsagipao pringni re'bachina aganataha, aro mi-pringkode song-sogen ine aganataha. Rangam Sangmani nok-chametang Changding Marak, Dangai Sangma jikseni dedrang:—

1. Sinchai Am'pang Sangma—Me'chik dejakra
2. Sangman „ „ —Me'asa jonggipa
3. Balman „ „ — „ „
4. Rikran „ „ — „ „
5. Remik „ „ —Me'chik sa'chon

Sakbonga ba'rimarangni gisepo Balman Anipangma, Sangma, jekon ja'mano Bong Sangma-Lasker ine mingkamaha, uan gitamgipa depante ong'achim.

Salgipin pringo re'bae, wak, do'o midap samdape, chu aro merong do'o, gipin glpin nangarangko ole, dee, ma'noktangchi nokkromna Rangamni demechik Pansai Sin'tang Marakko chratangrang baksa dilangaha. Rangam Sangma demechiktang Pansaina ma'noktang aro nok-chametango, uni depanteko singmanon, kuwatako man'on, chratangrang Balman Sangmako singjike niaha. Ja'mano A'chikni bewalo Pansai Marak chametang Balman Sangmana bilsigni cha'sengaha.



Pansai Marakni noska abitanrang kubaltie jachok re'e. Balman Sangmako man'aha. Balmanba an'tangni bading chiwala. man'achi ba'ra, kancha ripokrangko, chametang Pansai Marakna on'e *Sinnako* mesokaha; aro chametangni mi, chi tinarangkoba kusi ong'en cha'ahana. Noko chu cheke ringarangoba chametangni gome botolo brae donako on'sooba kangriken ringahana.

Bilsini mipang jokmanoa wanna rongchu galmano. mamatangrang aro ma'a paarangba re'bae Balmanko : o'bite niotangni nokona rimange do'si do'doke, kamalni jakchi matchotat-aha. Aro chrarang chawari ranram ong'ja ine, Nokromna biambongna rimasa ine parake nokna salgataha.

Balman Sangmani ma'gipa ba'rima Rasin Am'pang Sangmako Balmanni ma'sibrekujamit-ingo, Dambo Rongjeng jolchi badingangako Me'gamrangni den'e slatgipa dongachim. Uko mangone greng' dapchote watatna chuwak sue, merong sue kam ka'ani somoi Bongmaag aro Pansai jiksekoba okamatani gimio ambitang watatningjachim. Ja'mano mangona matchotesa, Balman o'bite niotangni nokchi re'angkan'ang-aha.

### GITAMGIPA CHASONG

Rangam Sangmani skanggipa chawariko Sadai Sangma aro uni jikgipako Ramjini Sintang Marak minga. Uamangni dedrang :- 1. Motda

**Sin'tang Marak**, me'asa dejakra. 2 **Gairai Sin'tang Marak**, uni nogipa saksasaan. Iamangni dedrangba man'e dange cha'achim. Uni gimin uamangni nokdangba gangipa, tek gipa nokdang ong'achim.

**Sadai Sangma**, an'tangni demechik **Garai Sin'tang Marak**ni ja'del bilsokahaa, ua an'tangni gritang, abitangni depante, gritang. **Saleng Dawa Sangma**ko nokkromna minge chrarangko rime dilangaha. A'chikni bewal gita b'lsisa ch-sengman'o, **Saleng Sangma A'chik**rangni bewal glta mamatangni nokna nokkromna minge ku-rachakani gimin do'sie on'e nokna salgataha.

**Saleng Sangma Bong**-ni sadutang dal'bat-gipa chawari chong'mot ong'a. **Bong aro Pansi** nokdango A'chikni agaubewal, "Ritima soksola dongjachim". Uni gimin noko chawari dongjachim. Uni gimin **Bong aro Pansi** mang jiksese. **Saleng Sangma aro Garai Marak** kosa noktangni chawari dake jakkalachim.

**Saleng Sangma aro Garai Marak** jikseseani dedrangko sul-sul dake mesokenga:—

1. **Masing Sin'tang Marak**—Uan dejakra depantej
2. **Diggran** „ „ jonggipa
3. **Singin** „ „ - „ skanggipa demechik.

4. Gongsin Sin'tang Marak - „ gltamgipa depante.
5. Ringsai Sin'tang Marak - „ gnlgipa demechik.
6. Kilman Sin tang Marak - „ bon'kam-gipa depante.

Saleng aro Gairai-nl dedrangni glseponi, Singin Marak demechik-ko noko nokolrangko su'dil song dilchina jakkalachim. Unl noglpa un Gongsinni kurioni ong'a; ukode ambitang Pansalan Ringsaikode ba'e, rime auat miksuatgen. Bl'sani cha an jekairongchu, te'rik, grit aro rokomari minilrangko brengge on'ronge, namen ador ka'e jakkalachim.

Una agre depanterangni giseponiko Gong-sin S. Marak aro Kilman S. Marak jamang sakgnikode nokoni su'drang gitan namen simsake sandiachim. Mipring, mesal ba, meattam chu' arangoba uamangkode mikkango an'tangtangni palko e salo pe'rarone on'chengesa on'achim. Chi ringani chonchongipa laurango chiko brae on'e kusi ong'atesa cha'at ringatachlm ine agana.

Janaphagimin Gongsinni kurioni jekon am-bitang Pansai Marak ba'e rime jakkalrongachim. ukode uamangni miksonga gita uko deragatna mangsougane Siju songonitalan aganrongana. Mamatang adatangrangba uamangaljasia gitan

ukode atchutang ambitan'ni nokko dera'gatna Ringsai Marakkode ku'pake donachim ine agana-chim.

Siju songmongo dongengpitlonitalan Gong-sin Marakni bilsokbaroroahaon Bong Lasker ring aro bolrangko bree palani badingani kamrangko skiachim ine agana. Jonggipa Kilman Marakkoba raka kamkoba ba nokni kamrangkoba kamkode ka'atjachim. Atchutang noko dongode, atchutang baksa rorongachim: ine agana.

*Skia poraiani:* Malasing Pandit minggipa Bengali olkorchi segipa baksako skidila ine aganako knaachim. Angni ma'gipa sastro aro gitrangkode ringna jakkalako nitkkuna man'a Ian Sijuonl Baghmaraona ong'onbaosa poraiakon ine masina man'a.

## BAK II

### GONGSIN NI ATCHIA

*Atchiram:* Songkosakchi Darení chi gam'a, mikka klma gita songkamachi warini tu'a simdik-dik aram síma gita, Siju Songmong atchutang ambitangni a'khing Goreo, Attong Kitchu-ni a dok, songadanini nok-a'chik noko, bilsí 1858 mango Gongsin Sin'tang Marak atchiaha. Uni pagipa Gineng Dawa maharioni Saleng Sangma minga; uni ma'gipa Sin'tang Gambari maharioni, Ga're Rekwari Gairai Marak minga.

Gongsin S. Marakai ha'rimarang gimik s'kdok dong. Ka'mao sulsul see mesokenga:-

1. Masin Sin'tang Marak, Depante jakra.
2. Dingran Sin tang Marak, Jonggipa ja'sin
3. Singin Sin'tang Marak, Nogipa skang-gipa demechik.
4. GONGSIN SIN-TANG MARAK, Depante kurloni.
5. Ringsai Sin tang Marak. Gongslani kurioni, me'chik.
6. Kilman Sin'tang Marak, Depante sokpak.

*Ma'a paani janggi tangani cholrang,*

Uni ma'a paa a'ronggani burungko o'e, so'e game cha'gipa ong'achim. A'chik game sue cha'ani giseponi atchu ambitangnitalan man'e cha'achim.

*Ma'a Paani Bebe ra'ani:* Uni atchu ambu aro ma'a paarangba miteko manie, A'song krite, wanma rongchu gale janggi tanggipa Songsarek ong'achim. Uandaken Gongsin Marakba uni bilsokaona kingkingan Songsarek bewalo janggi tangachim.

*Uni bi samitingni salrang:* Gongsin Marak chibimani sepango atchiram songni bisarug jekal chio roe, na'tok rime aro man'arangko atchutang ambitangko kusi ong'atna ra'ange on'rongachim. Atchutang Bong aro ambitang Pansal uamangna namen simsakachim Mamung raka kamrangko ka'atrongjachim.

Gongsinbilsokahaon, ring bol sol'e chlsamo kae donode, uarangko brena atchutango tangkarangko bi'e breenba, chimonge antini salode re'eng-skarang baksa choange palna re'angrongachim. A'chikni agaanirang jekal, rang, ripok, palan, sel'u, kotip aro gipin gipinrangko chimonge ra dame, uarangko badinggiparango palateba tangkarangko bikotachim.

## BAK III

### ATCHUTANG ARO MA'A PAARANG SIJUONI BAGHIMARAONA SONGKO JITANGA-:

Bilsi 1879 mango Bong Laskar aro Rangu Momin nambata janggi tangani cholko am'na me Sorkario hukumko bre man'manoa Baghmara Konagittim Songona jitangaha. Sakgnini nokdangan songko jitangna hukumko man'oba, Bong Lasker jitangchengaha.

A'bachengaonital Bong aro Pansai jiksasaan Gongsin Marakni ma'a paako rimchapesa songkatna tik ka'ahani gimin, uamangba apsan re'angna tik ka'aha, maina ambitang chawaritang aro demechik aro uamangni dedrangko watangna sikjachim. Indiba uamangni gisepo, dejakra Masin Marakde jikgipa ra manahani gimin, un jik-dedrangko madrang watatoa sikjachim. Indake uamangna agre, Gongsinni ba'rimarang ma'a paa baksa darangan re'angtokaha.

Konagittim Baghmara d'aro H E. School rikgipa Dilsa A'brri chapchaposa atchutang Bong Lasker-mande nokko rikachim indiba Gongsin Marakni ma'a paade Rangu Mominni donggipagittim Bolsal A'dingosa biapko mikchae baseachim. Indake nok-achik dal'prete Siju songo rikanl bewalosa, Bong an'tangni chawari demechiknade rike on'achim.

Bong Lasker an'tangni me'asa su'drangnade an'tangni a'pal a'samo Nokpaote rike on'achim.

Uanon Sin'teng danterara jinma tutokachim.  
 Mipring ba miattamrangkode ambitang song-  
 atenba chakolrangko ra'angatrangachim aro  
 Gongsinni ma'gipani nokoniba song'e ra'baronge  
 on'rongachim. Basakobade an'tangtangni nokchi  
 re'ange cha'erongachim.

## BONG SU'GIPA GONGSINNA BADINGA- NIRANGKO SKINA A'BACHENGA:

Bong Lasker tangka bote chimonggimin,  
 antidamomirangkojam te'gitamo gapeman'achim.  
 Iarangko ua su gipa Gongsin Marakko A'rong-  
 gachi chodoangate bol tumrangko sol'china  
 mirangko botchina watatrangachim. Maina  
 a'rongganl manderang cha'na chu'onggeijan  
 bang'batachim.

Uandake ua atchutangni ge'eta gita ring  
 dal'gipao miko mon kolgrik ba kolatehi dake,  
 chakolrangko sakdok ba saksni dake rim'ange  
 re'angachim. Ua migil baksana kari, tamaku  
 aro basngrango su'gipa na'kamrangkoba ra'ang-  
 chapachim.

An'tangtang song'e cha'naba, merong me su  
 samjakrangko chu'onge ra'angachim. Indake  
 Gongsin Marak an'tangni ma'nok bang'gipa  
 Emangirichi ra'doe re'angrongachim, maina ua  
 songkon A'chik A'songrangni gisepo sol'a repa  
 gi'olin mingsingachim. Ua ra'anggipa megil aro  
 gipin bosturangko tangkana palani pal bolsal  
 kurorango sol'ate dam dakgrike sree ra'baachim.



Ua sol'glimin bolrangko an'tangtangni pal-tangtangko wa'arangko den'e, uarang baksa kachape doldol dake Baghmaraona Bongni antiona chobaenba palaha.

Rokomari bolsalna agre gipln bolrangko ringrangko aro wa'arangko tangkachiba bredape anti anti re'ange game cha giparangko didiate cholrangko mesoke janggi tangani cholrangko ku'patlachim.

Antlona an'tangtangni bolrangko choonbae ra baode, uamangnaba song'echa'na aro tuchakna biaprangko sandie on'genchim. Ua antini salode basakobade gipla manderangba bang'en re'baa'chim. Gongsin Marak, uamangara antlona re'baama, ba malba miksonge uona re'baama uko sing'rongaha. Uamangoni mitam a'ronggani manderangde bol sol'na miko toe ra'chaksona agane bi'sha. Mitamrang chakol dongna sing'aha. Mitam miko toe on'na ine tangkako bi'sona aganaha. Unon Gongsin uamangko atchutangni kachari grorangko bichal ka'ram biapona rimangaha. Atchutang Bong Lasker, Gongsin Marak su'gipao, ua manderangko mai kamrangko on'nasienga sing'aha. Unon mande bang'dugajokde atchu ine aganchakaha. Atchutang Gongsina aganaha, Na'a bol sol na tangka ba mirongko bisogipana sorkarna dolil sechina agane, seate on'sobo mikariona bi'sogipanaba na'a antangna, an'tangni tangkako dolil see on'sobe''.

Una agre je manderang chi jrona man'a, ring chona man'a, indakgiparangko chakel rakibo; da'o wachiode an'chingni bol' tum aro krong aro wa arangde da'o simsake tarisojaode chi dalbahaode chi baliangtokgnok, uarangkode jao beton tik ka'e rakibo" Aro ua (Bong). su'gipako aganaha, "Wa'arangko wa'se suatbo, krong gitcamrangko nang'ni tangka mina on'sogipana jani rikatbo; maina tangka bi giparangnade, na'a dongode on'sobo aro sorkarchi see rakibo aro an'tangna a tot dake ra'bo."

Chakol rakigimin manderangna badita uamang atchusani bol tumrang krongrang aro wa'chaprang gimikko mesoke on'e, saldoe, de doe aro chimongdamchina mesoke on'china ge'et'ha, maina antiui chisam gimikkon uamang atchusani ring bol wa'arangau bang'batachim.

An tisao Mymensinghoni saksa Behari Potchima matburungrangko badinggipa Bong Laskerni an'tiona re'baha. Ua Bong Laskerni mikkangona re'ange sallam ka'cheoge aganaha.

Behari: "Na'a angna matburungrang aro do'rangko chimonge donsona man'genma?" Uarangni damko see mesoke cataloguekoba mesoke on'aha. Unon ua sugipa Gongsinko okamataha. Unon ua atchutangui nokona re'baaha.

Gongsin: Atchu, maina angko aganata?"

Atchutang Bongi: "Na'a angni sordar nok-marangko antiona re'bagiparangko am'enha okame ra'atebo. Anga nang na matburungrangko chimonge ra'bachina aganatokna. Na'a ua karbarko dakbo, angade moffosul re'gipa mande, uarangko dakna man'jawa."

Gongsin Marak an'tangni jonggipa nanga Ringjan Marakko okame, antiona re'bagipa nokma sordar-rangko okame ra'e rimbachina watataha.

Aditani ja'mano Nokma sordarrang badi-taba sak re'bae Bong Lasker aro Gongsin Marakko grongeaaha. Bong Lasker ua nokma sordarrangna indine aganaaha, "Na'simang jolo je songonikoba matcha matbil, huro, makre, ranggol, aro da'orangni gisapo, Renggok do'sik, moina (do'sing', do'pa (do'kua, aro uandake g'pin matburungrang aro do'o bi'sarangkoba koksepo name chipe ra'babo" Aro ua matburungrangni damko, burungoniko rim'bagiparang-oniko breani damkoba agane tik ka'e see on'aha.

"Indiba Baghmaraona ra'baode Bongona ra'bana nangja, Gongsin Maraksa breugen. Uonasa ra'ange damkoba uasa one'gen ine rong tale agane watataha.

Antisa ba antignini ja'mano, bang'en matburungrang aro do'oburungrangko ra'baaha. Mong-songbate Calcuttaoni mahajonrang nam batg'pa, matcha, matbil, matchok bi'sarangko, aro do'o-

orangni giseponi, renggok, moina do'sik, do'parangko chimongaha. Saoba kawate okgipu, aro chipu nokmaraagkoba ra bae donangana, la matburungrangna salsal be'en aro gipin cha'anirangko on'timgipako aro algiparangko rakia-chim. Uua agre do'orangna bol ba prap bite rangko, meraku, chatu aro mirangko salgimikan simsa ke on'china munderangko agane donachun.

Salsao Bong Lasker, su'gipana Gongsin Marakni chimonggimin matburungrangko re bae nienba ka'dinge sing'aha, "Da o'iarangko basako mai daknok Gongsin?"

Gongsin—"Mikkang antimango Behari Potchima-ko rime Calcutt'achi re'ange matburungrangni Bepariko aro mahajonko sandi'aseng."

Bong—"Tangka ma'pang baditamang nang'aha?"

Gong—"Hajalnimang botjok atchu."

Ua bilsirang 1904 ba 1905 mang ong'a re'ang a chanchiman'a. Gongsin Marak Calcutt'achi re'angebebeaha, aro ua Beharikoba rimangaha. Unon ua matburungrangko badinggipako nika'aha. ua biapara, 12 Colutolla Street saksako Md. Potemamud aro saksako Chitpur Road man'aha.

Ua Bepariko gronge do'orangni ketalok aro damrangni listrangkoba man'bakamaha. Gong-

sin Marak ua Beparini nekgipa baksa agangriko Calcuttaoni re'bapilaha. Aro Pote mahamud Bepari an'tangni mandeko watchapatani gimio rimbaaha. Jensalo uamang songona sokbapilaha, Calcuttani Bepari mande matburungrangko niko aiao inmanpilaha. Maina indita kakket ine uamang matburungrangko namedake ra'angna tariaha aro ramaona cha'niko on'na coolie-rangko tik ka'e datkape tariaha.

## MATBURUNGRANGKO CALCUTTACHI RA'ANGE PALEA.

Matburungrangni listrangko ra'e name dake tarie chipe winge kam ka'mano darangkon ringo gate Netrokona ona choangaha. Unoni railo book ka'e Mymensingh gita, Siraganj Ghatona re'angaha. Unoni Ferryko chobate Santehar Station gita, Sealdah Station Calcuttaona sokeaha.

Sealdah Station-oni truck gegittammaangko ra'ange 12, Colutolla Streetona re'angaha. Baghmaraoni ra'bana skang matburungrangni listni gita chantaie nion, chonchongipa do'o-rang baditaba mangsan sie komiaha ine aganachim. Calcuttao soke matchote do'orangko list ka'e (dalalichi) damko dake nion, pilak ramani korosrangko aro ma'pango chandimman'o damko on'na nang gniko Gongsin Marakna ua dalali Potemahmud Mahajonna aganon uaba uni dor dake onakon namnikpaaha. Indiba

Gongsin Marak dalalina Rs.200.00 (Ritchagni) ko ku'chakachim ine agana. Ma'na Calcuttaode pilak bading chiwalanikon dalali (broker)-chi dor-ka'e pala aro breachim. Indimangba ja'mano man'anko ru'utbea bilsirangni ja'mano gopo ka'arangko knaon, haida ua ma'panga changgni ba gittam batakon ine aganachim. Badita chongmot lap ukode agana dongja.

Calcuttaoni re'chakatbana skang, ua atchutangi nokna siloi spring palang aro tosokrangko ge'dokmang aro namnamgipa chokirangko ge'chignimang ra'baaha ine agana. Ua bosturangko ambi sagini aganako knae anga uiachim. Ua somoio Gongsin an'tangba pantede ong'jaha; uni gimin an'tangnaba mitam ra'baaha ine agana. Anga ua somoio ba bilsirango bilsu bri ba bonga ong'gnok. Angni ma'gipa biscuitrangko on'e nangni mama Calcuttaoniko ra'baana ine suale on'arangko gisik ra'enga.

## BAK IV

### GONGSIN MARAK ATCHUTANG ARO MAMATANGRANG BAKSA NOGIPA RING- SAINA SEGIPA SANDINA RE'ANGA.

Bilsl 1893 ni January jamango, Alok pang songo donggipa mamatangni depante nangako, chong'motan atchutangni nogipa namchiktangni nokoniko nokrom bi'na re'ango dongpae, an'tangni mikkangchi boningtang ong'gnigipako sing'e tik ka dilbaachim.

Gongsin Marakni nogipa Ringsal S. Marak atchutang aro Sin'tang chrarangni ku'patia gita, uano chametang Singdon Am'pang Sangmana bilsigni mipang joke, jamo mlgatman'o ku'pakgimin chametangni katta gita cha'senge sengaha.

Me'asaba an'tangni ku'chaka gitan, chrarangni rimangana Baghmaraona cog'onange, uano mamataagni noko cha'e lekkako poraichengaha. Uni ja'mano Baghmarani manderang aro ripengskarangni ku'patiako ra'e giljarangchiba re'rongaha.

Jensalo a'arak sokbaaha, skang chasongrangode Missionary Sahebrang, Mondolini Pamong aro dilgiparangna an'tangni Mondollrangko wenani programmerangko on'ate ulatrongachim. Uandaken ua ulatanirangko skulni Panditrangna uiatskaachim. Unon skulni Panditrang chairo chatrirangko Dilsa a'brichiko am'bolrangko raatachim. Aro pante dal dalkalarangko song-

rangchiko terik biparangko am'ate gaterangko dak-sorongachim aro indake Sahebrangko mande ra sorongachim. Mondolini bipekranaba uate napolna sikkipa mea bi sa me chik bisarangko Panditrang rimbae, ma mong Mondolio Robirbar salo napbolatrongachim.

Uandake Singdon Sangma antangan skulai ripengskarang napolna aganako nuke napolna agansoha. Sepang jolni bipekranoni Robirbar salo napolni bisarangko rimbajole gilja kana aro sahebrangko grongjolna, songantionin merong dochi aro do'orangko ra'ere'badiltokachim. Ua apsan salrangon Singdon Sangmaba bilsil 1892 ni November 1 gipa tariko ra'chaksomana-ko man'e napolako man'aha. Uni ja manoba na skulchi re'kuengachim. Indake bilsignimangna praikue giljarangchi re'ronge antangtango koromna tariaha.

Bilsigni ja'mano Ringsai Marakba bilsokahaon, bilsil 1894, February jani 26 tariko. Mondolio ra'chakako man'oa ukoba napolatah.

Indake merong, mechu su'e tariman'io mandrang aro atchutangni sordar, nokmarangko aro songsulrangko okamaha. Gongsin Marak antangni bading chiwale uia ma'sia a'ronggarangoni aro a'pal jolrangonikoba dal'dala Raja Zaminder-rangkoba kobor on'toke, nogipako bia ka'atna bang'en manderangko chimongaha.



Gipin jatrankoba okame, jeni je cha'ronga gita Brahminranko song'at chanate bang'en alaha. Aro an'tangba bang'en atchutangni koros ka'ana agreba jajrengman'gija ka'aha. Da'o Gongsin Marak nog'pani napolani antisani ja'manon bia ka'aniko dake on'srangaha. Indake Siju songoni re'baa intal, atchutang ambidangni nokromaa sinteako matchotani gimin gisiko adita kusi ong'aha.

Indiba uamang adasana ambidang mi ra'rura rangkode dontongkuj'chim maina uamang adasani walni somoi, o saenga ba nimenga uko salantian matchotgija kobor ra'rongachim. Una agre cha'ani bosturangko jekae terik mina' grit, rongchu aro gipin cha'anirangkoba ra'ange donoba man'e cha'rongjani gimin kenchakrongachim. Maina nokpanteo tusigipa panteranga bang'ani gimin jean skang nikchenga uamang cha'ahaode man necha'manja tne agana. Gisepo saoba saoba sokgiparang sokbaode ba atchutang antidamoni dobaode, noko do'o ba do'bokrangko doke cha'ode, noko miko cha'echina chakolrangko watate adasakon okamerongachim.

Jonggipa Kilman Marakde basakoba donggen basakoba dongjawa. Uni jako atchutangni slai ponggnikon uan jekkala. Songo dongode ua poraie ba see rogen. Barak bara ge'a patal a'sam a'serangoni do'mesal ong'katarangko am'e go'e ra'bagen. Basakobade songrangchi re'ange, a'sim-rango time matchok, wak aro a'brenghchi re'ange balgitchakrangko goe ripeatbagen; ong'jaoba

ringo choonbaate nokona manggimikkon ra'baronga. Uamangan Kilman Marakni kamrang ong'bata. Uni gimin atchutangko aro pagipako be'en am e on'e kusi ong'atgipasa Kilmande ine aganrongachim. Pagipa Saleng Sangmani kamara salsaba noko donggija na'tok jal'ang chake salantian o'bitetang Bongni Pansaini nokonaba ra'barongachim.

Gongsin Marakni kamde basakoba Sijuchi ong'jaoba Emangrechi ba Rewakchi ringo migil, kari, na'kam aro ta'makurangko ra'ange rokomari bolrangko sol'china ge'ete donbagen. Anti sepangbaahaode wa'chapai balchapai ba ringrangko jap jap chobae atchutangna mesokegen. Mitamkode an'tang a'tot palna atchutangna agangen.

Gisepo Gongsin Marak a'ronggachi re'anggija Mymensingh, Netrokona, Jamalpur, Sherpur aro basakobade Dacca town-ona sokanggen. Unon badiaba mahajonrang an'tangtangni nangarangko aganatako listika'e ra'bagen aro tikanakoba see nokona ra'bapilgen. Unikode uamang atchusani chimonggimino bang'jaode gipinrangoniko sandie donsogen.

An'tangtangni aro antidamni gipinrangni chu'ongjawa ine nikode an'tangni pangna jakkalronggipa chakolrangko je songo mai donga wa'a bolrangko man'rongbata uamangona watate am'echina bakan watatgenchim.

Indake Simsang, Rompa aro Rongdikohi ni  
 antini salrango sokkrimahaode Gongsin Marak  
 an'tangde mike cha'na gualpile 'Ai' angara mi  
 cha'kujama ine sing'pilgenohim.

## BAK V

### SINGDON JIKGIPAKO RIME MA'DRANG- CHI RE ANGA

A'chikni bewalo, Singdon Sangmani pan-temitingo ma'o pao donge game sue, ba bading chiwale man'a a'tot tangka adita dongachim. Ua tangkade ma'a paani jako dongachim. Ua tangkako ma'o pao badita donga aro badita on'atna mangsonga, uko agangrikna okamatani gimin Singdon Sangma jikgipako rime, Alok pangchi ma'a paaona re'angaha.

Sokangani salsagipao mamatang song Singdon Sangmani ma'a paa sandie niaha. Tangka birongde gong ritchabonganade batjawaha, Indiba Singdonni gamachin brea, ripok dingsa aro kotip klugsa donga ine aganaha.

Uade nokgipa an'tang dabiode ma'ani gro ong'a. Pilak depanterangan ma'na gamange ding-tang ma'a pani a'tot ine minge, chamara dingtang. Indiba A'beng, Chisak aro Matchini agana gita "Debra su'galna-de nanggenne anggri, ine" aganaha. Saksa mamatangoni aganaha. Bisongde damra matchu silla nama milaan banga"

Unon Singdon Sangma— "Oh! Uaranga angni paakon."

Mamatang— "Ringsaiba uanke, uanba nokgipa"

Ringsal Marak— "Nangode on'ataigen na'a, atchude."

Singdon Sangmani ambitang —“Da’ode ring bol gamgiparangmuba sako watchapate anakoba sukikoba suale ra’rone on’akoba man’pakugen atchu” ine sintio aganaha.

Aro nokko bilsokgipa gamdil sudilnaba mandenajajrenge aganaha.

Ambitang —“Nang’ni nogipana mande sandie donangbo, da’on na’a re’baaha. (Singdon Sangmako miksonge aganaha.)

Singdon Sangma aganchakaha, “Sakonmancha gitik gitak, baoniko sandie on’atenga” Mamamangko aganbode.

Ambitang —“Uamang’ba nang’mungsa sandigende!”

“De Nangni jikgipani adatangranga donganaba.”

*Singdon boningtang Gongsinko Jasia:—*

Ma’gipani noko, ma’a paa, atchu ambi. mama adarangni mikkango nogipa Nomalna jasio agane, “Ambini agana gita boning Gongsin Marakko sing’o nambebegende”. Unon ma’drangrangoni saksa, “Uamangnin chame jakpa, da’sinian uamangnin, uamangnin kimchol jikchol Singdonba ukode tik kattaken aganakjok” Unon saksa mamatangba jola jola, “Wakara dongakonba, mikkang antio NOMAL-koba salonjole

Masing pagipaani noko donbajolgnok", Singdon pagipa Majeng Marak—"la antlo ong'on-chapenba kobor on'baa gita re'ange mikkang antisagipao ong'ontokbabo". Unon atchutang ambtangba "Namgen, indake ong'ode, re'angtok, gong'oba gong'jaoba". Unon saksa mamatang, Gongsinde atchutang ambitangmangni noko-sakonde?" Saksa aganaha, "Rikangarina man'algenba, uara jeoba dongchina." Unon darangan "Oe na'a man'jawa ingipa gita".

### SINGDONNI MA'A PAA GONGSINKO CHAWARI SING'NA RE'ANGA:—

Singdon Sangmade jikgipako rimange ma'-gipamangchi re'angaoni anti gisepon nokchi choone re'angdilaha. Indaken Baghmarao soke saldongsopilaha. Salgitam ba salbrini ja'mao Majeng Marak aro Chrang nogipa Nomal Sangmake me'a ba me'chik adita manderang Gongsin Marakni ma'a paani nokona chawari sing'na re-batokaha.

Uamang sokani aditani ja'mano Masingpani nok Saleng Sangmani noko a'garangni mande sokgipa saksa ine atchutang Bong Lasker aro Pansai Marak ambitangna mande watate okamuteaha. Bong Laskerde antidamosachim. Gurco gakate joljol nokchi nappake jikgipao sing'pakna re'angaha aro sing'aha.

Unon Pansai—"Nang'ni su'gipa Gongsin Marakna Masingpani nokona namchik rimbae

wak dokengana, mi song'engana lnako knapa-jama? Atamchibara nokni chakol pante saksa Gongsin Marakko uni ma'gipa pagipa aro atchutang dal'gipa ba gimikan uchin reangtokaha, uni gimin ukoba re'angchina kobor on ataha.

Jinma mande pagipamangni noko-chim ongoa Singdon Sangmani pagipa Majeng Marak Bong Laskerko chadenge salam ka'echengaha. Songni me'apa chagitchamrangkoba salam ka'tokman'ahaoa, Majeng Marak re'baani mang songako indine agana a'bachengaha, "Nokon ja'dela bilsoka mandeba dongj-jok: anga uchi ja'a ma, bachi jakna inesa mamatangmanga Nomalko Gongsinna minge dilbatokenga" Indake kattako rongtale aganman'oa, atchutang Bong Lasker, "Ba'gipa chi'gipa, ma'a paa chongmotan dongpakuenga, watakoba watjakoba uamang skang aganchengchina". Unon Gongsin Marakni ma'gipa Gairai Marak—"Chingaba na'simang atchu ambi ong'ondilbaesa; a'pal a'du bangal rori a'dok chiringona sokbeaha. Da'o nang'ni sudrangko a'ronggachi watdeatpilatode chingade a'mikbrangtokaigrok awang" Watade maina watjawa, aro sana ine kangna".

Gongsinni pagipa Saleng Sangma—"Atchutang Bong Laskerba gipin ong'ja ine chanchirakjaen, na'a Majengba, Rancheba, Singdon Sangmako watatjok. Indiba Singdonni Ringsini nokdangko rikdilengipaba Gongsin Marak. Uri gimin Gongsin Nomalko alduaoba Alok pangchi re'ange alduana batede iano donge alduan ok-

akalgen. Atchutang Bong—"Da'siniba Gongsinde game cha'gipa ong'ja, Iano angni agane, mesoke on ako dakdile cha'on janggi tangbatgen. Uni gimin angni sepango donge jakoba chol dake cha'china.

"Ringsaiko ambitangtangna dangdike on'china nokchi rimangskaaha. Da'o Nomal na'ara nang'ni manitangna su'e song'e dangdike on'skabo". Ambitang Pansaia, "Na'ade skode skulchiba re'bo aro giljarangchi re'ronge, nang'ni saritang Johon ma'gipao napbolua agannaba skie ra'bo".

Boningtang Rangu Momin ua salo dongpae dolgnichikon agane bujae on'paaha aro cha on Isolo bi'e cha dilaha. Gongsin Marak an'tangde bils 1893 March jani 5 gipa tariko Baghmarao hadiaba Missionaryni jakchi napbolatako man' : hachim. Da'o Nomalni mima ada dakgiparang, Gongsinni ma'a paa aro atchutang ambitang-mang'ni ku'watako man'on Gongsin Marakko chrarang sing'e niaha. Unon ua jechakade ong'ja, ua boningtang Singdon Sangmakosa bian budi dake nogipana sing'china songchi re'ange chalakt daka ine potaha.

Jeba ong'bo, Am'pangrangba Sin'tangrangba boningtang Singdon Sangmako rakjaha. Uni gimin ua an'tangba re'gija dakskanade namjaha ine ua aganaha. Indiba Nomalko bia ka'ehong-motna skang uni ma'a paa aro atchu ambi watoba uamang.ni namnika gita sal somolkoba ulna



nanggen. Minggipin Nomal an'tangba Christianni bewalo napola man'chengna nangchenggen ine aganaha. Uni gimin Nomal Sangmani ma'a paa. Majeng Marak aro Ranche Sangma antangtangni nokchame angsaritangmangni A'chikni uamangni bewal noko skulo skode poraichina, Christianni bewalrangko ja'rike napolna skie on'china don-angaha. Indake ma'ani paani done re'angaontal, Nomal Sangmaba kusi onge niotang o'biteni noko donge skulchi re'na aro giljarangchi re'na kusi ong'engachim. Gisepo saritang bochitang-mang'ni nokchiba re'ange, mirangko e'salo tepe aro bijakrangko srome, chametangmangni turam-chi bochitang Ringsai Marak baksa ra'angronga-chim. Ua nokpanteo tugiparang adita banga-chim. Mitamrang Gongsinni adatang aro mitamrangjonggipa nanga. Uni gimin mitamrang etalna jakkea mitamrang jakkejachim. Basakoba Gongsin Marak an'tangba nokpanteo dongso-rongachim. Indake ua an'tangui bararangko nogipa Ringsai on'ate chakolrangko su'atna on'atrongachim. Ba'ra su'na on'atatrangko Nomal an'tang saksanba ran'e ramenba tem'e gipin chakol me'chik bi'sarang baksa nime Gongsinni biapo donerongachim.

Basakoba Gongsin Marak antangan ba'ra done re'angao ba mi ra'angarango grongachim. Unon an'tangni bree dona kni chitani ki'chorng aro torangko Nomalna onatskarongachim. Unon uarangko uaba ra'alge ka'sle ka'sni mikmal man'bana a bachennaha. Nokpanteo jonggiparangara dongsoe bochitang Nomalko

niksoe etalna a'bote ra'rongachim. Jonggiparang.  
 "Nang'ni Alok pang songara Am'pang me'tra-  
 rang gitchara dongjajokma bochi?" Unon bochi  
 tang Nomal, Angade agrango jeng goe on'ako  
 chasoani gimin, na'simangkode Indakarang-  
 kode singsingaengen Inesa" etale aganchakaha.  
 Gongsinni ma'gipa noko do'oko doke song'odeba  
 pagipa na'tok dal'a namnamarangko man'baode  
 Nomalko watate Gongsinko rimechina aro no-  
 kona re'bae miko cha'echina aganatrongachim.

## BAK VI

### MASING PANI NOKO MONDOLINI KAMNA TOM'A

Changsao mondolinikamna me'aparang tom-tokengachim. Unon Baghmara, Wa'gesik, Dabit-bibra, Jongkol aro Rangdokram gittimrangoni-ba sokbatokaha. Atchu Salengko etalna man-gipa me'apa budeparangba dongachim. Unon saksa me'apa, Bangjan Gare Momin, "Gume-nade mandeba gital sokbadapako nikrongatade" Unomiting Nomal Sangma Saritang Johon ma-gipani ge'etana cha dakgimin baksa minil sakin gatako e'salo tepako me'aparangna sualengachim. Saksa me'apa, "Iara banoni Attong me'trasa? Me-apa saksa "De na'ara da'oba nikpakujama? Uan ba Masingpani namchik jakpaba. Sakgipin me'apa, "Badia depantena, angade ma'sikujaenga?" Unon saksa parake, "Gongsin Maraknaande." Saksa me'apa, "Iakode angade Alokpaugni Singdon Sangmani nogipa Nomal Sangma gita nikade" Unon saksa, "Uade." Bangjan Gare Momin, Nambejok da'ode sako jekuna, sako gal-kuna, paping deping lne kusl ong'chake aganaha. Saksa me'apa rongtalna aro ma'sina skako don-tongna man'jae, Atchu Bongni nokrom Singdon Sangmani ba'rimarang badita sak mancha d'g-achim?" Unon saksa Attong me'apa, "Alok-pangonikoma?" Unon sakgipin, "Oekon, song-koba angade rongtale ma'sija."

Unon ua rongtale chane mes-ke aganaha.  
1. Singdon Sangma Dejakra.

2. Ejing Sangma Jonggipa
3. Rajong Sangma Jonggipa
4. Tangmai Sangma Nogipa
5. Nomal Sangma Nogipa sa'chon.

Pagipa Majeng Sin'tang Marak, Ma'gipa Rancho Am'pang Sangma ine taleroke agane on'aha.

Bong Lasker an'tangni namchiktang jakpana su'gipa Gongsin Marakko sing'ani gimn gisikode kusi ong'aha. Maina Singdooni nogipara Gong, ginni jikgipa ong'ode aro iachiba Nongsinn' nogipa Ringsal Marakara an'tang Nokkrom demechik ong'skaha. Uni gimn A'chikni bewalo kakket mangrake nokchame angari kaakosa skangni ma'gitcham pagitchamrangde am'-rongbatachim. Bong La ker an'tangni sugipa Gongsin Marak aro namchiktang Gomai Sangmanl biako ruutgijan ong'atna sikengachim; Indiba blaka'na skang uamangni ma'drang dongchakna nokko rikchengatna sikengako mesokaha.

Indakenba Bong pringsao an'tangni kachari antidamoni nokona Gureo gakate re'baaha. Saraona sokbaon, uni gahagipa gure gipokko uni Sanga Bakman Dorjee sarao chadenge lagamo rimsoe, ong'onmano bakbakande gureni jinko engrongja. Adita lagamo jin gnang gureko saljojoani ja'manosa, ding'ol ranangahosa jinko engronga. Uni ja'mano jakko aro jaako an'tangan doktopon gure jakko aro ja'ako de'doe on'rongachim. Unon adita ja'ko jakko nol'esa nolchi ra'ange gurena dana on'achim.

Bong Lasker nokona gakatange an'tangni asonggipa arm chair asonge, uni personal boy (jakrikra nokol pante) Belu minggipa, chelim dalpretan uni ringronggipa gur gurla ongkao mosla gnanggipa molako so'e ra'angako ring-engachim.

Unon jikgipa Pansai sepangona re'bae, segipako, "Mi cha'angbo; nang chawari na'tok chongi chaka manakon, on'atpaa. Uke song' nasienga. Unon Bong jikgipa Pansai ko okamataha. Unon jikgipa Pansai maina okama ine sing'eaha. Bong aganaha, "Gongsin noko donggama dongja? Belu re'ange rime ra'ebo." Pansai "Dongnaba donga, mejalosan an'tangni su'na nanga ba'ra ko nogipana ra'baate, nogipa Nomalko su'ate ra'engakon."

Belu, chakol bi'sa, nokpanteoniko Gongsin Marakko okame ra'eaha. Gongsin Marakba nokpanteoni re'bae atchutangko maina okama ine sing'eaha. Atchutang Bongni sepangona su'gipa Ringsai Marak minilko plta dakako cha baksa ra'bae uamang atchusana rue on'engachim. Chako ringjoljole atchutang Bong su'gipa baksa golpo ka'joljole, Shusung Durgapuroniko bol ratgipa korati-rangko halbrimang okame ra'ebo. Antidamo au'chingni bolsal turmrang dal'dalkalako, bol gipinrangkoba nangni nokona rail, beam aro battam-rangko ratatchengbo. Bolsal krongrangko baseenba songonade'doatbo aro, ringrangogate chodoateba. Uniko da'ororoan nangni nokap kanggipa biapo nokko toe on'china

Dahramsingh mistri (Sopolsingh pagipa)—ko tik ka e on china agane ra'echengbo.

*1897 bilsini January jamango Bong su'gipa Gongsin Marakna bia ka'atna skang nok rikdichengna tik ka'a:*

Atchutang Bong Lasker indake kupatlako knatimana Gongsin Marak atchutangna agane jajreng mesokaha.

Gongsin Marak: Tangkasal atchu, angade bolo aro ringrango bang'en naptokaha."

Bong:—"Angni tohoblioni Sorkaro bi'e, see nang'ni blmungo koroch mesokchengbo, ja'mano ka'sine chotgrik-na man'gen. Uni gimn je gita nanga jakkalbo. Kata bohlo sena gualnabe."

Dongchakanl nokko kuturl bri ba bongadake a'bachengchina agane on'aha. Una agre song'chakna, babilsl te'sa, nokpante te'sa aro am'bol nok aro joljol do'cholko rikchina ku'patiaha. Atchutangni agana gitan pilakkon aba'chengaha.

Gongsin Marak an'tangni ma'nok cha'gipa Emangreni songohl mande watate dongkame jegita man'a, am'pangko bal hajalsa mang gita bredame, wa'ako den'atenba wa'chapo choe ra'bachina nokni chakolrangko watatataha. Una agreba wa'ding, omak, aro re-rangkoba am'e on'atchina agane tik ka'e ra'basoataha.

Indake antignimangni salrangode nokni kam-  
rang namen chu'sokatangaha. February 16aro  
March jarangode, bari kadula compound gimik,  
kon matchotaha.

## BAK VII.

BILSI 1897 JUNE JAO GONGSINNI ATCHU-  
TANGNI NOKO DAL'A A'SEL ONG A

Gongsin an'tangni dongchakani nokgipin nangchapgipa nokrangko aro Compoundrangko dim'e chu'soke matchotsrangmanoa atchutangni tangkarangan baditaba hajalrang napaha. Da'o ua grorangko chotpilna gita, mi rakario, miko toe chotna tangka ra'sogiparangko gario sale chim-onge jamo donaha. Aro salsalan bol tum aro ring-rangkoba bangal rorirangna palatenba salni gisepon ritcha gittam ba bri dake man'engachim Ua somoio darang nanderangan song-ouchim. Adasa ma'drangan nokonchim. Unon Baghmarani mail gittamang chel'ao Simsang kosakoni song Goka minggipa songo Singdon Sangmani pajongtangsa bilongana ine rang'gitik kobor man'aha.

Ua pajongtangni saako nlna Singdon Sangma jikgipa Ringsai Marakko rime re'angaha Uni jikgipaba debrao me chik bi'sa babita gnang-chim. Aro sam on'jolchina Dharamsingh Kaviraj (Sopolsinghni pagipa) ko rime ringo choe re'dilangaha. Ghatona soknaslmangmango Goka wari tu begipani dramko choangmitlgo rang'gitik banggriaha. Unon dram be'wakdape ringko wario dubiataha. Indake Singdonni jikgipa bi'sa ha'bita baksa siaba. Singdon Sangma aro Dharamsingh Kavirajmang, me'asa sakgniba chi ka'machi baltiang chisamni kastrango rim'e jentensa tange jokaiaha. Indake Bongni noko deragatgipa Ringsai Marak debrao me'chik bi'sa



babita baksa bilsi 1897, June jani 11 gipa salo siaha.

Indake rasong gri ong'e, Gongsin Marakna aro atchu, ambl aro ma drangna chilsokgijagipa duk rang'gitik sokuha. Gongsin an'tangan ring kansao chi napna man'gipa manderangko rimbite an'tangni ba'ri na aro namchiktang debraoniko, cha'gija ringgije kalime baditaba anti sandiaha. Indake a'song chijol gimikni manderangnaba jrimgipa ong'aha.

### GONGSIN MARAK NOGIPA RINGSAINI GRENGKO MAN'BAE GOPA :

Bilsi 1898 ni January ja sin'kario Simsang ka'ma. Bangal'rorirangni a'jao, badiaba police thanani elakao, na'tok jallang chakgipa indake thanao kobor on'aha. Ua an'tangni chonggiko tarimitingo grengarrako bokdimdim dake skatako nikaha. Uni gimin thanani manderang Police darokarang re'bae ua grengko chioniko bildce ra'angenba, Baghmaraona watate kobor on'skaaha. Ua koborko man'skae Bong an'tangri manderangko Gongsin Marak aro gipiorangko watate coffinko ra'dobaha, Ingdake songona chodobae atchutangni bario Ringsaiko gopaha.

Gongsin Marak an'tangni boniogtang Singdon Sangmanl dukko dondape da'o an'tangni bia ka'ani obostako janapnan nangnikj-ha lne Gongsin an'tangni chatangrangna agane, annangni dukko parake grapana. Atchutang ambitang

kadimeaniko aganoba nogipana kallmaha aro boningtangni duknirangko an'tango jribate<sup>m</sup>gate mesokaha.

Gongsin an'tangni ma'gipa aro pagipana aro ambitang Singin Marakona ra'ange, Da'o mai daknek apa,ama aro ambi ine sing'rokchaedong-chaachim aro kalimachim. Unl gimn una aganaha, "Na'anba nikenga, angode dongjajok. Da'o anoska abi gandaoniko de ba'naba aro sro snamnaba nang'ni mama dal'gipa Motda Marak aro adatang Masng Marak mang'sa ramadil-jakkindilna nanggen". Indake mamatangona Badrlona rikangna nanggenma ine sing'aha.

Ma'gipa:—"Nangjawa, mikkang anti Sont-bar salon anti cha'jola glta sakgnian re'bana am'engaba." Gongsin Marak, "Bachipakniko angde ba'gnok ama? Ma'gipa, "Nang'ni ma'-detang Nojonni ambitangni apsan ba'ringipao nang'ni ma'jong sagini noko, Garao, Rompa-chipak, Jinnon Marakni nogipa saksa ba sakgni dongengkuaana. Uchiko re'e nina mangsongtokengana'

Unon pagipa Saleng Sangma walo, jallang chake na'tok man'baako kerao krerasa<sup>m</sup>ole ra'baaha. Unoniko dal'a na'tok na'gitchak (rou)-ko me'akri baksa song'ako, mi bijak ruano de'ange cha'ramo on'eaha. Tik ua somolo adatang Dingran Marak aro jonggipa Kilman Marak sakgniba nokpanteoni re'batokaha. Indake ada-sa ma'drang ma'a pa baksa ku'si<sup>m</sup>ong'e<sup>m</sup> cha'aha.

Nomal Sangmara ehl ko'e re'bae chi donramo onengachim. Saritang Singin Marak—"O' sari na'a lotarango olangjola?" Saritang oe uno Singin Marak—"De, indide na'a mi cha'gipa, rangna re'ange on'joleku na'a sari." Saritang Nomal Sangma unon chiko rue on'caha. Singin Marak, mi cha'na mong'e cha'ramo cha', mi song'ramchi sarisama'drang cha'skaha.

### SALENG ARO GARAI JIKSE MA'DRANG-CHI SIGIPANI PAL DE BA'NA RE'ANGA.

Sal somol tik ka'anga gita mamatang Motda S. Marak aro adatang Masing Marak, una agre Simsang, Rompa chijolni Sin'tang Ga're pante aro gachirang sigipani pal mande am'na chanchina tom'tokaha. Jinma, Masingpa, ma'ani noko tom'tokon, ambl Pilje ma'gipa, Pansai Bongni nokni chrarangna indine aganaha, "Na'simang da'oni angsu angde uijanaba donga, Chlogade ambl apan Ramjini nokni dedrang su'drangoniko sandichengna Inesa aganengachim." Mamatang Motda Marak, "Ade Jinnoni ma'ani nokonikoma, Garaloni nokonikoma." Unon ambitangrang "Oe, oe" Ambitang saksu, "Basako re'tokna mangsongenga, sal somoiko tik ka'bo." Adatang Masing Marak, "Re'ode ia anu gakate re'tokna." Unon datangan namaigen ine namolke tik ong'aba. Masing pagipa Saleng, Gipln darang joka jokjaobe, Motda Marak, Masing, Ambitang, Pansai, Majeng aro Singinma'ang ma'ningade re'telna nanggen ine ming'e tik ka'e aganaha. Unon Masing atchu-

tangni ring ritchenggipako ra'e me'chik bi'sarang-  
 ko chodilangchina aganaha. Pagipa Salseng  
 Sangma unbaksa sakgittammandeko an'tang baksa  
 saldopachina aganaha. Dingran Marak, Adok  
 Marak are Rakhal, uamang sakgittam chodopana  
 ku'rachakjek. Indiba uamang ma'gipako misal  
 song'e ra'china baltaha. Ambitang, "Okkilna  
 kenengamade, ragenba" A'chikni bewalo medap  
 samdape aro wak do'o, merong mechu,cha chini-  
 rangko ringo gattokaha. Ringo gakatna arate  
 me'asarangde me'chikrangna agre ja'chi kattang-  
 tokaha are salpaksao soke mesalrangko cha'so-  
 man'piltekaha. Ringo chodogiparangde anti  
 cha'e chodogiparang baksasa sokrimpaaha indiba  
 sal bang'engkuachim. Soke ringoni bosturangko  
 de'doe, song'e chane tarle, on'aha. Ringo re'ang-  
 giparang ambitangrang aro ab'ano sokkrimoa,  
 soka chaksogiparang slanggipako gisik ra'e  
 (Ringsaiko) nokgimikan bilsade grapan mang-  
 tatan tipningjachim. Noksoksogipa ma'jong-  
 tangni mekoniko ge'etani gimln wak kasiko Kil-  
 man S. Marak, atchutangni slaike jakbitanggipa-  
 chi goo on'soaha. Ringo chodoanggipa an'tang-  
 tangni ra'anggipakoba so'e, rate-tete, ma'drangna  
 aro songni repagiparangna ba song'e chane on'-  
 aha. Songoni me'apa chagitchamrangba chu mi  
 on'gile, gilrengse radarle sokgiparangko mande  
 ra'e mesokaha. Sokani salsagipao Songgani  
 songpangni me'apa chagitcham tom'e, mela-  
 tomkatokaha. Unon Garal Sin'tang Marak,  
 slanggipa Ringsaini ma'gipana ladine grapjoljole  
 aganaha :

"Ang'oko changara Ringsalko  
 Ang' sing'e nengara Raniko,  
 A'na bikbo bikbo banggrianasa  
 China jil'jo jil'jo Simsangnasa:  
 Ba kinamajok dongjajok,  
 Duk mikchikosa sree danangjok.  
 Chra saksa sokoba; samung chite tinsone,,  
 Ararajok brangjok sako minge nikuna  
 Jakrarajok sako chasonggrikuna.

Indine grapjoljole aganemung," giplonikoba  
 sako sakomancha bi'pana inesa, angade gumi-  
 tangna chite de'e, mipal' tine on'pachina ine  
 Kangjim Sin'tang Marakko ba'e ketna re'dil-  
 baenga " Indake aganon mamatang dal'batgipa  
 Motda Sin'tang Marak Insha, "Abi jakrachiko,  
 ano jakaschiko am'na skangba, kamal saksan  
 jakrimra, chikong kongsane chiripgipakon inesa  
 re'badilengachim. Da'ode na'simangsajok, anona  
 abigandana rakrikjaode Giplonikoba sao niko  
 mancha bi'na am'naba, na'simang ba'gipachi'gipa  
 re'diljaode jakindiljaode." Indake aganme'apae  
 noko namchikkō mikchikime mande ra'e aganaha.  
 Unon pagipa antang nokni jikgipako agane  
 demechikko okamatchina aganaha. Magipa  
 Kangjimko re'bachengchina okamataha. Kang-  
 jim Marak malna okama ine sing'aha. Pagipa  
 aganaha, "Nang'ni atchutang Bong, ambitang  
 Pansaini nokchi re'ange, nang'ni gumetang Sara-  
 pana su'seong'e on'china re'angchina aganengade,  
 nangkode." Kangjim Marak bilsokbrekujachim.  
 Ua indine aganaha "Anga iano amb'na chiringgao  
 chi kotimengade." Unon darangan bilsa grai

ka'dingaha. Haida ua bilal 12 ba 13 mango napahakon. Ambitang—"Re'angbo ambi, angan watatengaba, Ganol jolni Sln'tang chrarang—re'angkaljok. Chinga mikkang antlo awang Masingpamangni nokona dilanggnok.' Ambitang Pansai Kangjimko okamataha. Unon uaba re'bae ambitangni sepango asongaha. Unon ambitang, "Nang'ko ambia Sonibar Salo nang'ni mama-adarang baksa, nang'ni pajongtang Masing pagipamang nokona dilanggnok." Indake ku-rachakgriktoko Sonibar salona re'dilangchina tik ka'e donangaha. Unon chatchi mande ma'drang gimikan watatna kusl ong'ako mesokaha. Indake katta rama danga bake ba'chetman'oa, songui nokni chatchi manderang jel gnanggiparang sokgiparangko rimange, cheke rue on'e song-gimikan ringmil cha'mile salko re'ataha. Indake salgipino songtangtangona re'angna skang Baghmaraona re'angpilaha.

Saleng Sangma are Galrai Marak slanggipa demechik Ringsai Marakni pal demechik ba'tale on'ani pal ine, A'chikni bewalo, Kangjim S. Marakko ma'jongtang Masing ma'gipani nokona dilangchengesa, unonikosa ga'chate atchutang ambitangni nokona dilangna chanchiaha. Indake A'chikni dakbewalko mesokenga ine ma'gitcham pagitchamrang dakbewalko mesoke ma'kete raklachim ine an'chingba ma'sie ra'na krara.

## BAK VIII

GONGSIN ATCHUTANGNI NOKONA  
KANGJIM S. MARAKKO DERAGATA

Sonibar sal sokoa ~~chrarang~~ Kangjim S. Marakko atchutang Bong ~~aro~~ ambitang Punsai-ni nokona mangsonge, golgipa deragatanina mangsonge, uko dilanggipa ma'jongtang nokona dilangchenge uano Christianni bewalo napolat-esa watatna miksongaha. Chraraog Kangjimko ma'jongtangni nokona dilangani attamo atchutang aro ambitangba re'bae su'gipana gana, bara aro cholarangkoba ra'ange on'eaha. Atchutang ambitang sakgnian—"Na'a iano donge, gilja nape aro Isol ra'ani bewalrangko ja'rike ra'e, ja'mano napola man'e bia ka'na nanggen. Uoi ja'manosa nang'ni gumetang nang'ko an'tangona rimanggen. Maina bia ka'chengjaode aro napolchengjaode Christianni bewalo pap ong'a. "Iako name aro ka'sine rongtale aganaha. Unon Kangjimba ba'rarangko man'e kusi ong'e dongrikaha. Unon Kangjim, Ambino re'bataibone atchu". Iako agane atchutang ambitangko agantaitaitaha.

Bilsi 1898<sup>1</sup> ni March jamango pajongtang ma'jongtangmang noko donge Christianni bewalo giljarangchi re'ate napolatakoba man'aha. Ja-mano ma'drangko okamate, songsul noksulrangko kobor on'e sal tarikrangko dake Singdon Sangmana slanggipa Ringsaini pal, Kangjim S. Marakko bia ka'e on'aha. Uoi ja'mano chrarang atchutang ambitangni noko gnigipa deragate nokkromna luo bujae agane namchiktang dam-

beko gate donangaha. Indake Gongsin Marak. an'tangni boningtangna jotking dake nogipa sigipani pal nogipa gitalko am'e bia ka'e on' manani antigilmangni ja'mano Singdon Sangma an'tang nogipa Nomalko boningtang Gongsin Marakna bia 'ka'atskaani bidlango, ma'a pama ngko, aro an'tangni mama adatang baksa tik ka'na re'angaha. A'chikni bewalo do'st do'. doknaba me'chikni ma'a pea sokachakani ong'a Uni gimni pagiparang aro gipin gumi apa nangarangko gri gnang, gilrengsle ra'dorie me'su samjakrangko sandirikote, bakbak uiatchina agane doneaha.

Singdon Sangma Alokpanjangni re'bapile obitetang Bong Laskerna songchikode me'su samjakrangkode tik ka'china agane donbaaha. Da'o iachi Nomalkode napolatkuani gimni, ruutgijan dakato namgnokma lne o'bitesa agangrikon, Singlino singchina chawritangko agana-taha. Unon Singdon Sangma an'tangni niotang cheksariko re'ange uamangpi nokon sing'caha. Unon Johon Magipa Singinba, "Nomal an'tangba napolna skako aganengjokde, uni gimni mikkang Brihospotibar salo jinmani aganani salo tik ka'o namgen." Indake sal sokoara Mondolini bi'ani giljao, napolna agantokani attamo Nomal Sangmaba agane, napolna ra'chakako man'aha. Indake jinmani napolani salo 1898 June jani 9 gipa tariko Nomal A. Sangmako napolataha.

Napolatani ja'mano Alokpanjang songchi ma-drangna kobor on'ataha. Indake me'su samjak



are ma'drangba re'batokaha, nangarangkoba rabajolaha. Dakronga gita songsul noksul nokma sordar-rangkoba okampaaha. A'pal joini rori manderangkoba Gongsin Marak watchanggiija okame an'tangai manoktangrangba okamako man'e wak matchu ra'bae, uni blao dongpae cha'a ringa. Atchutang ambitangni noko bia ka'ate, ambitang watningjachim. Gongsinni panteo tugipa kuturioa lep tosek ba'rarangko andape on'e uno tuate watningjachim. Indake jasamangde atchutang ambitangni nokon cha'a rin gaha,

Da'o bonigtang Singdon Sangmaba nogi-pako bla ka'atani ja'mano, apsan tea toja me'dik apsano ma'drang dikdiksa kusi ong'e re'ang-gimin dukni wal pokpeka sagalni kallmanisairang ko gualatna gita, mitelpilanko on'na mondolini prayer meetingko ra'e ma'drang Iselko mitelaha.

Uni ja'mano ambitang merong mechu me'su samjak chu'ongana bate ra'ate, me'dik samdik-rangkoba chame tik ka'e on'esa su'gipako ding-tang cha'na watataha. Ambitangni nokko dong-timengoba gisepo ma'a paani nokehi pagipani na'tok am'arangko song'ate cha'erongachim. Indake Gongsin Marak aro Nomal Sangma, atchutang ambitang iachi obite niotang, saritung mangni ka'sani sitgrikake man'engachim.

(1896-1906) GONGSIN MARAK JIKDONG  
DEBAE SONGSARO JANGGI TANGA.

Pa Gongsin S. Marak, 1998 bilisni June jao Nomal A. Sangmaba bla ka'aha. Bla ka'ani ja'o

mano Isol uamangna sak 8 dedrangko patiaha. Uamangoni sakbri depanterang aro sakbri demechikrang ong'achim. Uamangna Isoln<sup>st</sup> patigimin dedrangni bimungrangko dejakrani kri sulsul ka'mao see mesokatenga :—

1. Rameswar A. Sangma 2. Sorojini A. Sangma 3. Pongkojini A. Sangma 4. Sonamoni A. Sangma 5. Bisadini A. Sangma 6. Medison A. Sangma 7. Hackinson Sangma aro 8. Williamson A. Sangma.

Gongsin S. Marak pantemitingo Bengal skulo adita poraiakon lne ma'sina man'a malna ua Bengall oikorchinamen ning'tua kattarangko sena aro poraina man'achim. Ua an'tangni bading chiwalani hisaprangko an'tangan ama dipet seachim. Indiba bang'akon ua uljae sena jotna watchangan bang'achim. Ua an'tangni searangko Pa Mothunath K Sangma, masterna, mesokronge, uni searang ong'ama ong'ja sing'rongachim. Unon uaba scani bewalrangko agane mesoke on'rongachim. Ja'mano bikon Sarker dake adita jarangna rakiaha. Uaba saksande amchakjae gipinko rakidapohina kupatiaha. Aro indaken rakiahana indiba bimungrangko man'jaha. Ua bilisrangode uat bol, waa-rangkosan aro mirangko bilongen tengkarangko bote ja'mano matma, matchu garirango sale chimonge palaha. Indake antidam noko sorkarangko rakigiparang. 1. Joga Bandhu Sarker, uade ku'simangba ro'prete dona. 2. Bakta Haiong Sorkar leman sakgnichim.

Baghmarao songni noko skulo ka'gipa pandle  
 aro masterrangko jekai, 1. Modhunath K. Sangma  
 2. Aliram Areng 3. Binaram Sangma. Iamang  
 sakgittam skulni masterrangchim. Uamang skul  
 jokmane attamna king king kata bohirango nok-  
 gipa Gongsin Marakni aganako see rakiachim.  
 Indake antidamo sakgni aro noko sakgittam see  
 jote rakkioba amchakjachim ine agana. Antini  
 gisepo salarloba mirangko palatarangba chot-  
 changja. Bol, krong aro ringrangkoba salantian  
 brena re'baronga aro palatrangachim. Indake  
 salni aro antini salrango palani hisaprangko ka'e  
 node ua somoirango koro chrangko galeba  
 japrako hajalguina batnaba dongakon. Uandake  
 atchutang Bongni nokni hisaprangba su'gipana  
 bate komijawa malna uni mini jamode Sibba-  
 riosa batachim. Jao mon 1000 na komijachim.

## BAK IX

### AGAR ARO UNI TOKO BIKOTE ADINGNA A'BACHENGA.

Bisi 1907-1908 ni badiaba jao Gongsin S. Marak matba kamko badinge nina Sylhet Songjinmaona re'angaha. Unon ua songjinmao prai nokantlon Agar kuroranko Assamni badiaba a'bri'rangoniko aro Chittangong jolni a'bri'rangoniko am'bae sol'e palna tariaranko nik-baaha.

Ua agar kuroranko uigipa mussalman kamla sakgittamko an'tang baksa re'pana am'ani gimin Baghmaraona rimbaaha. Indake rimbae Tura a'bri'ni ja'retjoljol agar bolrangko am'e nina ine bi'ani gimin nokoni chakkolrangko sakgittammang merong na'kam, cha chinirangko on'e, mussalman sakgittam baksa watchapataha.

Anti gittammangni ja'mano uamangko nik-sojae jajreng, mande watate sandina chanchi-engon, uamang sakdok aro coolie sakdokko uamangni am'e man'bagipa agarrangko kokcheng wate dal'dalprete kokchengdok gape ra'bae mesokeaha.

Jensalo ua agar kuroranko man'baaha uko maikai kajina Forest Departmentna nanggen ine Rangerko okamaton, ua re'bajaha. Ua Rangerni bimungko Babu Suktall Dutta ine mingachim. Ua Forest Ranger agarni kajinakode aganna man'jaha. Batesa ua Gongsin Mahajonni malko korok ka'na order on'china Garo Hills

Districtal Forest Officerko, D.C. na wirechi arderko bi'ataha. Unbaksa Gongsin Marakkoba arrest ka'china Telegraphchi uiataha. Jensalo Garo Hillsni Forest Officer ua Telegraphko man'soaha, Bbu Suktall Dutta Forest Rangerni kosako mai dosko man'e ua, Gongsin Mahajonko arrest ka'na aro uni agarko korok ka'na am'aha uko bakbak satisfactory explanationko bi'aha. Aro uni copyko Gongsin Mahajonna uiate ua agarrangko am'e palna skode, Divisional Forest Officeona re'be Leaseko ra'na dorkasto gal-china mol'mole uiataniko man'soaha.

Gongsin Marak D.F.O. ni chitiko man'on bakan Turachi re'ange sahebona obostako tale aganaha. Ua indine aganaha." Anga samplena agar kurok chakkolrangko watate am'e ra'baaha Uni royaltyko on'na ine toech'na Babu Skutall Duttako Officeoniko okamatachim. Ua re'angna man'jawa ine ia slip ko angna sechake, batesa nang'na wire-chi angko arrest ka'na aro agarko seize ka'na D.C. na uiataha." Uni gimin Hujur auga mai dosko dakaha aro angui malko maina korok ka'na am'aha anga manhanini (Defamation) Case ka gen, Watjawa".

Ja'mano D.F.O. ni ku'patiani gita agarni leaseko bilsiprako hajalsa baksa royalty bilsigittamna nogot tangkake Officeoniko agreement see ra baaha.

Babu Suktall Dutta-ni wire' ka'atani copyko nokol bikote, Pleaderko consult ka'na Legal

ku'patianlko man'a Mymensinghchl an'tangnl uk-  
ilchl re'ange joljol Suktall Duttanikosako case file  
ka'aha. Babu Suktall Dutta, Range Forest Offi-  
cerko Gongsin Marakni okamako chakchike  
batesa uko mamung dosko man'gija rim'na aro  
agarko korok ka'anl gimln Divisional Forest  
Officerko, kamoniko suspend ka'aha.

Department glta sandie nle ka'e kam niniam-  
ko ja'rikgija ramram mandeko chonnikna joton  
ka'anl a'sel uko kam ra'onaha Gongsin Maha-  
jonnl case ka'ako Garo Hillsni Deputy Commi-  
sioner aro Divisional Forest Officer, Garo Hills,  
Baghmaraona re'ange bichal ka'e unl man (man-  
hani) na baditaba ral on'achim. Indiba Gongsin  
Mahajon unoniko pelsaba ra'jaha. Indiba Tura-  
chl, Mymensinghchl re'anl aro ukilna on'ani  
asol koro chrangko gamate Babu Suktall Duttako  
kema wataha ino aganako knaachim.

Bilsl 1909 ni sin'karl January jamango  
Susung Durgapurnl kam'ae donggipa badiaba  
songni Saharangko baditaba sakko dakait dake  
baditaba hajal tangkarangko ra'seke ra'angaha  
aro manderangkoba so'etaha ino Baghmara  
antio koborko bang'en on'aha.

**BONG LASKER ARO GONGSIN  
ATCHUSAKO DACOITRANG  
CHITI SEATAKO MAN'SOA.**

Je atle, Baghmarao ka'majolchlnl Balkanta  
Saha aro Chaitan Sahamangko dakait dake

**manderangko so.otangaha ine knasoaha. Ua antini gisepo Baghmarani Bong aro Gongsin Mahajonmang'naba chiti seatako man'soaha. Jensalo dakaitrangni chitiko man'soaha, Bong Lasker aro Gongsin mahajon Songni aro song-sulni me'aparangko okame maiko daksoo nam-gen uko chanchigrimna okamaha. Unon pilak me'aparangni chanchie tik ka'soako see mesok-kata :**

1. Turachi Boro Sahebna dorgasto see sipaiko watatchina bi'atna.
2. Di'sa A'brini rama apgitoko rong'teko kolchimonge done chio choe ringo re-baode ro'ongchi gotate warachakna.
3. Wa droko ong'jaode je wa'akoba wa'jol bakchoke sepango ritchani ritcha tarie dongsona.
4. Re'baahaade wa'gesiko nisoona kontako dokgen aro Baghmarani konta dalgipako dokatgen, knasoa kakket songoni darangan chabae atte, boltong, wa'jol, sel'u jekoba ra'e chabae dakchakna nanggen.
5. Nokoni bi'sa desarangko me'chikrang rime kontani ku'rangko knaon chel'e apjokaona katsona joton ka'gen.

6. Songsulni aro songni slai badita donga,  
darangan guli barukrangko chimonge  
ra'e done kontani ku'rangko knaon ra'e  
ra'e chabagen.

Docoltrang tarik see ulata salna bate antisamangna kingking bilakgipa me'apa ba panterang, volunteer, rang sak 200 antio aro sengo donsoachim. Tangka paisarangko apjokaona jite donsoachim aro uarangke paraken songni manderang dongtmaehim. Turaoni sipairangkoba sak 20 mangba baditaba sakkode watatbebeahachim. Indiba baditaba sak tik gisik ra'jaha. Uamang'na salantian cha'ani korosrangko Bong aro Gongsin Mahajon atchusa koraki on'achim. Salo do'bok, do'o, do'gep, dut, ghee, makon on'e kusi ong'atachim. Indiba docoltrang re'bajaha. Sipairang antignini ja'mano re'angpile Turao hajir on'eaha.



## BAK X GONGSIN AGORKO APALE BADINGA

Jensalo Gongsin mahajon Forest Departmentni Mahalko agreement see ra'srangaha, an'tang baksa rimbagipa Sylhetni mande sak gittamko watate uamang'ni songoniko rimateaha. Indake bang'a kamlarangko rimbao kamko a-bacher.gataha.

A'chik songni nling'tugipa a'brirangchiko watate agarko a'doktangtanganiko bang'on am'-biah'. Indake salprako maun dok, chet aro badiabarangode maund chikingrangona coolie ra e ra'barongachim. Tin nokrangko dal'dale rikatachim aro uarangko chabi tala tekese dontokachim malna agar se'elsa gimaoba Class-sagipa gimaode se'elon sotbri ba sotbongamang dam ong'achim ine agana. Agarko class sagipa goigipa, gittamgipa dake suala.

Una agre badua, kala gash ine minggipa bimungrangba donga. Jerangni damrang:

Class 1- o maundo Rs. 1,000/- ona kingking donga.

Class 2- o maundo Rs. 800/- ona kingking donga.

Class 3- o maundo Rs. 500/- ona kingking donga.

Banduako maundo Rs. 300/- ona kingking donga.

Kolagasko muand-o Rs. 250/- oua kingking donga.

Class 1,2,3,ni agarrangko batalchi sol'a. Una agre giplnangkoba sol'e rong nonge pala.

Rong nongna uamang Bangalirangni gue baksa cha'gipa koir (cathechee) ko karaio rite jrongata aro unbaksa hirakoshko brine ran'ode ching'cheta. Indake changgiitamna kingking nonga.

Badua, kolagas aro sol'ani bisemsemrangko attechi gitake gitakgiminko maund 6 ba 8 chakgipa silni me'dikrango chio dim'e nom'ahaode uarangko dekkio su'e ginde dakata. Su'e bnekgimiarangko pitolni me'dik seel sotbonga sotsdok chakgiparango chankolo chane walgimik salgimik rite, te'kolgrik ba kolatchi dake walprako ritachim. Walgimik ba waltongsa rite wa'alko ete dongen. Gamla dal'gipa ku'sikko pindapglpao pipe dake nol donga. Unoni bibako sambengo ro'ronggipa pitolni wa'singtok gita dakgipao bibako ra'chaksoa. Ua hiba baksa attor rechapange chio aro wa'singo skate donggen. Uko pringo niode tin'kaaha. Uko jaksichi rikote gapchilleko toko chimonge botol chonchonao brachenge, botol dal'ao sakprakan an'tangtang palko chimonggen.

Walprakniko chimonge botol 20 ba 30 dake man'gen. Uko botol guang salo ramgen, unon attorni moila ning'chi napange, namgipa simil-

gipa to kosako tang'dogen. Ua attor toni damrang badlta bilal ruutgen tolao gong'prak bari-gen ine agana. Uarangni dam toko Rs.3/- oni Rs. 10/- ona kingking palako nikronga. Palna skang agarkoba attorkoba sorkarini royaltyke Forest Officer an'tangtangni scaleo (measuring scale) toachim. Indake kajinako Jtik ka'e rost on'gen

Agarni karkanao kam ka'giparang mus-salmanrangna agreba Hindurangba donga maina Sylhetni manderangde darangan changa. Gongsin Mahajonni karkanao ka'gipa kamla-rang sak sotbunga komioba sotbrina agre komija. Mitamrang jagni jagittamrang dake kam ka'e songchi re'angpila, mitamde tangkako M.O. ka'e watatalachim. Ua karkanao kam ka'gipa-rang japrako jao 50.00, Rs. 40.00, Rs. 30.00 aro Rs. 25.00. na agre komia dongja. Uamang jaantian betonko ra'a, aro jaantian money order ka'e noktangtangchi watate jikdeko aldua.

Saoba nokchini rang'gitik saa ding'ako tele-graphchi kobor man'soode, advance ra'soe M.O. ka'e watatako nikronga. Betonna kam ka'gipa-rang an'tangtang song'e chane cha'a, aro an-tangtangni korocho ka'a.

Je mahajonrang Sylhetchiniba ong'chong Calcuttaniba ong'chong, uamang'oe mahajonni korakikosa cha'gen. Mitamrang sol'gijako brea, mitamrang sol'e rong nonggimrangkosa bre-skaa. Uamagnade Mahajon merong, me'su

samjak, cha - chnako on'a indiba an'tangtang song'e cha'a. Mikchaa malko man'kujana kingking salprako dingtang dingtang malko mesoka aro dorkoba daka.

Uamangni dor-ka'ako mamung saloba parake aganjawa. Indiba jaksiko ba'ra handkerchief pindape ehane jaksiko mesoka aro uko darangnaba parakjawa.

# GONGSIN AN-TANGNI SONGNI RIPENG ME'APA SKARANGNA AN-TANGNI BADINGANI CHOLRANGKO SKIE ON'A

Songtangni ripeng me'apaskarang salantian uni karbar ka'ani tanasarangko nie roa gita re'baronga. Mitamde tangkarangko bi'ange songrangchi re'ange agarko bree ra'bae pale nla. Mitamrangde an'tangtang tangkachi bree pale-skara, indake darangkon ehol on'achim. Mitamrangde roe uni tangkarangko chantime on'giparangba donga. Indake an'tangni badingani budi aro kaldarangko donugija ua skie on'na joton ka'achim. Uamangko mamugsaloba mi cha'gija watatjawachim. Indake salantian do'bok ong'jaode do'orangkode salsaba chotchangjawachim. Basakobade me'apaskarangko tol'e agane ka'dingatrongachim; uandake tol'e agane kalake rona changarangachim.

Ua an'tangni bel, ring aro wa'arangko badinganikoba dontongjawa, basakoba Bangalrang rikbakamo rimegen. Unon mande watate

mesokatgen, ong'jaoba ritchabri, ritchabonganl  
malrangko bree, rimeode an'tangan gureo ra-  
anggitike palegen. Indake ua pilakehikon apsan  
gisik gualjachim.

## BAK XI

### GONGSIN MAHAJON AGOR ARO ATTAR TOKO CALCUTTACHI RA'ANGE PALEA.

Bilsi 1915 ni Januaryni skanggipa antlmango Gongsin Marak an'tang agar sol'e rong nong-giminrangko aro attor toko rite tarlgiminrangko ra'e an'tangni sorkar sak gniko rimchape re'na tariaha. Sol'gimin agarko box-dokmango chipe tariaha; attakoba kerosine tino tin gittamang chipe so'tipe ra'na tariaha.

Ua an'tang jikdedrangkoba rimna mangsong aha; malna bi'sarangko dal'dalkalgiparangko skulo donna mangsonge rimangengachim. Uni depante dal'batgipa Rameswar baksa angko sakgnian Tura Mission Middle English Schoolo pass ong'ahanl gimin chingkoba Calcuttao poraichina rimangaha. Me'ehik bi'sani gisepe Pongkojini minggipako skulo donna mangsonge rimangaha. Boningtang Singdonni da'o kimtaigipani depante sakgnikoba, pagipa poralatna watatchapani gimin uamangko rimangaha. Adatangko Sarat Marak jonggipako Sachindra Marak mangachim.

Baghmaraoni Birlisriona ringo re'angaha. Birlisrioni Jarla Jhangjall Stationona matchu gario re'ange, unoni Rail garlo re'angaha. Indake Salrajganj-o Songduko chobate, Sentahar gita pring 6-30 mango Sealdah Stationo Railko kape Calcuttaona sokeaha.

Sealdah Stationoni chinga gure gariko ge-gittam tik ka'e Gongsin Marak an'tangul tik

ka'e donbagipa 41, Benia pukur Road-ona re'angaha. Unon Lower Circular Road-ona sokon, saksa sorokni rikam cementni kosako re'enggipa pante chingko garioniko nikate, "Na'simang A'chikrangma?" Gongsin Marak aganchakaha. "Oe, oe, chinga Baghma r a o n i . " Unon anga mamatang Gongsinn aganaha. "Ukode anga'e skango Baghma r a o poraibagipa Jaran R. Sangma gita nika." Gongsin singtaie, Na'ara ma'ka' ua?" Uara Jaran R. Sangmade. Dokdori kam ka'e poraienba Bighmarao donga' ine anga aganchakaha. Unon Gongsin singtaiaha. "Na'a Jaranma?" Jaran R. Sangma. "Oe, oe, angin" (Antangko uatna skako mesoke aganaha.) Ua pante singtaiaha, "Na-simangara hanu donggen?" Gongsin, "41, Benia Pukur Road-ona nok para tik ka'e donmanaha." Unon ua pante an'tangni note bookko bikote agangipa addressko see rataha. Uni ja'mano ua, re'ange gro'nggen ine agane an tangni dongramchi re'angaha.

Chinga mangsuga biapona soke pilak bostur'ng'ho r'atke, gure garina bharako on'e watataha Adha kontamangni ja'mano saksa Bengali buchuma, Lakhi minggipa, an'tangni demechik re'tra sokg minko rime re'baaha Ua me chikrang ma'ningsaan skang changrango re'baota song'e chane on'achim ine agana. Uamang ma'ningsaan skango Sonaram R. Sangmani Calcuttao dongdame mokordoma ka'oba, uamangan song'e chane on'achim ine agana.

## JARAN R. SANGMA ARO GIPIN A'CHÍK- RANG GRONGNA RE'BARA

Ua apsan salni 4:30 bajlmangon Jaran R. Sangma re'bae ehingko grongeaha. Ua angko skang nikchenge, salam ka'e, "Na'ara Johonni jong-gipaba mo mosa?" Uni ja'mano darangkong gronge salam ka'aha. "Angko da'ode Mr. Roland Peal inesa mingskaaha. Uni gimla Calcuttao darangni minga gita angko ming-pabone." Indake agane, card-o sea an'tangni bimung aro addressko see on'aha. Uno Mr. Roland Peal, 43 Lower Circular Road. Baptist Chapel ine seako donangaha. Dr. N. Downson D.D. ni Darwan-ni dongram apsan noko room-sano dongpae, Baptist Chapelni Church Boy-ni kamkoba ka'paenga ine rongtale aganaha. Una agre Mr. Aaron N. Sangmaba re'bae grongeaha. Ua an'tangni dongramko Oxford Mission Compound, Behalao donga, Calcuttani mail 6 mang chel'ao donga. Cycleo re'rurae Calcuttani Bengal Telephone Companyo kam ka'paenga ine aganaha.

Sakgipin Mr. Singgan D. Shira, an'tangko songde Dambuk A'gani 43 Lower Circular Road, Baptist Chapelon dongenga. Uau Mr. R. Peal-ko Sahebna agane on'e, saksa Christian bi'sa, apsan dongpaenga ine aro unoni Tangra Roado dong-enggipa H. E. Schoolo poraienga ine an'tangko aganaha. Uau ua Chapelo Church Boyni kamko ka'chengaha ine aganaha. Mr. Aaron N. Sangmani ma'a paade Baghmarao aro Birisiri Mission-oba kam ka'paaha. Uni pagipako Bharat Momin ine misga.



## BAK XII

### CALCUTTAO DONGSOGIPA PEAL ARO AARON SANGMAKO GRONGA.

Mr. Aaron N. Sangmanl agana gitade, 1915 bilsina skang R. Peal Missionary Sahebrang tik ka'e on'ako man'e badiaba English Schoolo poraiani ja'mano uano M/S Show Wallace & Co, Bhanshall 'Streeto kamko ka'aha ine agana. Indiba gisepode Mission Church Boyni kamkoba dakchakaha ine agana

Gongsin Marak Roland Peal-ko gisepo re'bae dakchakpachina aganani gimin ua Sonibar saloba pringkalen re'bahachim. Unon Gongsin Marak Roland Pealko okame sing'aha. "Na'a da'alo kam dongjama aro angni aganako dakna man'genma?" Roland Peal aganaha, "Officechi re'ange, kam bang jani gimin bi'e re'bana man'gen." Gongsin — "Indide na'a bi'sarangko Calcutta songjinmani biaprangko nidileku, uamang angko dekdo ka'enga aro attamoba skanggipa mesok-gipa Bishop-koba nidilbasrangbo." Unon Roland Pealba ku'chakaha, aro miko pringkale cha'china aganaha.

Darwenko Taxi ge'gnl ra'echina watatmit-lugo, cha'e ringe bi'sarangko ganat chinataha. Gongsin arak an'tangde jokjawa ine agane ua an'tangni mal'ko bregiparangko am'na re'anggen aro Sarkar saksako rimbite agar aro attar toko samplena ra'e re'anggen ine agane re'angaha.

Darwan Taxi ge'gniko ra'baha. Unon oblingko Roland Peal Alipurchi re'ango chiria-

kanako nidilchengaha. Ja'mano Museumko nidile, White Away Laidlaw-ko napdile niaha. Uko nidilman'o Eden Gardenchi re'ange uano Band dokchakramko mesokaha.

Indake New Marketchi re'dilangaha. Uano Restaurant-o nape cha ringdilaha. Unon Taxi Driver sakgnini metreko nie taxi bharako on'e watataha.

Ja'mano Elphinstone Biscopeko, skanggipako, nina ticket breto kaha. Somoi ong'ahaoa, Biscope naha. Matchotoa Taxi ra'e nokchi re-pilangdilaha. Chingni ja'manoa Gongsin Marakba Sarkar baksa sokbaah a. Mi song'timgipa Lakshimang ma'ningsa Gongsin Marakko mi cha an gimin sing'aha. Unon ua bi'sarangna aro ma-gipamang'na skang on'china aganaha. Unon maui aro bi'sarang darangan apsan tableo ra'bae cha'tokeaha.

Mr. Roland Peal-koba cha angchina aganani gimin uaba sengaha. Skang cha'giparang matchotoa, chinga dolsa cha'taiaha. Ja'manki'tiko Gongsin, Peal aro Sarker sakgittam bon'chote cha'aha.

Bon'kamao song'timgipa ma'ningsa cha'e matchotman'oa, pringo nanga koro chrangko ra-bajolchina Lakshmi ma'ningsana tangkako on'e watataha.

### BAK XIII

#### SYLHETNI MAHAJON BAKSA CALCUTTA KACHARIO MOKORDOMA KA'A.

Calcuttachi re'bana skang Sylhet Song jinmanl Ayup Ali, Karimganj Sub-Divisionni bilsi 1914 ni November - December jamango Baghmaraona agar brena ine Gongsin Mahajon nokona sakni ripengrangko rim'e re'baaha, Ua mahajonni nokon agar sol'gijako brena ine antignimang donge malrangko dingtang dingtang salrango niaha. Ja'mankitko ua mal-dak-sako mikchaaha. Ukon ua baditaba muanko baditaba hajalna tik ka'grikaha. Ukon Mussalman Bepari dor daka gitan Gongsin Mahajonba damko chu'ongnike mikchae palna ku'rachakaha, Mussalman Bepari tangka chu'onga gita dong-jachim. Uni gimin ua tangkana Sylhet song-jinmachl telegraph ka'e bi'ataha, aro jako je tangkako ra'bitbaha uko ua gong hajalsako bani on'soe sengaha. Antisa bate sengoba tangkako man'sojaha aro mamung koborkoba Sylhetoni uiata dongjachim. Uni gimin Gongsin Mahajon tangkako baina ongipako Md Ayup Ali Beparina on'pilahachim. Indiba Bepari ra'piljaha.

Ja'mano Md. Ayup Ali Bepari bregimin agarko kajina on'gija donna man'jachim. Uni gimin Forest Departmentni Officer-rangko okamate toe kajina (royalty) ko on'aha. Toani ja'mano muand chikungko chalja bostao kochipae ha. Chaljani kosako bostaprakni jriako toe bl-mungko see kalichi semano sealing waxchl so'tipaha. Indako tarimano court fee gaanggipa

Ia caseko chalaiani bilsiode, je biapo skango dongachim ua biapode Roland Peal aro Aaron Sangma dongriksaaha. Uni gimin Gongsin Mahajon, 13, Bentick Steetona jitange uanosa caseko matchotataha.

Angni gisik ra'a gita Gongsin Caseko matchotna skangan uni agar aro attarrangko saksa lakopoti mahajon, Bombayoni Head Quarter Bussinessni Centre ong'achim aro ua pilak sandal wood aro agar aro attarrangko ra'e karbar ka'gipa, una palaha. Arabni aro Japanni dalarrangol uan agent ong'achim. Uni bimungko Md. Abdul Sallim Kunjee Tyabjee ine mingachim. Uni nok Para B-jaro gadangsni chugipa dalanko rikachim. Ua mahajonna Gongsin agar kuro dotgimik, mikgittam ong'e ro'a, ge'gniko bokis dake on'ataba. Uoni ge'sako an'tangna rakie, ge'sako Bombaychi re'ango goldik dake rim'chakaniko aro jangchio changgitam-mang sonani silpanchi rudape ge'sako Gongsin Mahajonna bimungko sekame boksisi on'pilskaaha.

Ua apsan gol'dikko mamani siani salo Coffino gopchapataha. Bilsi 1916 bijangchimango, Gongsin Mahajon be'en an'sengjae familyni chonchongipa bi-sarangko rime songchina re'badllaha indiba chingade schoolon dongrikaha.

## BAK XIV

### RECRUIT RIM'ANI BILSI :

1917 bilsirangode ua (Gongsin Mahajon) saro sacho dakaiengpitichim aro ua bilsirangode Francechi watatna Garo Labour Corps-ko rim'na ua Sorkariko'o dakchakengachim.

Ua somoi aro bilsirangon ua a'ga a'rong re'roroe moposol wene bilongen chukoba ringna a'bachengaha aro songantian uko mande ra'e matchu wak doke song'e chane on'ako man'an baksa chuchian mande ra'ako man'e an'tangni be'enni biatiko bariataha.

Ua moposolchini re baoba nokchi re'barong-jachim. A'selde un'jikcholrangoni saksani jikgipa, segipa labouchi re angani a'sel cha'ani aro ringani tekkiarangi o niroke sandie korosrangko una on'e dakchake uanon ua walturongachim.

"Mandeni tekkie uko dakchakanichi cholonkeba ja'guata" Uandake ua nosaritang nanga baksa ning'j ljol bilsil gnimangna dongnue jikgipa dake jikkalaha. Ia obostarangko ua paraken dakah ni gimim donugija iako senan ga'akaha maina ua an'tangan ua dosko mondolio parake gis kba pitaha.

Indake 1918 aro 1919 bilsirangode ua chel'e moposol re'na man'jaha. Re'ode an'tangni arm chair ro'gipako samgnio ga pong baksa wa'tongko kachape ra'enba uano an'tangni chakkolrang bilakgipa sakgni donga, uamangko song-

warrantko ra'engaha." Uni gimin na'a pilak gamchata malrangko gipinchi jite donbo. Na'a dog'ako an'tang mamung saloba osona nangja. Gipinchi osoenba Courtai Police Daroka ine nikon, skang nang'ni nokni janggilchiko ong ate katchengesa do'gako oe on'e, dongja ine aganate police-rangko watatpilbo Bara-bajar ong'jaoba Strand Roado Baristar at Law donga. Unona re'ange legal adviceko ra'e an'tangkowarachakbo. Chingade indake cha'gipa dolni mande ong'a" Indake ua Parsi mande an'tangko rongtale aganenba Gongsin Mahajonniko boksisko bi'aha. Gongsin Mahajon una gong kolatchiko on'e mitele watataha.

Ua salon Gongsin Mahajon ua Parsi mandeni agangipa addressko am'ange Baristerona re'ange uko gronge legal adviceko ra'e, uni caseni nokol-ni copyrangko bikotna dolkasto on'aha. Una agreba ua Baristerni ku'patia gita saksu Advocate ko ra'chape pilak caseni ja'pangrangko rongtale uamang na agane on'aha.

Badini dolkastoni nokolko bikoton case dolkastoo indake seaha, "Bibadi Gongsin Mahajon agar aro attorni mahaldar ong'a, uni agar sol'gijako Badi Ayup Ali muand chikung indita tariko breaha. Tangka gong hajalsako mahajonna baina oa'aha. Jimbao Bibabi muand chikung sol'gija malke katome watatna tik ka'e donbaaha. Ja'mano ua malke Badini Addresssona watatgija, tangkako hajalsakoba on-pilgija gipin mahajonnasa pale ra'aha. Indake

Bibadi Gongsin Mahajon, Badi Ayup Ali-ko togiaha." Indake nokolko seaha ine ulna man'aha.

Ja'mano Badi an'tangan tol'gipa Caseo ga-ake Bibadi Gongsin Mahajonna Caseko decreo on'aha Indake Caseko Md. Ayup Ali-ni kosako baditaba hajal Compensationko man'aha. Aro tangka hajalsakoha forfeitko ka'e caseko amaha ine agana

Rameswar Sangma aro angaba sakgnian 224, Lower Circular Road, Bishops Collegiate Schoolosa ong'ani gimin caseni gimin mama chongipa Jenon S. Marak-oniko aro Sorkarni aganakosa uipana man'aiaha. Mi song'timgipa Lakshimang ma'ningsa Parsi me'apani aganako knatime ra'e ja'mano indine aganaha, "Skango chingade Sonaram Sangmani somoio wa'am jang-ki raoko ra'kame nokningo done, uko police daroka arrest ka'na am'baode a'palchi jang kiko donate nokjanggil gita Sonaramko watatchengessa do'gake oe policerangna dongja ine aganronga ine uamang ma'ningsaba namen caseni salrango dakchakaba ine uina man'a. Je Parsi maude re'bae ku'patironga gita Gongsin Mahajon an'tangni agar aro attarrangkode saksa Christian noksul chingni dongaoni chel'gija biapo donachim. Uni bimunga Babu Mani Lall Kavirajni. Unlfamillyn nokona reange mamungna jajrenggija donenba caseni salrangoba mamungba ong'jaha. "

sorkarlni file gnanggipa lekako bree uano Md. Ayup Allni dolilko see Gongsin Mahajonna donangaha. Dolilo sea sal ja aro tarikrangna sengsona tik ka'e segrika somol sal jana sengaha. Segimin sal tarik badena skangan Mussalman Bepari songchi(Sylhetchi) re'angaha. Indiba tang kakoba watatja aro mandeba sokbajaha. Uni gimin chltikoba acknowledgement Register ka'e seataha aro telegraphkoba ka'ataha. Register chitikode man'oani receiptko man'sopilaha Indiba sechaka dongjachim. Sal ja tarik namen badeaha.

Uni glsepon ua upsan songoni Md. Abdul Mojid Bepari sakgittam ripengko rimbae Gongsin Mahajonni nokona agar brena re'bataiaha. Aro uamang Md. Ayup Alide malko a'angna man'jawaha ine aganeaha maina ua an'tangde tangka dongjachim. Gipi Mahajonnasa breachim aro ua mahajona da'o uni kasako ka'o nangaha aro tangkako una chalajaha. Batesa hajalsa ra'anggipakoba bi'pile aro re'angani korosrangko bi'pile man'jae ka'o nangbeengjok ine aganaha.

Gongsin Mahajon Forest Officerrangko saki ra'e ua apsam malrangko toe nlon komibeaha Indiba muando je doro Ayup Alina palachim, ua apsam doren da'o re'bagipa Md. Abdul Majid Bepari brena am'ani gimin ua an'tangkon saki ra'e palataha.

Md. Ayup All aro gipi sakgni re'bagipa-rangoni dongdame antigni cha'a ringani koros,



rangkoba see saklrangnamesokaha aro agar malni toe nipilon komiachl badita noksan ong'aha uarangko hisab on'e mesokaha. Hajalsa brena on'gipako hisab ka'oba noksan ong'a, tangkako gapatna mau'jahachim ine mesokaha.

**GONGSIN MAHAJONNI KOSAKO AYUP  
ALI CALCUTTANI SMALL CASE COURTO  
CASE FILE KA'AHA.**

Bllsl 1915-o Gongsin Mahajon Calcuttaona an'tangni agar aro attar toko palna ra'angaha. Unon Md. Ayup Ali Sylhet Bepari gong Hajalsa tangkako balna on'e malko bregipa Calcuttani Small Case Cout-o uni (Gongsin Mahajonni) kosako caseko file ka'aha. Indake uni binungo Calcuttani Small Case Court-o hajir on'e aganchakchina Samonko watataha. Aro un-baksa uni Calcuttaona palna ra'bagipa agar aro attor-rangkoba korok ka'china courtoniko warrant Attachmentko hukum ra'aha ine uina man'aha. Iarang pilak obostarangko aro kattarangko nisamsogipa mande saksa gnanngchim. Ua mande salsao re'bae Gongsin Mahajonni blapona, 41, Benia Pukan Roadona re'baaha.

Ua mande parsl jat ong'a Uara Courto roronge sawa sang kosako mai Caserangko ka'enga uarangko sandirlikite caseko saldoe salone cha'gipa manderangni dol ong'a. Ua Gongsin Mahajonna indine aganaha. "Dao nang'na ram-ram somonko on'aha; indiba j'mano nang'ko rarm'nai aro nang'ni malrangko korok ka'na

rangona olatrengachim. Ja'chi rena skoba ua chakolrangko olatrongesa re'angrongachim.

## ASSAMNI INSPECTOR BAGHMARAKO VISIT KA'A.

Recruit rim'ani bilsini gisepe Assam gimikni Schoolrangni Inspector uororo Britishni sason chu'gimik dongkuengachim aro ua Inspector sahebko Mr. Small mingachim. Uni re'baani koborke Garo Hillsni Deputy Commissioner Saheb Gongsin Mahajonna uiataha aro un baksana uni boningtang Singdon Laskernaba uiataha.

Uororo ua jolo Upper Primaryna agre Baghmarao chukala School dongjachim. Uni gimni Gongsin Mahajon Schoolni Master Pa Modunath K. Sangma aro songoni me'aparangko meetingna okamataha. Uandake chijolni mande-rang aro Nokma Sardarrangkoba meeting ka'na okamataha.

Ua meetingo, ka'mao sea ja'pangrango pang-chake dorkastoko sechina Modunath Masterna aganaha.

(1) Ia jolni Mauzani ning'o aro Lasker elakaeba go'samangmangba, Baghmarao ge'sa Upper Primaryna agre school dongjachim.

(2) Uni gimni chukala schoolo poralnakode Tura M. E. Schoolona re'baana agre, Skie ra'

anio aro poraianl mamung chol dongjae namen ja'donggabeengachim.

(3) Ua school Turaona mille 100-na agre komija aro ramao kenani slanirangba bangachim. Uni gimln uanona re'angna chol ong'chongmot-jachim ba neng'nikani ong'chongmotachim.

(4) Bang'a me a bi'sa aro me'chik bi'sarang poraina skoba kosako janapa a'selrangchi kangal bi'sarangni ma'a paarang gisik sikoba cholko tikkele on'na gita obostachin apchangkat ong'rongachim.

Uni gimln ka'saninggipa Sorkar'ni ratotrang cha'ani ringani, gananichinanl, aro gisikni kangal ong'ako sllrrooatna chinga ma'a paarang skoba cholko apnikjaenga.

Kosako janapa a'selrangko aro cholgri-rangko niroke hujur Baghmarao Middle English Schoolko kullna sanctionko on'an baksa jaanti Sorkar'ni grantko Adhoc dake on'e dak-chakpachina kangal projarang nang'o mol'mol-engga. Jent gimln chinga chasongna mitelan baksa gisik ra'kame donggen lne dorkastoko see donsoaha.

**NOKMA SARDARRANGKO SOI KA'E  
JAKSI TAPE MESOKE SAHEBKO HAJIR  
ONG'ATAHA.**

Dorkastoo M E. School nokko rikna koros-rangko tik ka'e mesoke Nokma Sardarrang

aro songni manderang baksa kusi ong'e bostu-  
rangko chimongaha ine Sahebna mesokaha.

- 1) Bolsal rong dot ... .. 30
- 2) Bolgro aro bilbangrang dot ... .. 40
- 3) Wa'ge aro wa'naru hajal ... .. 3000
- 4) Barina wa'tre sadap jajal ... .. 4000
- 5) Re aro so'karangmung reping bundle .. 100
- 6) Am'pang bal ... .. 800
- 7) Wa'ding aro rerang sreng ... .. 1000
- 8) Mistrini koros
- 9) Gojal aro boltu
- 10) Gipin nanganirang

Iarangko Gongsin Marak aro Singdon  
Lasker Schoolna on'gen ine ku'rachakaha.

(11) Schoolko Bong Memorial M.E. School  
ine mingna donationko Gong 500/- ko on'e uko  
approve ka'pachina mol mole seaha.

Kosako listi ka'e mesokani nok rikani bostu-  
rangko segipa baksa M.E. Schoolko on'china  
bi'ani dorkastoko Gongsin Marak an'tangan on'-  
na tik ka'e sesoaha.

Assamni Inspector Mr. Small Damadubi  
Dambo-Rongjeng gita re'bae, Do'renggo- Wada-  
chong gita re'baaha. Unoni Sijuona ong'one  
ringo Baghmaraona choonate re'baaha. Bagh-  
mara ghatona sokon Simsang chibima ghatoni  
Wa'se-ko wate an'chengni kosako ane, chisam

rikamoni riksegimin bangalow-ona Sahebko  
ja'achi re'baataha.

Re'bamitingo Inspector Sahebko Schoolni  
chatrirang bangalow-ona dilbaaha. Bangalow-  
ona sokon *matia bonduk*-ko pong gittam goate  
Sahebko mande ra'e rimchaksoaniko Gongsin  
Marak dakdil-ha. Uni jamana "God Save Our  
Gracious King" ingipa gitko chatrorang ring'on  
Saheb tupiko oke tom'tom chadengaha. Bunga-  
low-ona gakate jinmachiko nipilon Gongsin  
Marak aro Nokma Sardarrang gongnoke salam  
ka'e chadengaha. Indake Sahebko salam ka'-  
man'on barandao donsogipa neng'takani chokio  
Saheb as'ngaha.

Uni ja'mano Saheb chakate attam 3:30  
baji manpo grongtaigen ine Gongsin Marak  
aro Singdon Laskerko okame aganaha. Unon  
Sahebni asonge neng'takmitingo uni mikkangona  
on'anirangko re'baaha. Jekai, do'bok kasi dal'a  
mangsa, do'o koksepsa, ghee-tiusa, merong jaha  
adha monmang, dud aro naakon, do'chi tukrisa,  
te'rik mal'ok minarang. Una agre me'surang-  
koba, alu modipol minarangko on'aha. Saheb  
chadenge ka dinge bosturangko on'giparangko  
mitelaha.

Ja'mano pilakan noktangtangchi re'ange  
somo! gitam adha bajimangna skang rebatokaha.  
Somo! gita Inspector Saheb bangalow-ni baran-  
dao grongna re'bagiparangko nisoaha.

Unon Gongsin Marak M. E. Schoolna dorkasto galgipako salam ka'chenge on'aha. Darkastoko ra'chakman'o Nokma Sardarrangko uamanga maiko nanga ine sing'aha. Unon Gongsin Marak uamanga mangsongsoa M.E. School nokko rikna bosturangko ku'rachake chilmonggimla bosturangko listi ka'o mesokgipa manderang hujur ine aganaha.

### INSPECTOR M. E. SCHOOLKO ON'NA KU'RACHAKA.

Inspector Saheb ua bosturangko chilmong-ahama ine sing'aha. Unon Gongsin Marak chimongman'aha hujur ine aganaha. Da'o uarangko ehiko choone ra'bana tarila. Indiba nang'ni hukmko nisengenga ine agantailaha.

Inspector an'tangni Personal Secretaryhiko nie, uamang sakantini gisiko nangako niko M. E. Schoolkokullina sanctionko one bakbak hukumko officent gita watatchina an'tangni personal Secretaryko aganaha.

Uni ja'mano Saheb skulko a'bachengna masterko man'genma ine Gongsinko sing'aha. Unon Gongsin Marak Pa Modunath K. Sangma-ko nam'genma ine sing'ataha. Unon Modunath K. Sangma nam'gen ine aganchakaha.

Inspector Saheb sing'tailaha ; "Poraigipa bi'sarang me'chik me'a badita sah donggen ?"

Unon Modunath Master me'chik aro me'a brine sak 60-na agre komijawa ine aganchakaha.

Indake Gongsin Marak an'tangni songni bi'sarangna aro songsulni nanganiko chanchie bang'a namgnirangko dakdilaha. Inspector Saheb Upper Primary Schoolko pringo nigen ine darangnan parake aganataha.

Unon Master Modunath K. Sangma songni me'aparangko an'tangtangni bi'sarangko pringkal-e rongtale gane chine watatchina mol'molataha.

Sal gipino sku adha bajl mango bi'sarangko chimonge Master dongsodilaha. Somol ong'ahaom Inspector Saheb skulona re'bae nlaha. Saheb ka'chakgipa nokko fan skul nokma ine sing'aha. Unon Master skul nok chakjani gimln gilja nokosa ka'enga ine aganchakaha.

Inspector Saheb skul nokna Rs. 500 / - ko sanction ka'e watatgen ine Inspection Bohio seaha.

Inspector Saheb salgipino a'brini rama glta Ganchi aro Chokpot rama glta mongmao gao re'angaha. Uni malrangko begal sak chikung mangko rime Turaona Saheb baksa watataha.

## BAK XV

### EMANGIRI RESERVEKO DE-FOREST KA'A

Adita janja'mano Gongsin Marak Assamgimik ni burungko nirokgipa Conservator of Forestsko, Emangiri Reserve-ko nina Baghmaraona re'bachina uko mol'molaha. Unon Conservator Saheb songni manderangni dorkastoko man'e aro Gongsin Marakni mol'mole rimangani gimin nina re'angaha.

Unon Reserve ning'o je biapo bolsal aro gipin bolrangba dongjachim ua biapko Sahebna mesoke ua biapko sorkarini Reserve kangaoniko wate on'china aro a'ba cha'na on'china mol'mole bi'aha. Unon Conservator Saheb ia biapo song dal'ama aro a'ba cha'na tikjama ine singaha. Unou songsulni manderang chingnan a'ba cha'na tikja ine Sahebna aganaha. Ja'mano Saheb anga Shillongchi re'ange Gongsin Marakni bimungo hukum on'atgen ine agane reserve gimikko niroroe aldaona pil'baaha.

Salnlangahani gimla Conservator Saheb walo uano waltuaha. Indake pringo Gongsin Marakko rime an'tangni mongmao Baghmaraona ong'onbaaha. Salgipino Consevator Saheb Turaona mangsonge Angratuli Reserve Forest Office gita re'angaha. 1917 bilsini Debember jamango Gongsin Marak Sahebni ja'mano an'tangni agar aro attor-ni kamrango niroke agar sol'gimlurangko chimonge aro attorrankobara'e Calcuttachi palna re'angataiaha aro Bombayni Beparirangoniko mal breani baki tangkarangkoba rikna re'angjolaha.



Ua ruutgijan an'tangni ra'anggipa agar aro attorrangko palmanahachim. Una agreba bangki tangkarangkoba riktokmanaha. Ua somoirangode Gongsin Marak, 28, Pulbagan Road-osa para ra'e dongachim. Baghmarao recruit rim'ani aro nokni kamrang bang'ani g'imin ua songtang Baghmarachi re'pilna mangsonge nokona koros-rangko ka'aha. Ua nokona silni palang gedok, wilw'igipa ehoki aro ramram chokirangkoba breaha. Una agreba palangni tosok aro chokiraagni kosako andapani balisrangkoba bree an'tangnidongram biapona truck-osalbac Roland-peal aro an'tangni jonggipa Jemon S. Marakko truck o watchapate rail stationona re'ange songchina watatchina watataha.

Salgnimangni ja'mano ua chonchongipa bi'sarangko aro ma'gipako rime Baghmarao na re'bad'aha.

Skul poraigipa me'a aro me'chik bi'sarangde Calcuttaon boardingo dongrikaha. Nokko nirokchina gita jonggipa Jemon S. Marakko aro departe Rameswar Sangmako donbaaha; maina Gongsin an'tangde be'en an'sengjachim aro songona sokbaon adita bilongbataha. Ia salrango ua nokona Culcuttaoni re'baani somoio mal palani tangkarangko baditaba hajalrangra'baaha. Unon Mymensinghonko Deputy Commissioner Sabebkomol'mole police sak dokko watatpachina ine bi'aha. D.C.-ba police sak do'ko watchapataha. Indake Jariajanjal Stationoni gure gariko ra'e uano tangkako gario gate police sak dok

baksa an'tang re'chape Birisiriona re'baaha. Bi'sarangnade aro mani maangnade dingtang gariko ra'e apsan re'baaha. Birisirioni Baghmara songona matchu garlo an'tang baksa police-rangko gatchape aro matchu garl ge'gipino bi-sarangko gate songona salbaaha. Uni salbagipa tangka nogotrarachim. Uni gimin police ra'chap-na man'jaode kenchakanl bang'achim.

Aganbagimin gita uni saa bilongbatahani glimin ua antidamo donggipa an'tangni gadang-gni noko dongalaha.

## BAK XVI

### M B E. UPADHIKO RA'NA TURACHI RE'ANGA.

1917 bilsini August 17 na skangan angade angni abitang saa bilongani gimin re'basoe song-onchim. Ja'mano angni Calcuttachi re'pillangna skang angni mamatanggipani saa bilongako nike re angchipjaha.

Salsao anga angni mamatanggipani saako nina antidamona re angaha. Anga angni jako ra'bitanggipa magazineko ra'e mamani skopango che kio asonge uko porale dongtimengachim aro maniba palangni sepango chapchap asonge gijipko ra'e sagipanan jiptimengachim.

Bilsni 1920 September jani 4 - gipa tarikni pring sku adha bajimang ong'aha Shusung Durgapur Post Officeoni saksa telegraph peon aro Borgondas telegraph kingsako ra'e nok gadang-gnini ka'mao Gongsin Mahajonko ameha. Anga uamang sakgnikon kosakchina okamdoat-aha. Peon aro Borgondas sakgni Gongsin Mahajouni saako nike salam ka'aha. Unikoa peon telegraphko on'aha. Mama telegraphko ra'e kullenba angna porachina on'aha. Anga telegraphko poraie A'chik ku'sikchi aganskaaha. "Commissioner Turaona Septembarni skanggipa antiosokgen unon nang ni M.B.E.Titleni Medalko on'ani ong gen. Turaona re'babo aro Commissionerko grongbo " Jekon Englishchi seha : (Commissioner of Assam and Surma Valley arriving at Tura on first week of September, 1920. Your M.B.E. Title Medal will be awarded. Come

to Tura and Commississloner positively.) Uni ja'mano mama angko nie aganaha. "Na'a bakbak Modunath K. Sangma, Master aro Rongding Sangma lamang sakgniko mandewatate rimeatbo" Uamangko okamna anga pante saksakowatataha. Kantasamangni jamano sakgnikon mamanituram kuturiona rimdobaaha. Indake choki ge'gniko ra-bae on'e uamangko asongataha. Commissionerni telegraphko Masterrangna on'aha. Mama uamangko an'tangna telegraph see on'chinasa okamahu ine aganaha. Uni ja'mano blni sarkar saksako okame telegraph form aro kali kolomko ra'bae on'china aganaha. Kolom aro kalirangko ra'bae on'mano uamang sena a'bachengaha.

Skanggipa, Gongsin Marak Mymensinghni Deputy Commissionerna sechina aganaha, "Ka'sapae first class railway compartmentko reserve ka e Netrokona statlonona aro unoni Mymensingh gita Bahadurabat ghatona arrange ka'pabo" Gnigipa, S.D.O. Netrokonana seaha, "1920 ni September 6 tarikni attamo anga Netrokonaona sokgen. I. B. - ko reserve ka'pabo" aro angni ukil Nirupendro Banerjeeko aro Civil Surgeonko aganpabo, anga saenga." Gittamgipao, D.C. Turaona seaha, "Anga Septemberni skanggipa antio Turaona sae re'angenga." Telegraphni peon aro Borgondasko pringgipino re'angchina aganaha: Aro uamangna song'e chane cha'china merong mechu aro nangarangko on'china manko aganaha. Maniba babilslni manderangko okame aganaha, "Na'slmang la angni seglmia telegraphrangko masterna ra'ange on'chinasa anga na',

simangko rimrikaha" Sokani salon uamangna Gong'oongako sakprakna boksis one song'echane cha'ataha. Aro telegraph ka'ani rostrangko post Officeni dak gita angni bimungo Tura addressona watachina anga masterna seatenga ine aganaha. Pring ong'ahaoa peon sakgnina telegraphni korosko aro uamangna bolsisko aro chu'onga gita tangkako on'e re'angchina aganaha Durgapurni Postmasterna dingtangmancha chittiko seaha Bilsa 1920-ni September jani skanggipa antini sombar salo ua an tangni Turachi re'gnini gunin chanchie gisik jajrengaha; indiba telegraphko sea kattarangko knae chinga pilakan re nas'enga ine ule ma'drangrang gisiko duk ong'aha aro uni abitanggipa Singin S. Marak re'bae joggipa Gongsinna grape aganaha, "Salo changsa ba changgni dake songon rangsina man'gija dake na'a nomenga, maidake re anggnok Gongsin?" Unon Gongsin abitangna aganaha, "Na simang Sorkarina bate dal'batama, je ong'oba angade sibo tangbo re na nanggen" Uni pringon ua an'tangni chakolrangni dal batgipa Ringjan Marak aro Tiwil Sangmamangko okame aganaha. "Na simang chakkolgipinrangko rime an'chingni ring dal dalbatgipa kangniko jamote uni kosako pangna dakronga gita na simang toktako ane berako dim'e nokkingko am pangchi rape ringo nok rikbo" Uamang uni agana gitan dakna ku'chake re'angaha aro un salon ringko ghatona chobae re'baaha. Ua salara angni gisik ra'a dipet 1920 bilsini Septemberni 5 gipa sal ong'achim.

Ja'mano rikmanoa September 6 tarikni  
 priog dok bajio ringo song'e cha'ani bosturangko  
 merong mechu aro kerosine tinko te'gni chu'dap  
 dakna tarie ra'angaha. Indake noko song'echa'gi-  
 ja ramao song'e cha'na ine chanchie nokoni chet  
 adha hajlmango re'chakatna tik ka'aha. Ringo  
 doktanl kosako mamani campcotko badale uno  
 biapko tarimano bakosrangko aro nanga koros-  
 rangko chuonga gita ra'e ringona re'angaha.  
 Ringko chona nokoni chakolrangko gimik sak  
 6 rimangaha. Indiba Turaona soke an'tang  
 baksa rimmade depante Rameswar Sangma,  
 gnigipa Jingreng Sangma, gittamgipa Bodel  
 Sangma, iamang sakunian mamani depanterang  
 nanga gitchu. Brigipa angkoba rimani gimin  
 anga mamani saa obostako nike an'tangan kusi  
 ong'e rimanganl gimin re'angpaaha. Baghma-  
 raoni Simsang chiblmako choonango chikolo  
 chl gapachim w a c h i m i t l i n g ong'anl  
 gimalnRamao na'tok rim'gipa manderang chingko  
 gronge sako choangenga ine sing'aha. "Gongsin  
 Mahajon" ine chinga aganchakaha. Unon maji-  
 rang an'tangtangni ringko chobekbae Mahajonko  
 salam ka'e na'tokrangko on'ataha. Na'tokni  
 damrangko on'oba Majirang ra'jachim.

Durgapurni rajarang ringo Gongsin Maha-  
 jonko grongna sengsoengachim. Uamangba uai  
 ringko niksoe rajarang an'tangtangni ringko  
 ohingona chobekbae Gongsin Mahajonko grong-  
 aha. Aro uamang namnama bliterangko kokting-  
 rango koktingsa, apple, nasboti aro drakarangko  
 aro dutkoba baltinsa ra'bae on'e donangaha.

Rajani Montri saksa Brahmon indine aganne bi'chakaha, "Bhogobhan apnar susto sorike nia jao, amre asir bat kore." Uko A chikkuchi aganode indake, ong'a. "Isol nang'ko be'en an'senge rimangchina chingni ska aro bi'a." Chinga Netrokonaona atam bri adha bajimango sokeaha. Uano Netrokonani S.D.O. aro Pollice Daroka, C.S. aro uni staff mamako ghato sengsoenguchim. Unon Civil Surgeon Gongsin Mahajonko I.B.ona dilange unon neng'takchina aganaha. Bini jakkalronggipa Nirupendro Banerjeeba uko gronge nangarangko sena nangode aganbo ine mamao aganaha Netrokonani S.D.O. Nang'na first class rail compartmentko ra'bae donsoaha'ine aganaha. Bang'a Mahajonrang mi song'e do'bokrangkodeke uko okamachim lodiba mamade re'angua man'jaha. Mamani watatani gimin chinga aro ring chogipa chakkolrangba re'ange cha'e re'baaha.

## NETROKONAO WALTUA.

1920 bilsini September jani 7 gipa tarikni pring 6 bajimango Netrokonani Inspector Bungalow waltue, mamungba bilongdapglja walko re'ataha. Pringni cha'aniko sagipana on'aha. Aro pilak bara,bakos aro malrangko RailStation-ona rikangaha. Indake first class kuturisakode kanggope ra'ahani gimin Gongsin Mahajon baksan chinga sakbriba apsan re'na chol ong'achim.

Wachi ra'doangani somoi sokbae patalo ge'ani mirang tangsekgilgil dake nambaengachim. Salgipeng balkasin balbae angko aro nang'ko dangtapangon en chisreng dake sin'naba a'ba-chengjok. Railni Guard nisanko mesokataha. Da-o railni skanggipa whistleko sikataha. Ringni manderang re'pilna skang railo gakate nokgipako ja'o dangtape salam ka'e re na hukumko bi'aha. Gongsin uamangna indake aganaha. "Jensalo na'simang angni telegramko man'sogen, unon bakan ringko, jeona aganata uanona chobabo" Ringjan Marak aro Tewil Sangmaba indake dak-na ku'rachakaha.

Gongsin Marak, "uamango kosos chu'-ongkugenma ine" sing'aha.

Ringjan Marak, "chu'gimikan dongenga, mamungkoba nangjawa" ine aganchakaha.

"Na'simang salsade sokangjawa, uni gimin nangipamandeni ghatrango ringko kape waltudilangbo" ine aganataha. Uni ja'mano gnigipa whistleko on'e rail Netrokonaoni Mymensingh-ona 1920 ni September jani 7 tarikni pring 7:30 bajio re'chakataha.

Ring chogiparangba ringona re'ange ringo gakate ringni ringkuo chiko satdape ringko miksuate, manggio chogipa Ringjan Marak kewalko rim'e "Ka Dawani de, a'songtang chigatangna gringtang nokmatangna chigana nokkapna" ine toree choangaha.



*Mymensingh Stationona sokbaa* : Netrokon-aoni Jarla Janjal Stationko salgro saliramchi done Sibganj-o, Purbatolla Stationko wate ramram chonchongipa biaprango passengerrangko donrot-rotbae pring 10:30 bajimango Mymensingh Stationona sokbaaha. Rail Stationo Hakim saksa, Daroka aro Policerang Gongsin Mahajonka grongna sengsoengachim. Uamang niam gita Gongsin Mahajonko salam ka'soaha. "Na'a waiting roomo sengsogenma ba Inspection Bunglawchi re'e uano sengsogen? ine uamang sing'aha.

Gongsin Mahajon, "Bahadurabad ghatona rail mai somoio Mymensinghko watgen?" ine sing'aha.

Station master, "Gari attam 2:30-o wate ua ghatona atam 4:30 bajio sokgen" ine aganchakaha.

Inspection Bunglawo name dongtoe neng'-takna man'batgen lne chanchie, Doctor Babu taxi ge'sako bhara ra'e uko Inspectiona Bunglawchi salangaha. Doctor, Hakim Saheb aro Daroka babuba apsan garion Bunglawchi re'angpaaha. Chingni gario donggipa pilak bosturangko Railni Guardo chabiko bi'e tala teke donange, chingaba gure gari ge'sako bhara ra e Inspection Bunglawchina mamako ja rikangaha.

Inspection Bunglawni chokidarko okame Gongsin Mahajon an'tangko dongtingiparangna

( Hakim Saheb, Daroka aro Doctorna ) hoteloniko cha aro mistiko ra'eate on'aha. Unon Gongsin Mahajonko nigipa saksa ukil Sudangchu saran Synaiba rebae cha on'ako ringepaaha.

Unon Gongsin Mahajon Ukil babuko telegraph kingsa sechina molmolaha.

Ukil : "De sana sebo" ?

Gongsin Mahajon : Latif Meah Khan Bahadur, M.B.E., Mankachar - Anga singipa atamo nang'ona sokgen, ka'sapae sengpabo. Gongsin, M.B.E., Mymensingh."

Ukil an'tangni bagoniko telegraph formko bikote uni agana gita semano, chowkidarko watate telegraphko ka'ataha.

Doctor Saheb Gongsin Mahajonna indine aganaha, "Na'ade Mankacharoni Turaona re'angnade namen neng'gen maina matchu garioba nang'nade namen mobia aro ja'achide na'ade mansrangjawa. Uni gimin nambata ku patianide, na'a plki gosako bree ian'onikoon ripena mardekoba sakdok rime ra angjolbo'" Hakim Saheb aro gipinrangba, uan nambatgen ine agane on'paaha. Sagipa an'tangba ukon dakna kusi ong'aha.

Uni gimin Hakim Saheb Daroka babuko tik ka'e ra'echina watataha. Indake Daroka

babuko watate uaha re'angbebeaha. Kantasa-  
mangni ja'mano Daroka sokbaaha. Gital pal-  
ki ge'sako Rs. 80/-na brebaaha aro uko  
ripena oria jatni coollerang sakdokkoba rim-  
baha. Uamang sakprako Rs. 50/- ko bl'aha.  
Cha'a ringani aro re'pil wepilani koroshkoba uno  
manchapgi ja tik ka'aha. Ukil babu aro Hakim  
Sahebba uan krara, namaha ine namnik-  
paako mesokaha. Gongsin Mahajon namni ke  
Palkini d a m k o gong 80. on'aha aro  
coollerangna s a k p r a k o Rs. 10/-ko on'-  
soaha. Uni ja'mano Hakim Saheb Darokakon  
stationona watate chingna tikitko rae gatatchina  
watataha.

Somoi sepangahani gimni Gongsin Maha-  
jonko Hakim aro Doctor taxiko ge'sa ra'e station-  
ona dilange gario gate doneaha. Chingabasakbrian  
gure gario re'ange gario gakate dongeaha. Indiba  
Bodel Sangmako oria coolierango baksa apsan  
re'china uamangni rel dabhani Guardo agane  
apsan gate watataha.

Re'chakatna skang Gongsin Mahajon an-  
tangko sengsee dakchakgipa Hakim Saheb,  
Doctor, Daroka aro Ukilko mitele salam ka'e  
re'angna on'aha.

Mymensingh Stationoni 1:30 atam somoio  
wate chinga gario re'ange Bahadurabad chob a t-  
ram ghatona 4:30 atamo sokesaha.

1920 bilisni september 8 tarikni 4:30 bajlo  
tangka gong 50/- na tik ka'e ring dal'a kansako

man'e Mankacharona re'na tik ka'aha. Bahadurabad ghato ringoni ong'ona palki ripegipa sak dok aro palki ge'sakoba apsan ringo gate choangaha. Ring dal'ani gimin dongtoachim. Ring re chakatna skang kuli sak dokna sakprako gonggni ka'e hotelo mi cha'china on'aha.

Una agreba uamangna ramaona tipinna gita rongchu seer 4 chatu seer, 4 kari poasa aro jalik gitangko bree uamangna on'aha.

### MANKACHARONA SOKA.

Balwa namani gimin majirang ba'rani badamko ping'e "Ai batas pabam" ine ringko name wataton chipakore rama chite, a'songtang A'chik songna ka'pak ka'pak chingko songdu chibimao chodoangaha. Kanta 2 mangni ja'mano Songduko jakasichi gale salgro salaramahi choekange jinjiramko chodoe Mankacharni sepang gita jokbagipa kulu chibima ba Ganolko chodotale atam 8-30 bajimango khan Bahadur, M.B.E.-ni Ghatona sokaha.

Mahamud Latif Meah Khan Bahadur M.B.E an'tangni Ghato telegraphko man'soe chaprasi saksako nisochina donachim. Jensalo Gongsin Mahajon Ghatona sokah; unon chaprasi rangsao nokchi re'ange sokbaanikq nokgipana ulat'aha. Ua an'tangan re bae an'tangni ripengtang Gongsin Mahajon, M.B.E -ko an'tangni kachariona rimange asongna on'aha, maina ua biapko tarisoe una donsoachim.

Re'angmitlŋon mama Jinjiram chisamo anti chagipako nikaton uanote'rik malbok palako nikate brena watatani gimin chinga bree ra'baha. Khan Bahadurni kachari barandao asongmitlŋo ua te'rik cha'na bi'ani gimin una on'aha Te'rikko cha'manarin adita donge ua gusuna a'bachengaha aro ramaona bate dongsiksakbataha. Indake rang'sitna man'gija dake biaptango tusie neng'-takmitlŋon ua nombokaha. Ua somolo Khan Bahadurba dongachim aro Doctorba rebae tiktak nikdikeaha.

Doctor, "Na'a ramaoba indake gusubaa-hama" ine Gongsin Mahajonko sing'aha.

Gongsin aganchakaha, "Ramaode mamung-ba dongja. Doctor, namen sokbaaha."

Doctor, "Indide na'a maikoba cha'ama?" Gongsin, "Anga ia te'rik rongsako cha'achlm" ine aganchakaha. Uni ja'mano Doctor aganaha, "Te'rikde ka'singipa bostu aro na'a skengnin gusue saengani gimin nang'na namgnl ong'ani pal batesa namjabatani ong'aha." "Jajrengnabe" ine Doctor agane sam ra'na an'tangnl dispensarychi re'angaha. Aditani ja'mano Doctor Nurse saksako rime re'baaha. Doctor gingsikani aro bibako chakani samko ra'bac on'aha. Un baksana chl ding'ako robolnl bagke ka'tongo imaha. Indake Doctoral jotoni ka'achi kantasani gisepon komlangaha.

Un walode Gongsin Mahajonde mamung cha'anikon cha'srangjaha, indiba Doctoroi agana gita do'oni Soup ritako ringna on'aha.

Khan Bahadur Saheb rokomari namnama bl-jakrangko songe on'ahachim indiba sagipade mamungkoba cha'na chol ong'jaha. Chingaba gisiko jajrengen cha'oba cha'ani ringani sukong'jaha. Indiba chingade on'ani gimln cha'aha.

Chinga mosasa sakbrl chingni tusigipa kuturio "Songode ua sagipara walantian chang-saba changgnide nom'boka indiba da'o ramaode lan skanggipa. An'chingko Nokgipan dakchak-chong'motenga" ine sruk golpo ka'ataha.

Depante nanga Jingreng Sangma indake aganaha. Songoara salantian saobasaoba basakoba Rori mahajonrangba rokomari cha'ani aro ml-tairangko ra'bae donanggen uarangko jekoba on-tiprak cha'e nlachi namgljachi ong'akon ine chanchia." Chinga sakantian an'tangtangni glsepo "A'selde nimgijanti ong'batna kraa" ine ramram una cha'na on'jana chinga chanchlaha.

Indaka obostao walsakode re'ataiaha. Pringo Khan Bahadur Saheb chingna indake ku'patie aganaha, "Matchu gariko ge'gni tik ka bo aro malrangko gate na'simangoni sakgit-tam pringkale aldaona re'sobo. Palki ripeglpako saksa re'na gong'rakbatglpako ja'rikatbo,

ong'jaode matchu garide sokningjawa, unode song'na channa ruutgen." Ua Sahebhl agana gita dakon namgen ine chanchle Gongsin Marak gariko tik ka'e aro malrangko gate re'-sochina aganaha. Chingaba sakgitaman gari ge'gnio pringnin re'soaha, Indiba sagipako jarikchina palki ripegipa baksa Bodel Sangmako donbaaha; maina uara mande bilaka aro gong'-rakachim.

### MANKACHORONI RE CHAKATE DAMALGREONA SOKA.

1920 bilsini September 8 pring dok bajio chinga sagipani palkiko ripebana skang matchu gari ge'gnio sakgitam Tura ramako a'bachenge re'-chakatangaha. Chingni matchu gari tarakanl gimin chinga Damalgre Dak Bungalow ona sal bang'kalengon sokaha. Indake song'na channa am'bolrangko on'china chowkidare bi'e sagipant sokna skang una nangsogiparangko song'e chane matchotsoaha. Chingni jaman palgi ripegipa kulirangba songna channa a'bachengaha. Uamangnade chinga karahi da'ldalgipa ge'gniko ra'-bae on'aha, jedakode ge'sao miko aro ge'gipino bijakko song'na man'gen. Uamangnade chinga karahi da'ldalgipa ge'gniko ra'-bae on'aha jedakode ge'sao miko aro gipino bijakko song-na man'gen. Uamangde salprako patiprakna merong seer 4 adhako karahio ritgen. Uni ja'mano sakprakprakan an'tangtangni tala sil dal'gipao kariko brine men'diko ringchengesa tipatgen. Indake miko song'a aro chaokol ge'.

sao dalko karahi ge'sao ritgen. Dal ritaon alu-  
koba sakprakna ronggitam ka'e chane sikchap-  
gen. Alu minahaode aluko otrae dongen,  
unikode holdiko aro kariko sike jalikkoba  
ritchappen. Ja'mano Kolsollo rasinko aro jalikko  
ratchemcheme toko kolsollo wal'kolo ding'atgen.  
Unon rasin aro jalikko minatenba kolsollo  
gnang toko dal ritgipa karahio kolsolliko sim-  
bolatgen. Indake uamang dalko jo'achim.  
Unikode ritgimla aluko okee jal'ik aro rasinko  
dingtang rate an'tangtangna bolta dake  
ra'chenge karahisa miko an'tangtangni talao  
gapprete suale saaha. Uko bon o cha'gen. Uan  
uamangni salanti cha'ani bewal.

Cha chinrangkode on'e ringosa gisepe  
ringala indiba mesal cha'ani somoirangode cha-  
tuko chichi dim'e rasin aro jal'ik, gitangko  
kari baksa cha'achim.

Chingaba an'tangtangna dingtang song'e  
matchotahaode sagipana on'ehenge cha'e ringe  
nong'takaha. Waaloba mamungba a'selgri walko  
re'ate pringko man'aha Indake chinga Damal-  
griona atam 4—30 bajio sagipako sokbadilha.

Bilsi 1920-ni september 9 tariko re'ronga gita  
ge'gni matchu garlo chinga pringni Damal-  
grioni Turaona re'soaha. Bodel Sangmako sagipa  
ko ripegipa Palki baksa ja'rikbachina donbaaha.

Chingni garl seng'gnangan Hawakanaona  
sokbaaha. uano chinga gariko dondike mat-



chuna wa'tre blijakke den'e jeng alaha. Turaena sokon am'bol so'na dongjawa ine chanchie chinga am'bolko am'e gari ge'sao bang'kale chimonge salbajolaha. Indake chinga atchu Bong Lasker sagini nok rike dongipa aldaena soke neng'taksoaha.

Chingni song'eehanematchotna sio sagipako ripebagipa kulirangba sokbaaha. Chinga sagipani kemkatko aro biaprang tarie donsoaha.

Palkloni ong'kate nok barandao chokio asonge mama neng'takaha. Ua angko singaha. "Na'simang soka ruutahama?" Unon unga Sal bang'en sokaha, indiba Hawakhanao matchuna jeng on'e, am'bol am'bae gario gate salbajolesa da'o na'simangna skang adha kon tamang neng'taksoaha ine aganchakaha. Mama chingko am'bol am'baama ine singaha? Unoa chinga O'e, am'bol am'bajolesa ruuta ine aganchakaha. Mama aganaha, "Nambejok. Na'simangba skang Turao poraiange an'tang-tangaa am'bolna dilako uie a'chame dakaha. Nambejok."

Uni ja'mano ua biaptangchi re'ange depan-tegipa Rameswarko okamataha. Pagipani okam-anigimin Rameswar pagipachi re'ange okamatani a'selko singeaha. "Na'a nang'ni pajongtang Jaran Ponepako aro uni nokko glsik ra'engama?" ine pagipa uo singaha. Unon Ua Playgrond sepangode, uiengkua" ine aganchakaha. Unon pagipa uko pajongtang Pone pagipachi watate

an'tangni sokbaaniko una aganechina aro ukoba rimbajolchina aganataha. Rameswar pajongtang Ponapani nokchi re'ange una pagipani Turaona sokbaaniko agane ukoba rimbajolaha.

Sokbaahaan, Ponapa Jaran Marak Gongsin Marakko salam ka'e "Saan namjaengakonde" ine singaha. Unon mama "Saa namjaenga, oe" ine aganchakaha. Angni Turaona Sokbaaniko Boro Sahebna ulatchina Inesa angade nang'kode okamata ine Gongsin Marak Ponepana aganaha. "Anga slip see Pare Babuna ulatna man genba" ine agane Jaran Ponapa noktangchi re'angpilaha. Indake ua nokchi re'ange Pare Babuna type ka'e D.C-na ulatskachina seataha.

Deputy Commissioner ulatako man'on Daroka Policena aro Civil Surgeonna Gongsinni sokbaako ulatskaaha. Daroka policerang skang sokbaaha.

Ja'mano Civil Surgeon nurse saksa aro compounderko rime re'baaha. Indake walo sanchina aro samrangko somol gita kanchina ua nursena agane donangaha. Nango rang'gitik rikangna nangnaba donga ine chanchle police sakgnikoba donangaha.

Boro Sheb re'naslo mamana indine aganaha. "Commissioner Shab sokbamanaha. Nangna knal priag 10-30 bajlo M.B.E.-ni medalko patani ong'gen, ine darangni mikkango parake aganaha. "Unon Gongsin Marak an'tangni jako towelko ra'bite Boro Shebchiko nle gapaha.

Gongsin Hindichi- "Hato bukar adimi, itnabbaria upadiko laye, ham Sarkar Bahadurko kila saharja karne sakoge, Hujur." "Ang gita rogi man'gimin mande, indita dal'a upadiko ra'e Sorkarina mal mingsa namgniko dakna man'kugen. Hujur ine aganchake duk ong'aha.

Boro Saheb- "Don't worry for that, this blessing will effect your future generations." (Jajrengnabe, ia patianirang naan'na durltchurangna rengsi tikanggen) ine Deputy Commissioner Saheb gamchatbea katachi kan'dike agane ku patie re'angaha.

Sorkari design on'gimin sample ba'ra "Navy Blue" sergeko skangon ua an'tangni M.B.E.-ni titleko man'aha ine ulataniko man'soon ua ba'ra sergeko sample ra'e Calcuttachi re'ange M/S Rankin & Company, Calcuttae M.B.E.-gownko sikaha. Sike ra'bagimin chuglmik full pant, coat, waist coat, aro capko aro juta muja aro sonani pocket watchko gane tarie an'tangni Palko Kacharini pandalona re'angaha. Ua an'tangni bimungko sonachi seenba tarigimin agar bolni gol dikkoba pakree gate ra'angachim.

## BAK XVII

M.B.E.-NI MEDALKO PATNA MEETING  
KA'E MATCHOTATA.

Pandalni ning'o mitapsa saibana chongmotan skango Indiani Rajarangni asongchakani kosako ba'ra'ko tambu dake koe, nitoe tarigiminko nokningni kosakni kokimao ping achim. Uni ning'o chairmanni linoni mikkango velvetni ba'ra'ko pindape soffo choki gegitamko donsoachim.

Darangan pandalni ning'o chakpligija asongsoahachim. Jensalo Gongsin Marakko ripebagipa Palki sokbaaha unon uko palkioniko jakrachisaksa Hon'ble Khan Bahadur Md. Latif Meah, Mouzadar, M.B.E. aro jakasichi saksa Hon'ble Janggin Sangma, Lasker, M.L.C., M.B.E. Dilkepenba pandalni ning'ona rimbaaha. Unon darangan uko mande ra'e chakatsoaha.

Chairmanni mikkango tarisogimin velvetni choki gegitamni gisepo jangchio Hon'ble Gongsin Marak, Mahajon, M.B.E. - ko asongataha. Gongsin Marak, M.B.E. - ni jakrachisaksa aro jakasichi saksa M.B.E. man'sogiminrang asongaha. Jinmani asongna skang Sir Beatson Bell, Commisniener of Assam and Surma Valley re'bae Hon'ble Gongsin Marak, M.B.E. - ko salam kachengaha, uni ja'mano joljol sakgnikoba salam ka'mano jinma jakpako doke, Chairman, Garo

Hillsni Deputy Commissioner, jakchi chin dake darangkon asongataha.

## MEDAL PATANI MEETINGNA PANDAL RIKA

Garó Hillsni skotong Tura town-ni Kaehari gitcheam Bungalowni barandao pandalko rikaha. Nokingo tin gitalchi chali dake pindapa. Adita ro'e aro dal'e rikachim. Ua tin challni kokimao "Saibana" skangni Indlani Rajarangoi asongchakanl kosako pindapgipa pul dake kogimin tambuni ba'arako nitoe pindapachim. Pandalni ning'o asongchakna choki aro benchrangko sak ritchagnimangna chakna gita donmano, doktarangkoba manderangna asongna donsoaha.

Chairmanni asonganl lineo dal'dalgipa Officerrangna riting dake asongchakanrangko mikkango donachim. Uni mikkango jerangan Member of the British Empire(M.B.E.)ni titleko manaha, uamang sakgitamna donsoaha. Ua ge'gitam sefani chokirangko order on'e tarisoahakon. Gegitamkon apsan dake velvetni ba'rachl plndape dandanani janggilchipakba chuesa dakachim. Ua soffao rikam ge'gnio saksa jakrachi sakgipin jakasichi asongachim. Jatchlo Hon'ble Gongsin Marak, Mahajon, M.B.E.-ko asongatachim.

## MEETINGONA OKAMGIMIN MANDERANG:

**Skang M.B.E. uphadiko man'sogiminrangni:—**

1. Hon'ble Kkan Bahadul Md. Latif Meah, Mouzadar, M.B.E.
2. Hon'ble Janggin Sangma, Lasker, Nokma, M.L.C. M.B.E.
3. Hon'ble Gongsin Marak, Mahajon, M.B.E. Unan tuleko medal on'na meeti g ni mangsonga ong'achim.

**Chairman, Garo Hillsni Deputy Commissioner, A'chikku pe'timna Modhunath G.Momin-ko sesoachim. Una agreba gipin okamako man' giparang :—**

**Mongsonggipa Departmentrangni Officerrang jekal, Garo Hills Divisionni Divisional Forest Officer, Garo Hillsni P.W.D. ni Supervisor, Garo Hillsni Civil Surgeon, Garo Hillsni Schoolrangni Deputy Inspector, Goalpara Sub-Divisionni Sub-Divisional Officer, Dhubri Sub-Divisionni Sub-Divisional Officer. Missionaryrangni gisepe Dr. M.C. Mason, Dr. E.G. Phillips, Dr. H.W. Harding, Rev. W.C. Mason. Una agreba gipia Missionary aro Miss Sahebrang.**

**Mission M.E. Schoolni chatro chatrirangko welcome git aro Garland patanigltrangko Schoolni Staffna pal on'achim. Pilak toromko dilgipa Reverendrang aro pamong procharokrangkoba uanona okamachim.**

Garo Hillsni Nokma, Sardar aro Towno songdonggipa manderangko darangkon la tomao-na okamachim.

Dakrongbewal gita dingtangmancha meetingni programmeko chapa ka'e daksoachim. indiba medal patako man'gnigipa saengani gimln meetingko bakroe rajawa ine aganachim.

*Meetingko a'bachenge chu'soke matchotata:-*  
Chairman, Deputy Commissioner, meetingko a'bachengataha. A'chikku pe'timgipa Pa Modunath G. Momln Chairmannal aganako A'chik ku'sikchi aganskaataha. Pilakna skang M.E. Schoolni chatro chatrirang Welcome gitko ring'chenge, Assam aro Surma Valleyni Commissioner, Hon'ble Sir Beatson Bellko rimchaksoe jinma chadenge salam ka'manome'chik bi'sarang saakgitam pulni malako git ring'e Commissionerna pataha aro jinma jak-pako dokaha.

Deputy Commissionerna aganna cholko on-on, ua aganaha aro joljol dakna nanggni kamko dakangna skang military beguldar begulko sikataha. Unon Assam aro Surma Valleyni Commissioner Hon'ble Sir Beatson Bell chakate jinmani salamko ra'chakmano British Emplrenl Union Nishanko badalaha. Upl ja'mano jinma chakate "Raja Namgipako Tangbangchina" ingipa gitko jinmaan ring'manahaoa asengtokaha.

Pa Modhunath G. Momln Sir Beatson Bellal aganako A'chikku pe'timgipa ong'e uni sepango

chadengaha. Unon Commisloner indake a'ba-  
 chenge aganaha. "Anga Britist Emplreni orderko  
 Indiani Government-General Sir Andrew Clow  
 uiatskaako man'soaha. Unon orderko Hon'ble  
 Gongsin S. Marak, Mahajonko, una M.B.E. title  
 on'gimia medalko Britist Governmentni pal  
 on'na re'baaha.

Ua mande ra'a man'gipa member da'o an'-  
 chingni mikango sakgitam asonggiparangni  
 gisepo jangchio asonggipa ong'a. Unon mande  
 ra'ako man'gipa Gongsin S. Marak an'tangko  
 mesokna chakataha. Ja'mano uko asongatpilaha.  
 Assam aro Surma valleyni Commisloner, sir  
 Beatson Bell toromna gisik nanggipa ong'a ine  
 uina man'a malna ua aganna skang mislsonary-  
 rangoni saksako Isolo bi'ate, uni bilko bi'chenga-  
 ha. Indiba sawa Isolo bi'achim uko anga gisik  
 ra'jaha.

Commislonerni aganako A'chikku pe'-  
 man'o aro aganmane medal pate ua an'tangan  
 salam ka'aha. Hon'ble Sir Bell, Commisloner,  
 indane aganaha, "A'gilsak aro salgini Raja Kris-  
 to matchu nolosa atchiaha, ua darangni mitchi-  
 gipa blaposa atchiaha. Indiba ua matchu nolni  
 ning'o tuon salgini askirangko ale ulgipa Gonok-  
 rangoa Rajani atchiani blapke mesokaha. Unon  
 Isolini Depante Raja bakgitchakko nikbebeaha."  
 Ine Pa Mohunath G. Momin peskao jinmana  
 ulataha. Commisloner Saheb indake aganang-  
 kuaha, "India apalbegipa a'song ong'a uni gisep-  
 on A'chik a'songni A'chikrangko mande an'chi



ringarakgipa, so'otragkipa aro skla man'jabatgipa ine A'chik a'songko aro uno songdonggipa mande rangko chonke mitchle aganoba British Sorkari aa'tangni sona ronggitam dongako, 'un mitchigimin biap aro manderangni giseponikoa'gilsakna aro British Empire gimikna mesokenga' ine suubee toe aganaha.

Bon'kamao Commissioner indine aganaha. "Mande ra'a man'gipa Gongsin S. Marak, Bong Laskerni su'gipa ang'a ine anga knaaha, uni atchutang Bong Lasker Garo Hills gimikni Laskerrangni gisepo gisik gnangbatgipa aro Sorkariko mande ra'gipa aro sorkarini mande ra akoba man'batgipa ine blmungko man'aha. Uandake jekai atchutang uni su'gipa Gongsin Marakba mande ra'ako man'gipa ong'a aro uni gun aro mikkim rasong atchutangan sretja. Batesa uni deritchu aro su'ritchuna chasongni chasongna ripline mangrakgipa Sorkarini jakaltobegipa matgrik aro jakkaltogipa silchidare gita ong'china" ine aganchote uni sepangona re'ange chadengaha.

Unon amjaoba ua (Gongsin Marak) chakataha. Uni chakatmitingo Doctor aro Nurue uko rimkepe uko chadengna dakchakaha. Hon'ble Sir Beatson Bell, Commissioner jaktangchi Gongsin Marakni jakasini. Coatni ka'batko M.B.E. ni gamchatgipa medalko patmano, jaktangchi uko salam ga'aha. Commissioner au'tangan Gongsin Marakko rim'e uko chokiasongatna dakchakaha.

Jinmaba kusl eng'e jakpa doke rasongko on'aha. Unl bak tapan me'chik bi'sarang re'bae pulni malako Gongsin Marakni glitoko pate gitko ring'aha. Jinmaba pil'e jakpako doke rasongko on'talaha.

Gongsin Marak, an'tangna medal patmanani ja'mano amjaoba chakatna skake nika Doctor aro nurse rimkepe chakatataha. Gongsin Marak indine aganaha, "Sir Beatson Bell, Cammissioaer, na'a nang'ni gamchatbea somoiko koros ka'e, angnasu'ubea aro gamchatbea ku'patianiko on'an baksa medalko British Sorkarini pal pataha. Nang'ni duk ehake ia ga'nanggija blapona re'bae duk chakanina anga nang'ko mitelana agre ango mamungba on'pilanl dongja. Na'a jekal Bilakgipa isolni bilo pangchake ia medalko an'tangan rim'e angna pataha, u a n d a k e G i t e l bilakgipa janggni mukutko nang'na patsochina angni ska aro bi'a." Pa Modhunath G. Momin Englishchl pee su'ubee aganskaaha. Unl pe'skako matchotna skangan Gongsin Marakdo amjae grape asongaha.

*Chairmanni mitelpile aganani:*-Deputy Commissioner, Garo Hills, Tom'ani Chairman  
indine mitelpilaniko agana:

Skanglipae, Assam aro Surma Valleyni Commissioner, Hon'ble Sir Beatson Bellke an'tangni gamchatbea somoiko koros ka'e Turaona re'bae kamko chu'sokatahani gimni ua uko mitelaha.

Hon'ble Khan Bahadur, M.B.E. aro Hon'ble Janggin Lasker, M.B.E. Nokma sarderrangko aro manderangko didiate dakchakahani gimia ua uamangko mitelaha.

Gitangipao, Goalpara aro Dhubriul S.D.O.-keba tom'ao dongpae dakchakahani gimia ua mitelaha.

Brigipao, Garo Hillsul Head of Departmentul Officerrangkoba ua mitelaha.

Dingtangmancha Missionary Sahebrangko aro gipin toromni dilgiparangko ua mitelaha. Una agre uamangni schoolni bi'sarangkoba ua mitelna gualjaha ine aganchote ua tom'ako dontongaha.

Meeting be'aha. Tom'aniko matchotatna skang meetingko chu'sokatna kam Kadilgiparang leka gitachak rimit dakgipako petchoko tarle skoo stike re'baenba Sir Beatson Bell, Commissionerko aro M.B.E. sakgitamko de'mitele changgitam inchroaha. Una agreha Chairman, Deputy Commissionerna, Missionary Sahebrangna aro Schoolni bi'sarangna aro masterrangnaba changgitam mitelē inchroaha. Indako tom'aniko ga-subee matchotataha.

Ua tom'aniko chu'sokatna kam kadilgiparangara, angul gisik ra'a gita, townni dalgiparang ong'achim, jekal.

1. Singdon K. Sangma, 2. Narayan Peskar R. Marak.
3. Bilgan K. Sangma, 4. Stephen R. Marak, aro gipinrang. Una agreba me-chikrangba ja'nappaachim.

Uamang an'tangtangni tarigimin damarangkoba doke dame aro sika moanirangko dake M.B.E memberrangko Janggin Lasker, M.B.E ni nokchi dilangaha. Uanon uamangna chachini aro mistrirangko ale cha'at ringate watataha Turao medal patani tom'aniko 1920 bilsini Septemherni 10-gipa tarikni 12-30 bajio matchotataha.

Jinma re'bildangtokna skang Photographer-rang re'bae photokoba ka'aha, indiba photo ka'miting somiode angade bazarchi re'angahanl gimin photo ka'ako nikangjaha.

Atam 3-30 bajimango Chandmany playgroun-undo bi'sarangna susaaniko dakate boksirangko sualaha. I

Chingni dolba sagipako uni palkio Chandmaryona de'ange sagipa mamani dressko oke bodole nengtakna on'aha. Aro cha'anirangko tarle sagipana on'aha. Atamchibora 5-30 bajini somoimango Babu Binoy Bhusan Roy. Doctor, Civil Surgeonni watatani gimin re'bae ramaona chu'ongna gita samrangko donangaha, aro ua an'tangba ka'tongrangko tape on e adita dongtoataha.

1920 bilsini September jani 11 gipa tarikni 6—30 bajio chinga Gongsin Marakko songchi re'dilpilna tik ka'aha. Matchu gari ge'gniba Pentu Nepalni noksamo matchuko ka'e jeng rate on'e sengengachim.

Atam chet adha bajimango Assamo aro Surma Valleyni Commisssiner, Sir Beatson Bellkko, uni personal Secretaryko aro Boro Sahebko Hon'ble Janggin Lasker, M.B.E. mi cha'china okamenga ine knasoachim. Gongsin Marakkoba ua alaonaokamatachim indiba saengani gimni re'angna man'jawa ine an'tangko alaona okampaanina 'mitele sechakataha. Khan Bahadur Mahmud Latif Meah, M.B.E.-koba apsan ua atamo okampaaha.

Uni ja'mano police saksa Commissonerni re'pilangani programmeko aro chitiko ra'e Gongsin Marak, M.B.E.-ona re'baaha. Commis-sionerni chitio indine seaha. "Nang'ni an'senge sokpilanganiko knana anga kusi ong'bogenchim." Unon Gongsin Marak chitiko mane depante Rameswar Sangmako okamataha aro chitiko una on'e maiko sea ine pagipa singaha? Depan-tegipa chitiko ra'e "Nang'ni an'senge sokangpil-aniko kana sikgenchim ine seatade, baba" ine A'chikku pe'e aganaha. Unon Gongsin Marak, "Ja'mano songona soke aganchakna man'gen" ine agane chitike aro programmeko bakese chilpe donaha.

Atamo tusina skang Townni me'aparang Gongsinko gongrikna re'batokaha. Uamangoni Pa Jaran Marak, Jasin Dobasi, Narayan Peshkar. Bon'kamao Khan Bahadur Latif Meah. M.B.E. aro Janggin Lasker, M.B.E. uamangna agreba gipin baburangba bang'en re bae nieaha.

Gongsin Marak salgimik aro walgimik mamung bilongdapani gri walko re'atna man'e kusi ong'aha. Pa Gongsin Marak, M.B.E. Rameswarko aro angko okamani gimn chinga unl sepangehi re'ange maina ine singaha?. Unon Gongsin Marak an'tangni suitcaseoniko tangka ritchasako bikote depantoni jako on'aha. Un baksama bostunl listiko on'e Abdul Gaffar Mahajonni dokanoniko bi'sarangna bosturangko ra'cho ine chingko ge'etaha. Chinga re'angna skang ua chingkoba "Maikoba ra'genma?" ine singaha. Indiba chinga Turaoniko ra'jawa indiba Mymensinghoniko ra'gen ine aganchakaha. Chinga unl ge'eta gita bi'sarangna ehola ba'rako tike ra'manoa nekchina biscuitrangkoba chu'onga gita ra'aha.

## BAK XVIII

### TURAONI BAGHMARA SONGONA RE'ANGDILA

1920 bilsini Septemherni 11 gipa tarikni  
pring 6—30 bajo chinga re'ronga gita matchu  
gario ge'guiko ra'e Turaoni Garobadhaona re'  
soaha. Indiba palki ripegipa aro Bodel Sangma  
kode ja'man donbae 8 bajimango re'bachina  
agane donbaaha. Chinga Damaigriona pringni  
chikung bajimango sokaha Uano chikung baji-  
mangni ja'mano chinga mi cha'mano sagipako  
ripebagiparangba sokbaaha. Chinga sagipana  
tarisogimin cha'anirangko on'e uko bungalowo  
neng'takataha.

Kulirangko mi song'eeha'china aganon uamang  
mikode song'e cha'jaha indiba rongchu aro cha-  
tuko chi dim'e kari jalik baksa cha'aiaha.  
Chingade Bodel Sangmana esale sae donsoaha.  
Uko uaba ehingni ja'mano cha'rikaha.

Chingade uamangni cha'e neng'takmitingon  
Garobadhaona re'sotaiaha. Indake chinga 3-30  
bajimangni ja'mano Garobadhaona sokeaha.  
Kantasamangni ja'mano palki ripegiparangba  
Garobadhaona sokbaaha. Uni ja'mano chinga  
re'angkuna sikjaha malna sagipa neng'ani gimin  
ma'amachim. Ja'mano chowkidar am'bolrangko  
chingna on'aha aro chirangkoba ko'e on'aha.  
Uni gimin chinga walna skangen song'a chanako  
matchote neng'takaha, Indake walgimik mam-  
ung a'sel gri un waloba neng'takaha. Indake wal-  
seng'aha.

1920 bilisni Septemperi 12—gipa tarikni  
 pring 6—30 bajimango re'onga gita chinga  
 sakgitamde matchu gari ge'gniko ra'e Manka-  
 charona re'soaha. Nokchi re'pillengako uie  
 matchurangba taraken re'ani gimln cbingade  
 Khan Bahadurni Kacharlona sal bang'en sokaha.  
 Ja'mano pelki ripegiparanga 4 bajimango  
 sokaha. Indake chinga kachario neng'takaha.

Matchu gari ge'gnini nokgiparanga Turao  
 walsa waltuanl gimln sakprako gongchigniko  
 bi'ani gimln on'aha. Aro uamangba kusl ong'-  
 beaha.

Wachikari ong'e chi adita dal'engachim.  
 Mankacharo donggipa Forest Departmentni Offi-  
 cer mamako uie ua an'tangni Departmentni  
 Patrolling Ringko chingna on'atahani gimln  
 chinga un atamon re'na chanchlaha.

Nok nokgipa Khan Bahadur Latif Meah,  
 Mouzadar, M.B.E.-ba watatna skani gimln  
 ringko sepangona ehobaataha. Ringko tinchi  
 nokking rapa,bera toktachi dim'ani gimln namen  
 dongtobeachim, aro agro balwa nangjachim.  
 Ringona pilak bosturangko ra'baman'o ringni  
 majirangba sakbrian re'bae ringko ka'sne ki'me  
 pe'e watonataha. Bahadurabad chobatrunggipa  
 ghatona ehinga walaagengpition sokeaha.

Konanl biaprangkode majhirangan biap-  
 rangko uiani gimln silmsake watonate ringko



ra'baachim, A'selde ringo re'ronggiparangko basako basakobade dakait dakrongachim, u gimin simsake chona nagao ga'aka.

Calcuttaonl re'bagipa passanger garl pring 8:30 b'jiosa Bahadurabad rail stationona sokba-ani gimin chinga uano sengsoengachim. Chinga ringo ong'engpitlon pringni cha'anfrangkode darangan cha'manaha,

Ringoni pilakbosturangko stationona ra'ange sengaha. Station Mastero First Class kuturi dongama dongja ine sing'on dongja, indiba second class kuturikode kuturisa man'gen Inanl gimin uko book ka'e reserve ka'aha.

Ringni sakbrl majhirangna sakprakna gong 10/-ko on'ataha aro unbaksana uamang rongchu ra'e cha'angchina uamangna gong 5/-koba on'dapaha. Telegraph ka'na man'genma ine Station Mastero sing'oa man'gen ine aganaal gimin songchi Baghmaraon ring ra'bachina ka'ataha. Septemherni 13-gipa walo Netrokonaona ringko ra'bachina Ringjao Marakna telegraph ka'ataha.

Indakmiting somolon ferry gahato passen-gerrangko chobatbaengaha. Passengerrang garlo gakatman'on rail somoi gita 8:30 pringo Mymensinghona re'chakattha, Indiba Netroko-naona joljol re'gija u gariko bodole Mymen-singhona 2—30 atamasa re'chakattha sengaha.

Mymensingh Stationo chingna First Class kuturiko tik ka'china Masterko mol'molaha. Aro indake Netrokonani line tik ka'e tikitko ra'e donaha. Tikitrangko ra'e bosturangko rikae matchotmanoa, uano sling'ram kuturio sengaha.

Sagipa mama Gongsin Marak Turao on'na agangipa tangkako chinga sakbrina sakprako gong kolgrikko on'e skatangtangko brechina watataha. Mamako nitmsochina chinga Jlingreng Sangmako donangaha. Unaba tangkako on'aha. Ua an'tangna cholako brechina tangkako on'ataba. Uni gimla brebae glitchara tangkako una on'pilaha.

Sagipa Gongsin Marakko Turachi ripeang-gipa Oria kuli sakdokna tik ka'gimin tangkako on'e watataha. Indake uamangde uanon dong-rikaha. Indiba palikode songchi ra'e re'angaha.

Chinga mamao bi'e an'tangtangni namnika bosturangko breba Mymensingh townni bazarchi dokan rangko am'ange brebaman'o mamani seng-soeng gipa kuturiona bakan re'apilaha.

September jani 13-gipa tarikni 7-30 bajlo chingni gari Netrokonani re'chakatango uanoni statimona 10 bajlo walo sokeaha. Jajong nam-beani gimla chingna chebagiparangko nika niatachim. Indake ringko uamangba gari sokbaani bakan garlona re'bae nle chingko ringona rimange bosturangkoba ra'angtokaha.

Chingni ringo patromaxko so'ani gimln  
 namen niksengsrangachim. Ringona sokon mama  
 sagipade an'tangnade mamungkoba song'na  
 channa nangjawaha ine aganaha. Una agre  
 ring chogiparangba an'tangtangdesalon song'e  
 cha'bamanaha ine aganaha. Uni gimln chinga  
 sakbrlnasan Ringjan Marakko ringo song'ataha.  
 Uamang ringo majhirangoniko na'tok bi'ame  
 ra'bagiparang bang'a ine na'tokrangko mosla on'e  
 song'ataiaha.

Ringjan Marak ringko ka'sne badam ping'e  
 wate chona ine mamao sing'aha? Unon ua  
 "Na'simang chiramako nikgenma, aro ringko  
 rakkina man'genma" ine slogaha. Unon uamang  
 chiramakoba nikgen aro ringkoba rakkina  
 man'aigen ine agane balwa name baldoengani  
 glmn ringko badam ping'e choangaha.

Salgio jajong namen ga'sue teng'engao  
 Netrokona aro gipin songrangoni chisamjolni  
 mandeBangalrang ring dala aro chonarango "Bai-  
 tal" gitrangko dotra doke, aro sarendra sale  
 ka'srok ka'srok ringtangtangko badam pinge  
 choange Bongni antiko cha'na chosamsoangenga-  
 chim.

Uamangko chingaba grongaha aro uamang-  
 ba chingko gronge ringo sawa donga ine  
 sing'aha. Uamangna chinga Baghmara Bong  
 bazarni Gongsia Mahajon ine aganchakaha.  
 Unon bang'an ulenba, oh, ua Mahajonma ine  
 blmung mingsrange sing'aha.

Unon uamang "chinga ua Mahajonko uia aro chingaba ua antiko cha'na re'angenga. Chol ongode chingaba antio grongbagen ine agano" choangaha.

Ringo saenggipara angni mamatang gipin-rangni pagipa, wangipa aro adatang ong'e una glsikode duk ong'chaka. Indiba dukko dondapeba bi'su panteni sal somoiko maika walo ringo jajongban teng'engo darangba ka-srokchakgija dongnan man'jawa.

Anga da'o budepachlbara ua sal ba somol-rangko nipilate glsik ra'e ka'pake mikchi rakja Uandake darangan re'anggimin sal ba somol-rangko gualna man'jawachim.

Chlkong gitammang badeangmano Ringjan Marak depante nanga Rameswar Sangmako are chingko okame mi cha'china aganaha. Adita walba waltingahani gimin ringko badam wate nltimgiparangna agre darangan tusidapaha.

De'mesaani gimin mikrakoa mi okkriako glsik ra'e chakate chinga sakbrian cha'aha. Chingni cha'mano gitchaako ring choglrarangba cha'talaha. Sagipa mamaba gario re'baa neng'ahakon tusidapaoni chlogni mi cha'manosa mikrakaha. Unikoa ua jonggipa Ringjan Marakko okamaha. Uoon Ringjanba maina okama ine ku'rachake ring kosakoni sepangona re'baaha.

Gongsin Marak, "Na'a ring choengama?"  
ine singaha.

Ringjan, "Darangan chokujaenga, malna  
balwa name balenganl gimin badaman choll-  
baenga aro angade da'osa bl'sarangna mi song'a  
mine, on'e matchotaha."

Gongsin Marak an'tangko ja'a nol'china  
Ringjanko aganaha aro sakgipinko chi ding'ako  
roboro brae ra'bachina aganataha. Adltani ja'-  
mano Gongsin Mahajon Tewil Sangmako okame,  
tusina skode badiaba uigipa mahajonni songni  
ghato tudilchina aganaha. Nama biap aro  
ghatona sokbahaon anga agangen ine ua ringko  
badamchi choangaiengpitichim. Chingade sak-  
brian mi cha'mano ringni kamachibara sroksrok  
cigaret ringe guerangko chaengachim.

Balwa name baldoe on'engani gimin darang-  
an ringko neng'e chona nangjachim. Unbaksa  
samtangtangchin Bengalini ringe doka dama  
aro gahon ka'ani gimin aro jajongba teng'ani  
gimin tusina sikja ine chogiparangba aganachim.

Kurmakanda Satyan Saha Mahajoni songni  
ghatona sokon seng'naba ru'utjaha. Unon  
Ringjan Marak an'tangni ripengrangko tusigen-  
ma ine singaha. Wal seng'ahaode balwa bikple  
balonode an'tangtangan nengbatgen ine tusina  
joljol balwa baldoenga dipet chesrangangen ine  
ringko watdoatangaha.

Durgapur Shusungh Maharaja Bhupendra Chandra Singha Bahadurni Rajdhaniona sokon seng'na skanggipa do'o gisikaha. Unoni adita choangon wal seng'srangaha.

Rajani mondirni dal'gipa kantarangkoba rengtengataha. Mosulmanrangni Masjidoni 'Namaj-na Muulavl Minareto chakate chrike okamatengaha. Unon 1920 ni Septemberni 14 gipa tarikni pring 5 bajimang ongaha.

Da'o balwaha wal seng'ahaora balonenba badamko watna cholijajok aro darangan kewal (boitatangtango) ra'e bil on'e chona nangaha.

MAHARAJA BHUPENDRA CHANDRA  
SINGHA BAHADURNI RAJDHANIONA  
SOKA.

THANANI DAROKA ARO  
POLICERANG.

Durgapur Thanaona sokon Thanani police-rang Daroka baksa posak gane chisamo salam karikna chadengsoengachim. Uko chinga mamana aganon, uaba ringni tokta kosakona ongkate, easy choklo asonge ringko chisamchipakna choe kapaha. Unon Police aro Daroka salam ka'aha.

Gongsin Marak Darokako jakjipatani gimis ua joljol ringona re'bae sokbaaha.

Gongsin Marak, 'Angni an'senge sokbapilani glmn Assam aro Surma Valley ni Commissionerna na'a telegraphk ka'atna man'genma?' Ino singaha.

Daroka, "Man'gen" ine aganchakaha.

Gongsin Marak an'tangni suitcaseoniko telegram formko bikote uko Darokana on'aha. Daroka ka'mao gita telegraph ka'ani katarangko seaha.

"Commisloner, Assam & Surma Valley,  
Shillong.

Arrived home safely on fourteen.  
Gongsin, M.B.E.  
Baghmara.

Daroka an'tangni segimin telegramko poraie mesokmano, Gongsin Marak uni jakoniko telegraph formko ra'e uno an'tangan soi ka'aha aro telegraph ka'ani rositko Baghmaraona dakchi watatchina aganaha.

Ja'mano telegraph ka'na Rs. 5/ko Darokana on'aha aro gong sotbongako Thanani staffna cha ringchina boksis on'e uko salam ka'e watataha.

Pangna song'rong chanronggipa Ringjan Marak chankol ge'gnlo wa'al so'enba sagipa mamana uni cha'anirangko song'e chane tarie pringni cha'aniko on'aha. Jinmana song'man chanmano jlmaba bodol bodol cha'aha.

Badam watna choliyaha maina balwa chi ka' machi balonaha. Uni gimn rago mande badita

donga kewal donga kakket bilake ehona nangachim. Cha'a ringa matchetman'o darangan ta'rake choe Kulagora Sankar Sagini songona sokaha.

Gongsin Marak jongtang Ringjanko okame ringko joljol chona aganaha. Bijapur Ranikong songona sokon sa ba gni bajimang ong'aha. Unon Gongsin Marak jonggipa Ringjan Marakko okame chako dake rongchu baksa ring chogiparanga on china aganaha maina chi tarakani gimia ehogiparang namen neng'achim.

Mani dedrangko rime antidamni ghat ka'maona re'chamchake ringko nichaksoengachim. Uamangna agreba mamani ma'drang aro songui me'apa me'chikmarangba antidamni noko niso sengsogiparang bang'achim.

Aditani ja'mano antidam ghatona sokeaha. Gongsin Marak ghattangona sokahaon jik dedrangni re'chamchake kusi ong'e nisoengako niko namen kusi ong'aha. Jikgipa uko ghato rimchaksoaha aro uni ja'mano jikgipa Gongsin Marakko jakaschi rim'e aro jakrachi jonggipa Ringjan Marakko rim'ate ringoniko chi ghatona dokta anani kosako jakkindile re'dilangaha. Unikoa uni ra'bagipa palkio ba'ra andape uni ning'o uko asongate uni gadangni nokni kosakni kuturiona de'angaha. Gongsin Marak barandani sepango uni turongakuturini palango tarle andape donsoa blapo asongcheng, adita neng'take antangni posak aro medalko sitee donchina aganaha;



maina Turachi reangna skangan bang.a manderang posakko aro photoko nina dekho ka'ani gimin indake donchina ge'etaha. Indake pesakrangko aro photorangko mesokjojoara an'tangko rasong chae gaora de'a gita daknika ine ua aganaha.

Gongsin Marak indakeba aganaha, "Pi'sara angaba a'songni angde angusa. Uni nimia angni atchu ambi ba pa gachirangba angni la uphadiko man'ako nike rasong chapana skakon ine ua chanchia maina chanchlode je nama bite, uade bipangonisa bite ong'ani gimin an'tangde rasong chaani ong'ja uni bipang ba bolonisa bite ong'ani kimin uni pa-gachi, atchu ambina ua rasongni rengsi ong'na krara, an'tangsan rasong chaani ong'ja ine angni dukko ritchengata."

Pa Gongsin Marak indakeba agankuaha. "Angni la uphadiko man'ara, mlkkang chasongni desudrangna 'NISAN' ong'chima angni chuna skani gisik nae, angni dakmesoka Nisanko nie, saobade, badiada chasongode chu'sokgipa ong'gen."

Pa Gongsin S. Marak, Mahajon, M.B.E. an'tangni posakko chu'gimik gane, aro medalko ka'bako pote aro uni gamchatgipa agarni gol-dikko ra'e photo ka'aha. Ua photoko Turao una M.B.E. ni medalko on'na tom'ao ka'ahakon, maina anga an'tangde bazarchi re'ange uke photo ka'akode nikpajaha indiba atamsao ua photoko frame tarie ra'bae on'eako nikaha. Ua photoko manderang nina bi'rongahani nimin an'tangni skopango donggipa tableo donachim.

## BAK XIX GRORANGKO CHOTPILNA JOTON KA'A

Pagipako medal pataona Turachi dilange songona sokbapilani ja'mano Baghmarao adita salrangna dongangkue Rameswar Sangma mamani depante jakra, an'tangni ba'ra aro leka ki'taprangko Calcuttaoniko re'ange ra'ena ine pagipao bi'aha. Pagipa Rameswarko Calcuttachi re'angchina wataha indiba bakan re'bachina aganaha. Gongsin Marak Calcuttao an'tangni malrangko palani tangkarangkoba bang'akon man'bakujachim, uni gimin ua tangkarangko am'e ra'bijolchlnaba ua depantetangni bimungo chiti see on'ataha.

Ua somoio Post Master Rongding Sangmaba mamani saako nina re'baachim. An'tangni malrangko palani man'kugijagipa tangkarangko depantegipa Rameswarni jako on'atpachina Calcuttao donggipa mahajonrangna chittiko sechina Gongsin Marak uko mol'molaha. Mahajonrangni bimungrangko sult Caseoniko bikote Rongding Sangmana on'aha. Un salon Rameswar Sangma rama korosna pagipani on'a tangkako man'e, Jaria Jhanjail Stationona cycleo re'angaha.

Turaeni sokbaani sal gitamni ja'mano Gongsin Marak an'tangni Sarkar Jogabandhu Sahako antidame donggipa nokona okamataha.

Jogabandu Sarkar re'bae, "Malna okama Mahajon?" ine sing'aha.

Gongsia Mahajon, "Anga apalni mahajonrangna sana badita gro nanga, aro a'ronggani ring breani damko sana badita baki dongenga, uarangko amadipet chottokbo. Groko chotani salo angona rimbac dolil searangko angna mesoke chotmano uarangko chite galbo. Tangkako nangode angona re'bae bi'e, angni mikkango uarangko chotbo," ine mol'mole agana. Indakeba ua agankuaha, "Jerangna gro nangachim, uarangko mande watate okamatbo. Anga bang'a bojarangko ra'e re'angna sikjaenga" "Unon uni Sarkar saksa Bakta Kanta Hajong jara dake, "Aponi ki aro Kolicata jaebar chae?" (Na'a Calcuttachi rea'ngtalna amengama?) ine singaha.

Unon Bara Sarkar Jogabandhu uko manenge aganaha, "Tumi kotato bujhenai." (Na'a katakon ma'sisrangjama.)

Indake Gongsin Mahajon an'tangni gpinrangna gro nanggiparangko bakbakan chotangaha. Indiba dongengkua ine agana. Gongsin Mahajon an'tangni Sarkarangna Indine ahanaha, "Anga dongjaoba na'simang angni nokdangko watgale katpanabe malna angni sompoti gimikan sea jota, dolil potrorangosa uarangko masirikgipa darangba dongkuja." Aro songsarni bewal gitaba nokni chawari nokkromba dongja. Depanterangba gisik nabalok dakatengpiti, gisik brikuja." Iako aganmanani ja'mano Gongsin Marak jajrenganiko mesoke sintie grapaha.

Mahajonni grapako niko uni sarkarrangba duk ong'e grapaha. Jogabandhu sarkarde ku'simangba namen ro'achim. Uan an'tangni Mahajonko indake agane ka'dimeataha. Aponi aponar saltor poke etto chinta korbenza, kenona Bhagabaner samne ei priti'biti konota oshaldha nai" (Ia a'gilsako Isolni amgljani mamungan gri). Indakeba ua agankuaha, "Bhagabaner asirbate, hote taka poisa ache jokon, chesta koria dekte hobe." (Isolni patiana jako tangka palsa dongara donga, uni gimin joton ka'e nina nanggen).

Uandaken ua Sarkar ku'simang antignini glsepo nama nama Kaviraj, Doctorrangko aro dam rakani samrangko bree ama dipet joton ka'aha, indiba mamung komibatani cholko man'jaha, maina uororo so'ok gusu (T.B.)-ni rogi-rangko namatani samrangko name man'kuja-chim.

Pa Gongsin Marak an'tangni gipinna gro nangarangko chotna joton ka'engako chanchion, uarangko mandenasan gro ong'ja, indiba Isolnaba gro ong'a ine chaanchie an'tangni bebero'enggipa Isolnaba gisiko kena gnange, ua bebo ra'atangkoba gualkuja ine ma'sina man'a.

## PA GONGSIN MARAG GISIK PIL'NA A'BACHENGA.

Anga atamo nul tusigipa palangni sepango asonge magazine kingsako pora'engachim. Aro uni jikgipa Rameswar ma'gipaba ja'chokchi ba'ra

patanio gate ba'rarangko tem'e tariengachim aro  
gisepo nok gadanggini kosakoni babilsichipak  
nionate bisarangko maneogatangachim.

Anga mamako nie, "Na'a da'alde namen  
dongsiksakbeenga" ma ine singaha? Unon mama  
Gongsin Marak, "Na'a maikoba angna aganna  
chanchiengama?" ine angko sing pangpilaha.

Anga mamana aganaha, "Na'ara mamatang,  
angara gritangsa maiko agane angara  
rangko ka'dimeatgen." Indiba angui nang'ni  
gisikoniko uina skade, "Na'ara gipinna  
gro nangarangkode chotangna skode, man-  
derangna nang na badits on'na nangskaachim,  
uarangkode na'ade rikangskajawama?" ine anga  
sing'aha. Unon Gongsin Marak, "Uamang  
angna ja'mano ka'sne chotgen. Indiba angui  
grorangkara gipinde chotna gisik nangjawaha.  
maina angara be'en an sengjabatroroangenga,  
UNI GIMIN MANDENABA GONGSIN-  
NABA GRO DALA" ine ua an'tangni  
gisikni ning'tua dukko parake angna agan-  
chakaha. "Isolni grode tangka polysarangsang  
gro ongja, na'a mama, mandeni rokomari  
gualarang aro geetarangko pe anirangba gro-  
de, mama" ine chinga mamasa, gisikni  
ning'tua katako gisikni ma'sigrikna skako tala-  
tengachim. Unon mama Gongsin Marak, "Ukoba  
anga gisik ra'enga, nang' mantang saksakema?"

Anga rang'san gisiko kena aro kratchaa  
gnang "Angade ukode miksongjachim' mama"  
ine kema bi'ani ku'rang gnang aganaha.

Gongsin Marak, "Na'a uko miksonge agana  
ine anga nang'ni kosako chanchikuja, Suren"  
ine antangan dalko ra'aha

Pil'e Gongsin Marak, "Indiba ua mingsa  
dalbatgipa gro, angko jribatatenga" ine an-  
tangan parake agane, "Angade ukode da'ode  
watsrangaha" ine angna parake aganaha.

"Indide ua jribatgipako ritchengatnara  
darangoba ong'ja, ua nang'on ine anga agan-  
naha.

#### PA GONGSIN MARAK MONDOLINI PRAYER MEETINGKO OKAMA.

Unon angko mi chachina babilsichi okama-  
taha. Anga mamao mi cha'chengna ine bi'aha.  
"De, cha'chengbo, tango na'a cha'a matchote,  
nang'ni manini re'bao agangrikna" ine mama  
angko mi cha'china watataha. Anga mi cha'na  
asongaha. Unon mani, 'Na'song mamasara mai  
katako ra'e jegrikbeenga?" ine angko sing'aha?

"Anga mi cha'chengkuna mani, anga mi  
cha'mano nang'na rongtale agangea" ine miko  
cha'chengsrangaha.

Daraagan mi cha'e nokona gadoaha. Mani-  
ba cha'e nokona gadobaaha.

"Na'aba cha'e nignokma?" ine mani saeng-  
gipa segipako sing'aha.

**“Ra’bae nibo”** ine saenggipa segipa aganaha.

Indake una mlko aro nangarangko ra’bae on’enba tarie matchoton, segipani sepango asonge tampiko gijipchi riktime on’e cha’ataha.

Cha’mano mama biaptango adita asonge, ‘Nenga” inenba biaptango tugitilaha. Anga uni sepangona re’bae angni poraienggipa maga-zineko jako ra’bajole a’songaha. Maniara jako gijipko ra e gisepo tampiko rikatangachim aro gueko den’e cha’jolengachim. Angnaba gueko toke chagenma ine on’ataha. Mamaba jikgipao elatchi rongsa bi’e chobaie roaha.

**“Da’sio angni nang’na agangipara jrlbatako ritchengatuara darangoba ongja nang’on** ine agangipa katara na’a Mondolini pryer meetngko atamo okamon pilakko chu’sokatna man’genchim inesa mangsongachim” ine anga una aganaha.

Mama Gongsin Marak, **“Mondoliko okame anga gisik katako aganboma?”** ine an’tangan parake aganaha.

Pile anga **“Nang’osa ine angni aganmitapgipara uan ong’a Na’a uko matchote aganchinasa anga mangsongachim”** ine aganaha.

**“Indide Pamong Iojeng Sangma, Promila pagipana chiti see wagesikoniko okamatchengboma”** ine anga mamao hukumko bi’chengaha.

Pa Gongsin Marak, "Salara mai salo nambatgen?" ine singaha.

Unon mani Rameswar ma'gipaba gisiko kusi ong'ako mesoke salde Sonibar salo nambatgen ine aganataha. Pa Gongsin Marak, "Pamong re'baon jekoba tik ka'na man'gen" ine aganaha.

Anga leka sadako ra'e chitiko see pante saksako watate Pamong Injeng Sangma, Promila pagipako rikangataha. Ua somoro pamong noktango dongjachim. Rikanggipa pante uni nokona re'baako sengsoe kontasa adhamangni ja'mano Injeng Pamongko rime mamani nokona re'baaha. Pamongna choki ge'sako ra'bae sagipani sepango asongchina on'aha. Mamani sepango Pamong asonge, Namkalmangjama?" ine sing'chengaha. Unon sagipa mama, basakobade on.tiprak komia, unikode uan apsan gusutaiaia. Gusubaon bilongtara ine aganaha.

Nangko okamatara samiting kakket na simangakoba bi'sarangkoba nikgija ruutjok, uni giminsa niknabn sikaha. Minggipin Mondolini bi'ani glljako atamo ka'pana namnikgenma, ine sing'jolnasa okamataha. Aro angara gllja nokchl re'nara man'pajawa inesa noko prayer meetingko ra'e gisik katako agannara chol ong'genma ine anga mangsongachim ine an'tangni mangsongako parake agane gisikni sinteako mesokaha. Injeng Pamong "Jeko na'a mangsonga, ua gisikko naatgipara Isolul ong'a Aro je



blapoba na'a an'tangni gis'kni katako agane Isoloniko kema bi'na man'gen, ine Satrooba agana. Salde ka'ronga gita Sonibar salen nambatgen. Da'al jinmani Brihospotibar salni gilja donga, anga da atamo giljachi re'ange jinmana aganatgen" ine aganaha.

Pa Gongsin Marak jiktang Rameswar ma'gipako okamataha. Jikgipa bakan re'bae an'tangko okamatani a'selko sing'eaha.

Pa Gongsin Marak, "Boning Pamongde giljachi joljol Baghmarachi re'angna am'enga, meatamko bakbakkale song'e on'atbo, maina nokchi re'angode salnibegnok" ine agane miko sengo cha'angchtna aganaha.

## BAK XX

### GONGSIN MARAKNI NOKO MONDOLINI BI'ANI GILJAKO KA'A.

Salgnini ja'mano Sonibar sal ong'aha. Unon Pamong daksa tik ka'gimin gita, Baghmara, Wagesik, Rangdokram aro Jongkolmung anti-damni me'apa me'chikmarang aro pante me-trarangba Prayer Meetiagona Pa Gongsin Marak-ni antidam nokona re'batokaha. Dabitbibra songoniba Prayer Meetingona re batokachim ine ja'mano koborko man'aha.

Manderang soktokmanahaon meetingko a'-bachengna Pamong gitko ring'ate an'tangan Isolo bi'chengaha. Prayer Meetingko ra'ani miksonga-aniko nokgipa aganchina somolko on'aha. Unon Pa Gongsin Marak an'tangni turam palango asonge aganaha. Bi'ao jan'pe bi'china uni agangipa katarangara larang ong'a:—

Uni Turachi re'angani somoio uko chu'soke dilange kamko matchote songona dilbapilani gimin Isolko mitelchina;

An'tang atchiram song Sijuchi re'angani somoio ma'drangko grongna cholko on'pachina Isolo bi'china.

Uni be'eani an'senggijarangko Isol namnika ong'ode an'sengatchina Isolo bi'chakchina.

Una agre Pa Gongsin Marak an'tangan songsaro janggi tangmiting salrango Isolni ge'et-

aragoniko pe'e gualé dakgimln dosrangko ua ku'rachake Isolba, mandena aro Mondolina don-nugija ku'rachake knachakpae kemako bi'ani-koba parake aganchote an tangan Isolo bi'aba.

Pa Gongsinni gisiknikatako aganman'o bi'ao pangchakna gita Bethsaidani pokrio chini momitingo biati man'gipa Manderangni an sengatako man'na sengtimenggipa Sastroni bakko Pamong poraie skiaha.

"An'sengna skoba sagipa mande an'tangde dakchakgipa gride pokrini chini momitingo ong'onange uko dangtapna amgija gita an'chingni pagiparangoni saksu an'tangni gisikni biatiko parake da'o Mondolini dakchakaniko am'engako an'ching knaaha. Uko ra'chake Mondolio ra'nappilna namnikode agauchina da'o Mondolina pakwatskaenga".

Bang'a me'aparangan ra'chakna kusi ong'e aganaha. Uni ja'mano jinmaba namnike ra'chakani chin jakrani jakko songaha. Unikoa Pamong, "Mande jeko wata, uko Isolba wata" ine aganmanani ja'mano, nokni nokgipani agangip-katarangna b'chakchina janapaha. Uarangna aro gisikni dila gita bi'chakna Mondolini Secretary baksa me'aparangoni ripeng saksako donate bi'chakaha. Pamong tom'ako dontongna gita git No. 315 ko ring'ate saksu ripengko Isolo bi'ate tomako dontongataha. Uni ja'mano Pa Gongsin Marak an'tangde bang'a sal ba somoirangon Mondolini kamrango dongé kamrangko

ka'pana chol ong'rongjani gimin uni kam ka'-  
 paani pal gita ua tangka gong 500/-ko Pamongni  
 tableo Rameswar ma'gipani jakchi Mondolina  
 on'aha. Pamong ua tangkako Isolo bi'e mitele  
 ra'chakaha.

## BAK XXI

### SIJU SONGMONGKO ARO MADRANGKO GRONGNA RE'ANGA.

1920 bilisni September jani bon'kamgipa antini sal matchotao Pa Gongsin Marak uni okamronga gita 'Sua' ine angko okamaha, maina anga ua saloba uni sepangochim. Anga uni okamako knae uni sepangchi re'angaha.

Pa Gongsin Marak, "Atchiram Siju Song-mongko aro madrangko grongjola gita, hai angko re'ditaibo inesa angade nangkoba aganengachim."

Unon mani Rameswar ma'gipa, "Re'anggipa antion an'sangni kusa Ringko Durgapurchiko ra'doechina aganahachim" ine aganaha.

"Da'o ua ringa dongjama?" Ine anga sing'ataha. Pa Gongsin Marak, "Ringjano sing'bo" ine aganaha. Kusa ringni gimín mamatang Ringjano angni sing'oa ua ringkode mal gate Durgapourouiko unsalosa Bajaram Majhi chodebaenga ine aro atamosa sokgen ine ua angna aganachakaha.

Bajaram Majhi Mongolbar atamo sokbae Mahajonko grongeaha, aro ringni bhara gong kolgrikkoba Mahajonna on'aha. Ua tangkako uni jikgipa Rameswar ma'gipa ra'chakaha.

Gongsin Mahajon Bajaramko okame ringni bhara gong kolgrikko katao see rakkichina aro

tangkakode Mahajono dakil ka'aha lne Sarkarna aganchina ulataha. Bajaramba Indake dakna ku'rachakaha. Unl ja'mano Gongsin Mahajon Kusa Ringko name tarle su'srangchina aro badam grinarangko sikchina geetaha, maina ua sal-gipinni pringon chongmotan Budbar salo Sijuchina re'na tik ka'manahachim.

## PA GONGSIN MARAK ATCHIRAM SONG SIJUCHI RE'ANGA.

Atame Kusa Ringko su'srange badam grinarangko sike tik ka'e ghatona chobaha. Uanon Majhlang an'tangtangba songe cha'e tukamaha.

Budbar pringo 'Gongsin Marak Ringjan Marakko okame merong mechu aro ba'ra kancharangko ringo gatchina ge'etaha. Mani Rameswar ma'gipa song'ani chanani merong mechu aro ba'ra kancha aro nangarangko dingtang temenba ringona ra'angchina ge'etaha. Aro pil'akkon matchetmanoa, sagipako olrongipa chokio ringona rimangaha.

Budbar pringo 8:30 bajimango Baghmaraoni chochakate 10:30 bajimango Goka Songona sokaha. Song'gimla ml bijakrangko ra'doe manini abitangmangni neke cha'aha. Uane adita neng'take Rongru A'simona badamko wate choangaha. Uano Genggot Nekmani lebu bagano lebu akatako ra'e re'baaha.

Unoni loljol badamko wataton balwa namekai baldojani gimin Rewak Thana gitichamona

sokon sal ru'tangaha. Ua songara jonggipa Ring-  
jan Marakni ma'drangni song ong'achim. Man-  
tang chatchini nokmani song. Sintang Mantang  
Ga're, Gabil ine chatchi ra'grike ekna gela  
man'ja ine changrikachim. Ua Mantang nokga-  
chikon Pa Gongsin Marak skango ma'nok cha-  
achim ine agana.

Ua ma'noktangni Nokmani noko gakat  
neng'takon, budepa buchuma, "Skan nang'ni  
bilmitingo matchu chara mobae, rang ba'e do-  
nangaonitalan na'a naba nabajajok, sokaba  
sokbaj-jok, Gongsin, na'ade" ine depanteko  
ma'nengaha, "Nang'pade angade re'e nio sokja-  
jok salniangengjok, aganoba ku'tangjajok, kambe  
bon'nangode, basako nikkugen na'ara ching-  
koara". Indine agane agrango gata chara bipa  
gipok, merang jappilako simchi ringringpilako  
saraona salone tingka date, nokni depante dejak-  
rako okamate, pakmao pote dona mil'amko ra'e  
bilsano srang dake den'jok. Indake chrako  
mande ra'e mesokaha. Indake matchotman'oa  
nokni nokgipa Nokma, "Araraoba ku'gitchuoba  
da'aldo tuangbo" ine sagipako mol'mole aganaha.

Sagipa Gongsin Marakde be'enkode cha'jawa  
ine uienba unade do'oko mangsa rim'e bipa  
dal'ako on'aha. Aro natok na'gilchak (rou) dal'-  
ako mangsa am gitike skoko rite on'ehina mang-  
gimik ra'bae on'eha. Dokgimin matchuni be-  
enko rate bisarangna song'e on'aha. Aro mitam-  
ke ripoe granke koksepo on'ataha. Nokmani  
nok, jeo sagipa machaka uamode song'a chanaba

jinmade dakjaha. Indiba Nokmani sadutang maharina chuko cheke aro be'enrangkoba mitam ko song'e chane mikoba jinmana song'e alaha.

Ringko chogipa majhirangnaba na'tok dal'ako ra'ange on'eaha. Una agre merongrangkoba ra'ange on'eaha.

Pa Gongsin Marak aro madrangan ma'moktang Nokmani nok pakmao bi'sarangmung wal-tuaha. Indiba chingade mitam ringo majhirangmung tusiaha. Mitamde ba'ra'ko ra'doe nokpan-teo tusiaha. Indake mamung bilongdapgijan wal-gimikan tom'tome walko re'ataha.

Salgipia Brihostibar pringo charangko ringmanahaoa, chi ta'rakani gimin ringko majhirangna agreba panterang gadopae Siju Songmongona choangpaaha. Indake sal ruutengon Sijuona sokeaha. Mipringkode ringo songe cha'buaha.

Siju Songmongo Gongsin Marakko atchi chakgipa nok nokbichongni nokona uko an'tangni chokio de'doangaha. Uano apsan ma'dipilnioa ma'jongtang aro pajongtang dongso-engachim.

Sin'tang Gare panterang una agreba Ampang Mangsang, sagipani jikcholni manderangba noktangtangchi de'ange grongrikna sengtimengachim Indibu atam ka'sinangahani gimin sagipa an-tangan re'na sikjaha ine unsalode darangchiba re'angjaha



Jonggipa Ringjan Marak atamni bijakraagko song'ronga gita song'e chana on'aha. Aro atchu-mang ambimang song'e on'ako chingaba cha'e, nokpanterangchi re'ange tusina reangaha. Ua-mangde ua nukon walko jenten re'ataha.

### PA GONGSIN MARAK ATCHIRAM SONGNI NOKRANGKO NIROROANGA.

1920 bilsini October janl skanggipa antini Sukrobar salni pringo chet bajimango a'bachenge chikung bajimangona Gongsin Marak madrangni choki kogipao de'oroate niroroangaha maina songoni panterang darangan an'tangtangni mad-rangni nokko nikatna skani gimn, kusi ong'e rimakon re'nasa neng'nikpilachim.

Sepangbatgipa madrangoni bang'bat ani no-kon mitamrangkode matchu aro wakrangko doke mande ra'na joton ka'achim indiba darangkoba indakjachina beng'ani gimn uko dakjaha. Indiba A'chikni bewalo dakronga, "Rongjanggi" ine merongkode e'salo tepe, do'o aro do'chirangkode bang'a nokrangonin on'atachim.

A'chikrangni dakbewal gita mitam ma-drangoni Gongsin Marakna mangsonge song'soa churangkoba uni bitchirangko botolo we'e ra-baenba ringjamangoba uni sepango rudlte gal-chengenba turimanl krongo rugale, bimakon an-tangtang pasike cheke ringsrangaha.

Indake songni nokrangko niroroe saljitchi badena skang ua an'tangko pajongtangmaangni nokchi de pilchina aganani gimin de'angpilaha.

Nokona sokon chi ding'achi be'enko towel-chi lpake una song'e tarigimin mi bijakrangko pajongtang aro ma'jongtang an'tangtang jaktang-chi bi'sana gita on'achim. A'chikni mirong mimako an'tangtangni dakgipa a'ani me'diko name songachim. Do'o bi'sa sa'rongko e'ching rasinko brine, pura rim'brine wa'nok wa'sing dal'ao brengachim. Na'tok banggni bolgongko namekae anjie wal'kio ange mlnatachim. Depante Gongsin Marakna mangsonge ma'jongtang songgimin me'dikoniko A'chikni bewal e'sal re'chu sokgitalko den'sote wa'alo lmchenge ding'a ding-ako saenba tepe donchengaha. Unikode pajongtang do'o sa'rongko bijakna brenggipako, a'ani parao (tala) e'sal king gimikko anchenge brenga bijakko similding kingaha (toktoka). Una agre na'tok banggniko go'olo anjie anggipakoba e'salo busuko gale akprie ampok dal'gipani kosako uni bijakrangko ra'gate, pajongtang ma'jongtang bi'sana git a dongtime on'aha. Cha'mitingo be'enrangkoba akpneke na'tokrangkoba bu'surangko gale ma'jongtang on'aha.

Chonchone tepe tepgni dake miko saako bon'e cha'mano, ma'jongtang pajongtangchiko nie "Okkajok" ine agane "Cha'jajok" ajong, ine agane, pajongni bijak. brengaba simila toani gimin cha'en cha'en bonpiljajok, ine agane jak-suna chi bi'aha. A'ani parao bo'om chiko on'e,

jakko an'tang rim'roke jaksuatmano, an'tangni  
kotip gipokko po'oke kusrechi Gongsinni jakko  
ipakaha.

Pakmao bolko matchia dake tiktak dal'prete  
sole dona dongachim Uano sagipani lepko  
anchenge uanona pajongtang jakkindile rimang-  
enba asongataha. Cha'mane ampok matchiao  
pakmao dandane asongmano ua an'tangni camp  
katko badale an'tangna biap tarichina jikgipa  
Rameswar ma'gipako aganaha.

Unon mani Rameswar ma'gipaba joggipa  
Ringjan Marak aro gritang nanga Odon Marak-  
ko okamate Campkatko badale blapko aneon'aha  
Ja'mano sagipa an'tangan pakmao asongaoni  
ka'sne Campkatona re'bae tugitile biapo neng'-  
takaha.

PA GONGSIN MARAK AN'TANGNI BILMI-  
TINGO PANTESKARANG BAKSA  
R●AKO GISIK RA'A.

Gongsin Marak ni cha'mano adita neng'take  
ua jontang Ringjanko okame aganaha. "Na'-  
simang angko nokgachirangkode de'roroe meso-  
kaha, indiba nokpanterangkode angade nikpa-  
kujaenga".

Unl gimln sengtlme donggipa panterang  
Gongsin Marakko nokpante ge'antiona chong-  
motan, Ampang nokpanto, Gineng Nokpante  
Rongchot Nokpante-rangena de'angoa, pante-

angaba mande ra'e, saobara awang, saobara gume, boning, mosa ra'e "Chinga maiko on'e nang'ko mande ra'gen" ine sakantian an'tang tangni nokpanteo salam ka'aha.

Ja'man kitiko uko Sintang Gare, Rechil, Chada nokpanteona de'ange uanoba jongska adatang darangan apsan mande ra'e salam ka'e watataha. Ua nokpanteon ua an'tangba pante bilmitingo tua dongachim. Ua nokpanteon song-gimikni nokpantena bate ro bata-dal'batachim.

Ua nokpanteon ua bilmitingo an'tangni mama, ada aro jongdrangko gisik ra'e uko duk ong ataha maina uni apsan rorimgipa uni mama-tang adatangrang una skang re'angaha. Uarangko gisik ra'e ua ka'beaha.

Bon'kamao, Pa Gongsin Marak panterangko okame Atong ku'sikchi, "Hai angko ajongmang nokchi dilbo) ine mol'mole mong'aha. Uni gimin panterang uko watatna sikjabeoba Pajongtang majongtangmang'ni nokchi de'ange rimange doneaha.

Nokona sokon ua pakmao am'pok dal-gipao asonge neng'takaha. Aditani ja'mano Pa Gongsin Marak, pajongtang majongtangmangko okamaha. Unon uamang sakgnibn uni sepangona re'baaha.

Pa Gongsin Marak, "Angade da'ode tange dongosa re'bataignok. Indiba sokbajaode sijok ine chanchiaibojok. Angade da'al an re-pilgnok"

ine slatie aganaha. Ma'jongtang demechik mangko aro Gongsinni nogipa nangarangko okame adatangna "Rongjanggi" tepatchina aganaha. Unon nogiparangoni saksa nokdringchi napange tepe tarie dongimln me'rong, rongchu aro adita rong do'chirangko ruano ra'bae adatangni mikkango chineaha. Una skangba do'bima gipok chimitingko rim'e koksepo chipe nokkrao donsoaha.

Chingade ba'ra kancha aro bosturangko ra'e ong'onangsoaha. koksepo chipe dongipa do'okoba ra'angsoaha. Ja'mano mamamang aro bi'sarangko salam ka'e darangan ringona ong'onangmano sagipa mama Gongsinkoba uko riperronggipa chokio de'tome ringona rimangaha.

Re'chakatna skang madrangrang, me'apa me'chikmarang are bi'sarang uko nirikna re'baaha. Uamang uko gronge salam ka'rikon, duk ong'e uamangni grapgrikengako niko, Pa Gongsin Marak an'tangba ma'drang, ripengskarang aro atchiram songko watangna ka'pake grapaha.

Pilakkon gronge salam ka'manahaoa, Gongsin Marak majhirangko kusa ringko slm-sake watonchina aganaha maina Siju ghatonin chi dal e t. rakachim. Uni ja'mano uamang joljol Alok pang songona choangaha. Uan uni o'bite niotangni song ong'achim. Uanona sokon an'tangni o'bite niotangmangko aro mosutang boningtangmangko watmatjae waltuna chanchie ba'ra kancharangko ra'doatangaha.

Mal bosturangko ra'doangmantokani ja'mano song'e cha'china majhirangnaba merong, me'su-samjak aro na'tokrangko on'ataha. Jonggipa Mingjan Rarakba adatangna senggung song'e ehane on'aha. Jinmanaba nok nokgipa song'e ehane on'e chingaba darangan cha'tok ringtokaha. Chingni waltuengako knae songsulni manderangba Pa Gongsin Marakko grongrikna bang'en re'batokaha.

Salgipinni pringode pringni cha baksa cha'chap ringchapana agre mlpringkode cha'bajaha. Indiba mi bijakrangkode song'e ehane e'salo tepe on'attokaha, warangko ja'mano meng'takgija ringko joljol choonbae sal bang'engpitiom songtang Baghmarani antidamo donggipa noktangona sokbaaha. Ua salara Robibar salni atam ong'achim.

Noktangona sokbaani ja'mano Pa Gongsin Marak barandao asonge ngame dongengachim, unon ua pante-metrarangi Baghmara songmani giljachi re'angengako nirike uamangko okam-deataha. Uni okamatako knae basikba sak panterang nokona dobaaha.

"Na'slmang giljachi re'angengama?" ine Pa Gongsin Marak uamango sing'aha.

“Na’simang Pamongko, ong’jaoba Masterko  
 ong’jaoba je me’apakoba Sombar salo dingtang-  
 mancha Bi’an! Giljako ia angni noko ka’atna  
 aganatengana ine aganpabone, jongdrang” ine  
 Pa Gongsin Marak panterango agannataha.  
 Panterangba uni aganata gita dakna ku’rachako  
 re’angaha.

## BAK XXII

### MITELPIL'ANI BI'ANIKO DAKNA MONDOLINI MANDERANGKO OKAMA.

Pa Gongsin Marak an'tang atchiram Siju Songmongko aro ma'drangko gronge re'bamano, songtang Baghmaraona sokani ja'mano a dita bilonge sadapaha. Indiba uni ska gita ua an'tangni indita chel'e re'ange sokbapilani gimin noktango Mondolini manderangko okame Bi'niko dakataha. Un waloba ua adita bilongbate changse nom'bokaha. Uni salsagipani pringon, Siju, Alok pang, Goka aro gipin mongsonggipa ma'drangni songrangona manderangko watate grongechina uiataha. Uandaken songrangoni ma'drangrang re'bae darangan grongetokaha.

Prayer Meetingni atamo ua an'tang agangija jikgipako aganataha. Uni gimin ua jiktangna bi'ani ja'pangrangko agane on'aha.

Skanggipao, Turachi re'angmiting sal aro somolrango, ramao mamungba duk grian, Nokgipa Isolni ka'sae dilanganichi tom'tome sokanganina aro Turao dal'dalgipa Officerrangko gronge dakgal kamrangko chu'soke matchotatna man'ahanina Nokgipako mitelpil'ani gimin;

Galgipao Turao kamrangko matchote ka'man'o songtang noktangona tom'tome dil'banina Gitelko mitelaa;



Gitangipao, atchiram songtang Sijuchina tom'tomedilange ma'drang maharirangkogrongna cholko on'ahanina aro unoni songtang Baghma-raona tom'tome dilbapil'anina Isolko mitele bi'china;

Bon'kame, sagipa an'tangni baki salrango maikai chakchikani bilko man'gen, chakchikani bilko on'china Isolo bi'chakpachina.

Kosako janapgipa bi'ani ja'pangrangko, segipani agane on'a gitan, uni jikgipaba Prayer Meetingo jinmana aganaha. Nok nokgipani bi'ani ja'pangrangko jinmana parakatani ja'mano Bi'aniko dilgipa, janapgimin katarangna aro gipin nanganirangko janapdape gisikni dilagita bi'chakate tom aniko matchotataha.

Ia anti October janl skanggipa sal ong'achim aro 1920 bilsini bilsil ba'chotna jagitamsanahachim. Jeba ong'bo Pa Gongsin Marak Nokgipa Isolni una on'gimin a'gilsako dakna nanggni kamrango jekai, Mondoliko songako rikamo, songko nokko sason ka'enggipa Sorkarina an'tangni bil ama dipet dakchakachi, una agre jatni, songsulni, ma drangni janggiko jokatna kamko ka'na an'tangni janggiko on'kange kam ka'aha ine nikmanaha.

Gitelni nokoltangni dukko ra'chake, uni sal ba somolko basako bon'atgen uko darangba uijachim.

Unl saa billongrorona a'bachengaha Basakoba salni gisepo, basakoba walo chotchang-gija nombokjiringani kata ua jolni songrangona, burungo kamenggipa agalni pipraanga gita, darangchin jangangaha. Uan ma'drangni aro songsulni manderangni gisikko dongsiksakataha. Indaken ma'drang ong'chong, nammitingo uo janggi tanggiparang ong'chong, uko grongrikna re'bagiparang salantian chotchangjachim.

A'chikskarangna agreba, gipin Mahajonrang aro Zamindarrangba bang'an re'bae grongeaha. Unl ku'rang mangmangkoba knatimna re'bagiparangkon bija chiraa gita nkpilaiachim.

Simsang aro Rompa chijolni manderang me'a me'chik ringrango re'bae Pa Gonsin Marakni saako nietokaha. Uamangna agreba Bengalirangba Kusa ringrango choe re'bae grongegiparangba bang'achim.

A'ga a'rongganl manderangba kera ole merong ginde su'e, do'o kokseprango rim'e re'bae nigiparang bang'achim. Uandake mi bite kario miko on'na tangka ra'sogipa Hajong, koch aro Banairangba pilakan re'bae nietokaha.

Nigiparangko darangkon nimangmangaina agre, uamangko dangtapna ba gopo ka'nade uko sangipa Doetorrang ba kob'rajrang on'jachim.

Gipln jatrangna agre, chel'kala songrangonl re'bagiparangkode mesal cha'gijade re'angatja-chim, malna uamangoni darangba chongmotna agrede, saldonge tukam dongkamnade man'tok-jachim. Indiba mitamde, saldonge tukame dongangnan ga'akachim. Pa Gongsin Marak an'tangui saa adita dongtokalode aro mikselkalode, badlaba an'tangni namnikgipa mandeko roriba ong'chong ua an'tangan asongchina agane gopo ka'e salam ka'esa watatachim, uni indaka kamrangchin ua a'gllsako ru'ute janggi tangangjanaba dongaha ine mesokachim.

Janggi chotna adita salna skang ua Mondolini me'aparangko grongna skako agaueni gimin, uamangba re'bae uko dingtangmancha grongeha. Uamangko grongon, Pa Gongsin Marak Mondolini me'aparangna indine aganaha, "Anga na'simang baksa kam ka'rimani gisepon basakoba Mondolini ba skulrangni gimin aganon an'tangko bil man'gipa gita, sala gita ba manenga gita aganaha, uarangko gisik ra'e sakampanabe."

Unon me'aparangonl saksalndine aganaha. "Atchu Bong Lasker aro Rangku Mominni ja'mano chinga Nirikgipa gni mesrang gita branggen ine chanchiaha indiba Nokgipa Isol chingko Indakeŋ ong'na on'jaha. Batesa nang'ni kurio ka'bako dilkepe chingko aro songsulrangkoba, bi'sa ma'griko, kangal segrirangkoba ong'chong, gamo, katao cha'anio tangka-palsao aro pil'ak nanganirango on'e na'an chingko

chiru a'gataha, dlleng do'mikaha. Iako darangba jechakna amchongmotjawa; ua groko nang'na darangba chotskana man'jawa. Indake chingko diloba, chingni bamgijachi aro ku'mongani olgrokachi, dilgipako ja'rikna sikkijachi, Moudoliko rikanio ba songsarko silroroatanio olgrokaha ine chingaba nang'na ku'rachakna nangao ga'akchongmotenga." Pamong Isolo bi'e gisiko sagrikgianiko ku'rachakgrike dontongaha. Una agre sepango aro chel'ao donggipa ma'drangko grongaha. Ua atohutang sanini nokma aro sardarrangkoba grongaha. Pa Gongsin Marak uamangko gronge indine aganaha, "Atchu Bong Laskerba dongjaha, da'oni obostani kride angaba na'simang baksa dongangkuna kadongani bang'jaha. Angni boningtang Singdon Lasker, Sarapa, na'simangni jakkindilao ramadilao atchu sagini dalbea a'bakuko gamgen, uni gimni uaba saksande rakjawa, na'simangosa pangchake rakgen, Singdon angni boningtang, sakam an'dingoba, uni nokkrom Ginseng Sangmako ki'me seteba, nachil raeba, ching atohusani mikkim rasongko rakkina na'simang dakna nanga inede angade na'simangkode rake aganangna man'jajok, indiba galpanabe, inesa mol'molangpanasa man'aiaha." Indake aganman'ani ja'mano neng'ana ma'ame ua biapo gitile neng'takaha.

Unoni joljol neng'ani gimni neng'take adita dongon ua gusuna a'bachongaha. Gusua batbaroroaha. Atamchibara blongbatroroaha.

Pa Gongsinni abitang aro namchiktang, mosatang, aro ma'drang darangan uni sachakenggipa antidam nokoni melsa chel'ao Baghmara Bolsa'ledingosachim. Unigimin uamangna mande watate rikangataha.

Ja'mano abitang Singin S. Marak, mosatang Ginseng Sangma, Sara S. Marak, iamangan Singdonni nekkrom, Bongni su'gipa chawari aro una agre gipinrang bakan re'baha. Uni walon changgnina kingking ua nombokaha, indiba mikselaiachim.

Pagipako M.B.E.-ni medalko patna Turachi dilange songtang Baghmaraona sokani adita salrangni ja'mano Rameswar Sangma Calcuttachi antangni ba'ra aro poraiani lekarangko ra na re'angaoni da'asalosa pagipako grongtaiaha.

Pring wal seng'na skang Shushung Durgapuroniko Doctorna rikanggiparangba pring 8-30 mang somoto ringo Doctorko chodobae sokbaaha. Sokani joljol Doctor antangni uia gita samrangko on'aha aro ja'mano on'chinaba adita samrangko donangaha.

Doctorna cha'ani ringaniko on'e mipringkoba Bangaliska Sorkarko song'ate cha'at ringataha. Indake adita kantarang sanenba kraa gita feesrangko aro samni da'arangko on'e Doctorko Durgapurchi ringo choe donatangpilaha.

Doctorko cheanggi-parango Durgapur dokkan-rangoniko nokona nanga bosturangko, jekai chaa, chinl aro gipin bosturangko ra'bachina on'atjolaha, maina sagipa batebate bilongro-roani gimin, ka'donganl bang'jachim.

Pa Gongsin Marakna nek-gipa Isolni patia tangka palsa chu'onga gita dongachim. Unl gimin ua an'tangni biatiko sanna banna gita, Calcutta, Dacca aro Mymensingh jillarangoni namgipa Doctor aro samrangkoba bree bang'a korosrangko ka'e dakgrikbeaha.

A'gilsakni mngsinggipa Raja aro Rani-rangba, man'e cha'giparangba, mandeni uia, changa saparangchi pangnan mandeni janggiko rakkina dakgrikronga. Indiba uan ka'dime-atnasan ong'a, malna Isolni do'roa silma ba ariko a'gilsakni derang bilba tangka, sona hira, aro muktaba dikdixsanaba sretatna man'chongmot-jawachim.

Skang chasongrango bang'a manderangan T.B. rokko man'ode uko namatna samko bikot-na man'kujani gimin, tangna ka'donganl grichim. Da'ode T.B. blatiko namatna man'gipa samko man'aha. Ua somoloba da'ororo gita ong'ode sagipa mande tangkugenchim lne aganronga. Indida uan aganna ma'kee aganna chol man'ani gimla aganasan eng'aia. Indiba mandeni mangsonga Isolni mangsonga baksa mamung-saloba ong'na amja.

## BAK XXIII

### UNI JANGGI TANGANI SALRANGKO NIPILTAI SIMSAKE JAKALAH INE MESOKANI

Pa Gongsin Marakni janggi tangani kata-  
rangko porale an'ching chanchiatna man'a. Una  
je sal ba somoirangko aro bilsirangko Nokgipa  
on'ahachim, ua uarangko nambatgipa kamrangko  
chu'gimik ka e an'tangni janggi tangani salrangko  
Giteltangna jakkale mesokaha ine ma'sina man'a.

Ua nikkijagipa Isolko bebe ra'e, an'tangni  
janggi tangao je dak dagirang donga, janerao nie  
mikkangtangoniko moilarangko ipake gale rong-  
talata gita, uarangko Mondolina Ku'rachake  
janggitangni dak dagirangko rongtale Giteltang-  
ni mikkangona re'angna tariaha ine an'chingna  
mesokaha. Una agreba Pa Gongsin Marak an-  
tangni bebera'anichi, Mondoliko rikanlo dang-  
dikgipa ongpaaanichi, bang a songsuloi mande-  
rangni janggi jokani cholrangko on'anichi, unaba  
Isolni patiani rengsiko on'pagen ine ka'dongatna  
man'a. Uasanaigija, songsaro janggi tanganlo,  
gamtango rasong chagija, batesa jatskana ong-  
chong gipin jatrangnaba ong'chong, kangal chol-  
gri bisa ma'grirangna amadipet jaksrame on e  
dakchakanichiba Giteltangni ka'sachakaniko  
man'gen ineba ka'dongchakna man'a.

A'gilsakni uiani, changa sapani aro leka  
bidarangko skie ra'na cholrangko dakdile mesoke  
on'anichi bang'a pante me'trarang ua skulrango  
poraina cholko manaha aro indake Pa Gongsin

Marak uamangna chuna dal'na cholko dake do' gako oe on'aha. Uni gimin ja'man chasongni chadamberang uko mitelna aro gisik ra'na kraa.

Pa Gongsin Marak leka pora dongpajaoba songsaro janggi tanganio, a'songni sasonni nok-gipa Sorkarina dakchakna, bamna aro dangdike on'na simsakgipa ong'aha. Atchutang Bong Laskeronintal boningtang Singdon Lasker, mosatang Ginseng Lasker aro gumetang Ransing Lasker apsan nokdangonian chasong bongana kingking Sorkarina dangdike on'giparang ong'e ma'drangni mikkim aro rasongko rakkigiparang ong'baenga.

Bon'kamao Pa Gongsin S. Marak an'tangba Sorkarina dangdike on'gipa ong'e, Member of the British Empire (M.B.E.) ine upadhiko man'e, bilakgipa a'gilsakko sason ka'gipa jatsani on'gimin titleko man'e, Matgrikni medalko gankape mandeni aro Isolni nokol ong'e, an'tangko mesok-aha. Indake ua uni bon'kamgipa salrangona kingking jatna uro a'songna NISA'N gita de'e mesokangaha.

Kosako janapgipa a'sakni pilak kam damrangko dakmesokani ja'mano, ua an tangni bebera'gipa Isolni mikkango, mesokna man'na gita an'tangni janggini mikkangni dak ba dagi-rangkoba nipilate nikahon, uarangko Isolni bilko man'gipa rongtalgipa Mondolio nape rongtalatman'o an'tangkotariere'angaha jedakode ua mamung jong'sik-chalwenga gri Giteltangni mikkango chadengena man'gen.



Pa Gongsin Marak an'tangni noko mitelpilani Bi'ani meetingko ra'ani sal intal bilongro-robataha. Umi salgoini ja'mano, ua bang'e ku'sik aganangjaha. Salniangachibara ua jikgipa Rameswar ma'gipako okamaha. Unon uaba (jikgipa) "Angara iande" ine sepango jako rim'e "Maina" ine singaha.

Pa Gongsin Marak, "Bao bi'sarang ? ine sandiaha. Rameswar ma'gipabi'sarangko okamat-china mande watataha. Bi'sarang re'bae pagipani sepango wilwile chadengaha. Pa Gongsin Marakni mikkolo mikchi gape peona so'olpil-engachim. Uko nke uni ka'sagipa jikgipa jaktangchi uni peoni mikchirangko rumal so'omachi epake on'aha.

Mikkoloni mikchiko ipakmanoa ua name niwingwange dedrangni jakko sale an'tangni ka'bako donaha. Gusubeani gimin uni ku'rang gam'jaha. Salniangachibara ua pil'e jikgipako okamaha, aro ku'mituchi, abitang, namchiktang-mangko am'aha. Abitang Singin Marak jonggipani jakko rim'e, "Maiko aganna am'enga?" ine singaha.

Jonggipa Gongsin Marak, "Nang'ni saritang Rameswar ma'gipako gualnabe" ine abitangni jakko rim'e ku'mituchi aganaha. Pil'e ua niwilwale Ginseng aro namchiktang Sara Marakni jakko rim'e "Nang'ni mantangko gualnabe" ine aganaha. Depante nanga Ginsengko "Nang'ni me'detangko nirokbo" ine ku'mituchi aganaha.

Da'o Pa Gongsin Marakni ku'rangba gam' jaha aro uni ku'chil ran'beako nike chamoso glassni chiko rue, mani Rameswarni ma'gipa kanatmano, ua neng'bee rang'site janggina dak-grikkie, so'olangon uni ja'a ja'samgni ja'sku dem'achlm, uko abitannggipa Singin S. Marak dimbrengetmano Pa Gongsin Marak kosakchiko jaksl ote mesokmano ku'samangmang rangspee an'tang ka'sabea jik-dedrang, ma'drangko wate ua janggi galaha. Uni Giteltang uoniko pii'ak dukrangko ra'chake uko neng'takatna jringjrotna rimangaha. Ua sal 1920 bilsini October jani 6 gipa tarikni Mongolbar sal ong'achlm.

Ka'sindikdik walni andalengo Simsang chl bima nalsachi do'wingwingba ka'suang suang mikoengachim. Sianggipani depanterang uni slai ponggniko ra'e pagipani janggi ma'sisrange chotahaon baditaba pong goataba. Slaini ku'rangni ja'man Mondolina on'gipa Rangkunl Church Bell dal'gipako dokate Pa Gongsin Marakni janggi galaniko parakataba.

Pringonintal walni prohorona walglmikan ringrangko choonbae, mitamrang ja'achl re'bae, ma'drangna agreba songsulni manderangba, grape mangtate walko re'ataba. Adita somoini ja'mano pante me'trarangba glitrangko ring'e me'aparang, Pamong, Procharokrang Sastrorangko poraie Isolo bi'e ka'dimeatna bi'chakaha.

1920 bilsini October jani 7-gipa tariko Coffin tarlona Durgapurchlniko velvet gisim aro gipok

ba'rako ra'baaha. Coffinko tarimlingo dolgni maheririrangni aro songni manderangni namnika gita uni dongchakgipa nokkapni bari nling'on uko gopna a'kolko cho'aha.

Sushung - Durgapuroniko cementni mistri-rangko rimbae Pa Gongsin Marakni gopramko tarlataha. Indiba coffinkode antidamon songtangni Mondolini me'apa mistrirang, Pa Dharansingh Marak, Banding Sangma, Jenang Marak, Sangrin Sangma, Tebin D. Shira aro glpin changgipa mistrirangchi gonsiri bolni doktako coffinko dakaha. Dakgimin baksoko velvet glsim ba'rachi datkapah a. Pindapani kosako velvet ba'ragipokchi chisol ko dake ratenba datkapaha. Una agreba mistrirang chisolkoba tarie uni bimungko aro atchiani aro siani bilsiko chisolo batalchi konge semano uko pujuram sepangona ra'ange coffin baksa doneaha.

A'chikni bewalo, Pa Gongsin Marakko abitung ong'jaoba nogipa bon'kame auatani ong'achim ine agana, Indiba uni ja'sin kurini nogipa sianggipa Ringsai S. Marak saksasanchim. Uni pal, uni demechik Sara S. Marak. uni namchik-tang auatna nanga ine majongtang Singia S. Marak una pakwate ua antangan dakmesoke dakehakaha.

Jenggipa Pa Gongsin S. Marakko A'chikni bewalo auatna abitung Singia S. Marak, sonani rangkareo Gongsin antangni karkanao tarigimin agor kuroni simlilgipa attor toko aro glpin gam.

chatgipa torangko brine, demechiktang Sarani  
jako on'e mamatangko auatchina mesokdile  
on'aha.

Mangisiko ma'drangni gopna ba so'na skang  
auatani bewala A'chik ma'giticham pagiticham-  
rangni dakbewalni mongsongbatgiparangoni ming  
sa ong a. Manggisiko auatman'ani ja'mano, mang-  
gisini jikni nlo sarirang auatgipana "Debrachitra"  
on'a nangachim. Songsarek ong'ode, nokdang  
dal'ani kri matchu mangsa, ba'ra ong'jaoba rang  
ko'sa unbaksana tangkakoba gong chikung ba  
chi'bonga dake on'rongachim. Auatani ja'mano  
on'gipa gamkon "Debra Chita" ine A'chikrang  
aganronga. Ia dakbewalko A'chikrang baditana  
kingking jakkale ja'rikengpiti aganna man'ja.  
Indiba A'beng jolni manderang, chongmotan,  
Mouza No. II jolni manderang songsarek aro  
Christianaranga songrangode bewalkode jakkal-  
enga ine nikna man'a.

Songsarek ong'genode, je nokdangni nlo sari  
debra chitrako on'ani bewalko on'atja, uamang-  
nade A'chikni bewal 'Me'mang' dilangoba chong  
motan siglpani pal mande on'pachina janapoba,  
bewalko jarikgljagipa nlo sarina jaksrame chan-  
chiani ong'ja ine aganronga.

Pa Gongsa Marakko namchiktang jakpa  
auatmano coffine chipi, antidamni nokoniko  
songadamni neh Baghmaraona ra'dona tarlaha.  
Nokni besturangko aro ba'ra kancha, me'dik  
samdikrangko ringo gate songehina chodoangaha.

Da'o Pa Gongsin Marakni coffinko nok gadangnloniko ra'ongkate, ehisolko skang de'e, uni ja'mano bakosko panterang pilakan kusi ong'e chile, Pamong aro Mondolini me'aparang, pante me'tra aro songni manderang rejimmac "Rimangenga, Rimangenga" ingipa gitko ring'e ra'doangaha.

Songena sokon, una cho'gimin a'kolko cement repia nom'enganl gimin, noktango uni turonga palang silo coffinko donani ja'mano, ma'gipani nokchi ra'doani pal abitang Singin S Marak, Sara Marakni nokona ra'angchina mol-molahani gimin gol ba gitam bajimangona ra'bana tik ku'aha.

Indake Pa Gongsin Marakni coffinko pring-grogro-o ma'ani nok Bong Laskerni nokona ra'napon slai pongsa goe, ra'nape pantemlingo uni turamni halni palang silo uko walsa pujuate done atchutang Bong Laskerni blmang gimik oli paint photonl kurio, su'gipako rimangna sengtimenga gita chacha, atamni gitam adha bajimangona done, noktangona ra'ongkatbataie changsa slaiko goe mamatangko Sara S. Marak watataha. Indake noktango walsenge goprampo cement tarle ran'janl gimin sengaha.

Chel'ao ba sepangoni bang'a manderang ja'achi re'bagiparangba ba ringo re'bagiparangba darangan cha'gija ringgijade dongna man jawa-chim. Uni gimin matma, matchu, do'bok, de o. de'gep bang'an doke sokgiparangko sokachakan

songpang songa apsan ku'monge song'e chane  
dakchakrime cha'e ringe Pa Gongsin Marak-  
ni manggisiko mangtudile walseng-salnidilaha.

A'chikskana agreba bang'an gipin jatrangba  
bon'kame gopako nina senge re'angjachim. Ua-  
mangba an'tangtangan song'e chane cha'e ringe  
duk chake kalime mesokaha.

Bhatan-oniko matmako mangdokna bate aro  
matchuko mang-snina batenmobae kae donachim.  
1920-ni October 9 tarikni pringode uarangko kae  
donram gohalio aro karam biapode bigllarakosan  
nikalaha. Indake skatangtang an'tangtangan nok  
giparangna miknenggija, mikoba bijakkoba song'e  
chane mipring cha'ako, aro matchotakosa  
sengaha.

Bang'batan gopako nina sengengani glmin  
salni sagipa bajimangon skanggipa kantako  
dokaha. Unon gilja nokko pulchi tariatako  
matchotna joton ka'aha. Uni ja'mano gopr-  
amko cement on'e repigipa mangrakaha lue niken  
2:30 mango slal goaha aro coffinko ra'ongkataha.  
Agansogimin gita darangan gilja nokchi re'ange  
asonge sengsoaha. Coffin gilja nokni mikkango,  
na sokon Rangkuni Church Bell dal'gipako doke,  
Pa Gongsin Marakko an'tangni rongtalgipla Mon-  
dolini noko bon'kame ka'angchilna okamaha. Jen-  
salo uni coffinko do'gacholko ra'napaha unon  
darangan uko mande ra'e chadengsoaha.

Pa Gongsin Marakni coffinko Pulpitni mlk-  
kango donaha. Una tarisoglimn chisol, chisolni  
pul aro gipin pul aro bibalni tariglimn chokchlm-  
koba apsan donaha. Pamong jinmako uni jak-  
chi chindake asongataha.

Pamong Pa Gongsin Marakni gopani gilja  
ka'ao mlkchi baksa indake su'ubee aganaha,  
"An'chingni pagitchamrang jekai Bong Laker,  
Rangku Momni, una agre bang'a Mondolini  
krongrang, pamong aro procharokrang an'ching-  
ko wate re'angsoaha. Uamangni ja'mano an'-  
chinga nirikgipa gri gita ong'gen lne an'chinga  
chanchlachim. Indiba Isol an'chingko nirikgipa  
gri ong'atjaha. Da'o je an'chingko nirikgipa  
gita dilaha, an'chinga uni jakni mesrang ong'e  
gamo, kattao ku'rango aro pil'ak nengnikani sal  
ba somoio jajrengman'yachim. Indiba da'o Gitel-  
tang uko An'tangni ka'bakona rimangaha. Uni  
glimn an'chingba hai uni NISHAN-ko ja'rikna".  
Uni ja'mano Pa Modhunath K. Sangma uni jang-  
gi tangani glmin segipako poralataha aro Pamong  
an'tangan Isolo bi'aha.

Uni ja'mano uni mlkkangko bon'kame nirik-  
na cholko on'e gilja nokningo donggiparangna  
agreba chakjae a'palo chadenggiparangba nirik-  
tokaha.

Darangan nirika matchotman'o Pa Gongsin  
Marakni coffinko gopramona ra'bae tarigimn  
cementni gopramo uko donna skang uni  
tuchakgipa pitol silni palangko gopram a'kolo

donatchengesa uni kosako bakosko done, uni  
 kosako dekta ritshagipako plndape bon'kame git  
 ring'e aro bl'aniko dake uko uni ka'sagipa jikgipa  
 aro derangni jakchi a'kinterangko pu'eachengate  
 depanterangchi kodalko ra'e a'ako dapchengate,  
 jlmaba, panterang aro me'aparang, matchote  
 gopaha.









---

Printed at the Narayan Press, Tora.